

**FRIDERICI  
ESAIAE  
PUFENDORFII DE  
PRIVILEGIIS,  
SPECIATIM DE...**

---

Friedrich Essaias : von  
Pufendorf



XXI

C. 53









FRIDERICI ESAIAE  
PVFENDORFII  
DE  
PRIVILEGIIS,  
SPECIATIM  
DE  
JVRE DE NON AD-  
PELLANDO  
LIBELLVS.



---

HANNOVERÆ,

---

IMP. NIC. FOERSTERI ET FILII  
c1o 1o CC XXX.

THE UNIVERSITY OF CHICAGO  
LIBRARY

1000  
1000

CHICAGO  
ILL.



1000

**ILLVSTRISSIMO,**  
**PERILLVSTRIBVS**  
**ATQVE**  
**EXCELLENTISSIMIS**  
**DOMINIS**  
**SERENISSIMI AC**  
**POTENTISSIMI**  
**MAGNAE BRITANNIAE, FRAN-**  
**CIAE ET HIBERNIAE**  
**REGIS,**  
**BRVNSVICO-LVNEBVGEN-**  
**SIVM**  
**DVCIS**  
**ET S. R. I. ARCHITHESAVRA-**  
**RII ET ELECTORIS**  
**IN TERRIS ELECTORALIBVS**  
**A CONSILIIS SANCTIORIBVS,**  
**DOMINIS AC MAECE-**  
**NATIBVS MAXIMIS**

HAS  
INGENII SVI PRIMITIAS

ANIMO DEMISSO

CONSECRAT

ILLVSTRISSIMI,  
PERILLVSTRIVM ATQVE EX-  
CELLENTISSIMORVM  
DOMINORVM AC  
MAECENATVM

CLIENS HVMISSIMVS

FRIDERICVS ESAIAS  
PVFENDORFIVS.





## PRAEFATIO.

**H**unc ingenii mei  
foetum disquisitioni  
tuæ, amice lector, subje-  
cturus, pro more scripto-  
rum de instituti ratione  
mihi præfanda esse non-  
nulla, arbitror.

Cum primum quidem  
me ad hoc opus concin-  
nandum adcingerem, pri-  
vilegii de non adpellando  
naturam & indolem peni-

) 3 tius

PRAEFATIO.

tius paulo investigare, mihi animus erat. At cum id commode fieri vix posset, intelligerem, nisi omnem privilegiorum naturam solidius rationis ponderibus prius examinasset, neque invenirem quenquam, qui hoc argumentum secundum rationis leges solidius adcuratiusque enodasset, operæ pretium mihi esse, videbatur, eam quidem materiam peculiari tractatione ante explicari, quam ad ipsum privilegium de non adpellando progresseretur. Qua quidem in re  
id

## PRAEFATIO.

id tantum mihi proposui, ut paulo distinctius exponerem certiorique ratione demonstrarem ea, quæ jure de non adpellando continentur. Ignosces igitur nobis, amice lector, si ipsam privilegiorum materiam non omnem forsitan exhaustimus. Atque id quidem in causa fuit, cur renuntiationem jurium in primis ante privilegiorum tractationem perpendimus, quoniam ipsa privilegiorum natura vix dilucide explicari potest, nisi prius de renuntiatione jurium

egeris. Nemo enim adhuc, mea quidem sententia, hoc argumentum satis distincte commodeque secundum regulas juris naturalis tractavit.

Cum autem jus publicum non ex jure civili Romano, sed tantum ex ratione ipsa dijudicandum sit, hujus potius, quam juris Romani leges spectavi, quanquam nec has quidem omnino neglectas omissasve deprehendes. Eas enim in universo argumento, quod in Capite primo de privilegiis tractavimus,



mus, juri naturali semper adneximus, ubi ab hoc jure paulum discrepare videbantur: id quod significandum tibi esse duxi, ne scius ne esses. Aliter enim quod ad leges civiles attinet, varia, quæ proposuimus, cum veritate non videntur congruere.

Hac præterea methodo, quantum ejus fieri potuit, usi sumus, ut ea, quæ sequuntur, ex iis demonstraremus, quæ antecedunt. Primo itaque loco de iis egimus, quibus ea, quæ sequuntur, commodius ex-

## PRAEFATIO.

poneremus. Iſtam enim docendi viam, ut poſteriori demum loco tractentur, quibus nondum cognitis intelligi ſatis nequeant ea, de quibus jam loquimur, aut argumenti ratio lectorem celetur, perversiſſimam eſſe, ſemper cenſuimus: cujus rei Heineccium, celeberrimum Virum, auctorem habeo. Nam alioquin lectoris animus ſatis convinci non poteſt, ita ut, quæ dixeris, certa eſſe, circulumque vitioſum, quod attinet ad demonſtrandi rationem, non admiſſum, exiſtimet. Hæc certe methodus eſt vere λογική & naturalis, quæ cum neque in juris noſtri doctrina, excepto tantum Heineccio, neque in aliis diſciplinis adhuc adhibita ſit, à Mathematicis, quibus ſemper ab antiquiſſimis inde temporibus adriſit, mathematicæ nomen invenit. Noſtrum igitur hunc libellum methodi mathemati-

ti-

## PRAEFATIO.

ticæ periculum juri adplicatæ adpellare possis.

Multos equidem novi, qui hujus methodi usum in juris disciplina nullum esse, perperam sibi persuadent, quod omnia non possint demonstrari necessariis rationibus, id quod in Mathematicis fieri plerumque solet. At ii quidem, meo judicio, falluntur egregie. Neque enim ipsi Mathematici omnia possunt deducere ex principiis necessariis, quæ tradunt, imo potius multa, quæ experientia subministrat certa atque indubitata, in quibusdam disciplinis ponunt tanquam principia, unde plures oriantur veritates. Wolfius ipse, Vir celeberrimus, qui inter Mathematicos hodie merito primas tenet, regulas motus ex necessariis principiis adhuc elici & demonstrari potuisse, negat. Nihilo autem secius Mathematici has ponunt regulas,  
ex

## PRAEFATIO.

ex quibus ulteriora convincant. Eodem modo Astronomi multum factum sumunt ex observationibus longa temporum serie incredibili cura confectis, quibus innitantur ulteriora probaturi.

Imitemur itaque hac in re Mathematicos, & quæ ii ex experientia, ea nos arripiamus ex legibus civilibus, & in iis aliarum veritatum, quæ inde proficiscuntur, jaciamus fundamenta. Priori semper loco ponamus ea, sine quibus intelligi non possunt, quæ sequuntur: definitiones adcuratas conficiamus, & formemus axiomata ac theoremata: atque hac tandem ratione efficiemus, ut methodum mathematicam in juris nostri doctrina observasse, dicamur, corruatque eorum opinio, qui juris prudentiam ab ea abhorrere, pertinacius contendunt. Eam enim rationem si sequaris, nullus dubito, quin  
tan-



## PRAEFATIO.

tandem systema quoddam juris civilis absolutum componi possit idque ordine mathematico, dummodo Digestorum, vel Institutionum immutes ordinem, & materias quasdam, si recte ita videbitur, dividere, non extimescas. Quod si enim Institutionum vel Pandectarum ordini nunquam non anxie inhæreas, multa trades priore loco, quæ intelligi non possunt, nisi ea prius cognoveris, quæ postea explicantur. Sic patris & domini potestatem apud Quirites ejusque effectus adoptiones atque emancipationes satis perspicue haud capies, nisi res Mancipi & dominium Quiritarium cognitum habueris. At ea altero demum libro exponuntur post locos, ubi de patris & domini potestate agitur. Eodem modo quæ de tutela testamentaria traduntur, non satis explicari possunt, nisi de testamentis & codicillis prius edoctus fueris. Is

## PRAEFATIO.

Is vero, qui adgredi apud animum decernet opus Pandectarum aut Institutionum, mathematico ordine conficiendum, jus naturale, hominum mentibus insitum, fundamenti instar apte constituet, & in singulis locis, qui occurrent, monstrabit accurate, qua in re Quirites à jure naturali interdum paululum discesserint, ejusque rei rationem ex antiquitatibus ipsaque indole Reip. Romanæ pulcre deducet. Cum jus Pontificium quoque in causis creberrimis apud Germanos vigeat, ejus etiam instituta iis materiis adjunget. Neque vero Jus Germanicum negligendum ei erit, quatenus inprimis usu colitur. Qua tamen in re ut singulorum oppidorum statuta vel jura regionum singularum recenseat, ei auctor non ero. Haud equidem diffiteor, id magni fore laboris opus;

## PRAEFATIO.

---

pus; sed quo magis arduum ac difficile, eo magis nobile quoque erit & gloriosum.

Non opus est, te rursus commonefieri, amice lector, ne definitiones nostras à vulgari loquendi sentiendique ratione alienas arbitraris esse. Exempla, quæ inferuimus, singulis definitionibus subjecta hoc testantur satis. Facultatem equidem aliter à Grotio definiri, non diffiteor, atque à nobis. Verum cum nostra definitione egregie consentit communis loquendi ratio, quæ res meræ facultatis eadem voce intelligit, quam ego adhibui. Si potius vulgarem vocis sensum aliquando paululum immutavimus, id sine gravissima ratione non fecimus, velut ex ipso libello perspicias.

Plura, de quibus tecum loquar,

## PRAEFATIO.

---

quar, non succurrunt. Extremo  
tantum loco etiam atque etiam  
rogo te atque obtestor, amice le-  
ctor, ut vitia per absentiam me-  
am ab operis commissa mihi ne  
vitio vertas, sed animo benigno  
atque humano emendes. Vale.

Cellis Luneburgicis

ad d. VIII. Mart.

clo Io CC XXX.

**TRA-**





# TRACTATUS DE PRIVILEGIIS SPECIATIM DE JURE DE NON ADPEL- LANDO.

## CAPUT I. DE PRIVILEGIIS.

### §. I.

#### *Ratio instituti.*

**P**rivilegiorum indolem & naturam penitus paulo investigare scrutarique animus est. Qua quidem in re necessarium esse duxi, ut quædam de lege, itemque de jure, quod ex lege enascitur, præfärer. Hoc enim, arbitror, modo efficietur, ut multo facilius ea, quæ in ipsa privilegiorum tractatione exponenda, & dilucidentur, & intelligantur.

A

§. II.

## §. II.

*Quid obligatio.*

*Obligatio* existit, quando causa quædam, quæ voluntatem moveat, cum actione quadam connectitur. Voluntas igitur cum moveatur perceptione boni cujusdam vel mali, opus est, cum obligatio introducenda sit, ut quoddam bonum malumve cum actione connectatur, eo quidem modo, ut actio, quæ suscepta est, rationem contineat, quare bonum istud malumve consequatur. Sic enim vel ad eam suscipiendam incitabimur, vel ab eadem perpetranda abstrahemur. Ac ita quidem si obligandi sunt cives, ut ne in lugendis propinquis suis modum quendam præscriptum excedant, legislator statuit, ut, qui istum excefferit, pœna quadam adficiatur. Hoc facto igitur nimius ille luctus rationem continet, quare malum quoddam consequatur, & sic cum ea actione connexa est causa quædam, quæ te moveat, ne in luctu modum determinatum excedas.

## §. III.

*Quid lex.*

*Lex* autem, quandoquidem generaliter

ter de ea dispicitur, est regula quædam, ad quam ut actiones liberas dirigamus, obligamur.

## §. IV.

*Quid sit permittere, & quid licentia.*

Qui alterum se non prohibiturum significat, quo minus quid agat, is *permittere* dicitur. Quoties igitur lex, se non prohibituram, significat, quo minus quid agas, toties *permittere* dicitur. Nascitur ex ea legis permissione facultas quædam, ut quid non invitis legibus agere possis, quæ facultas adpellari solet *licentia*.

## §. V.

*Quando lex naturæ permittere dicatur.*

Quodsi ad naturæ primam legem animum attendas, illud quidem ex juris naturalis doctrina satis perspicuum est, eam omnes actiones liberas determinare, utrum suscipiendæ sint, an minus. Est hæc plenissima lex, omnia exhauriens, nihil intactum relinquens, vel ob eam causam civilibus legibus omnibus anteponenda. Decernit enim, ut actiones suscipiantur, quæ nostrum aliorumque hominum statum perficiunt,

prohibet, quæ imperfectionem quandam tum nobis, tum aliis adferunt. Atque ut eo faciliores promptioresque officia ista exequamur, connectit cum actionibus universis causas quasdam voluntatem impellentes, ita quidem, ut ex iis, quas suscipi vult, boni quidquam, contra si quas prohibet, mali quid, necessaria quadam consequentia, proficiscatur. Qua ratione obligationem inducit (§. II.), ut, quæ nostrum aliorumve statum perficiunt, faciamus, contraria fugiamus. Ea vero obligatio vel id spectat, ut nostra ipsorum perfectio felicitasque sola obtineatur, & sic quidem vocatur *interna*, vel alienæ perfectionis quoque ratio habeatur, quæ quidem *externa* adpellatur. Ac sic quidem obligatio aliorum externa adest, secundum naturalia jura, ut ne alter alterum turbet, quoties nihil committit is contra officia ipsi debita. Incidit itaque, ut cum spectetur obligatio interna nostra, quæ circa externam quandam utilitatem facile ab aliis intercipiendam vertitur, sejungamus tantisper cogitando obligationis nostræ vim, quæ nos impellere ad id debeat, atque in illud tantum men-

mentem advertamus, quod lex naturalis hoc facto significet cum nobis, tum aliis, nos ea non prohiberi. Et cum obligentur alii, ne nos turbent, si ii plane non lædantur facto nostro, tum quoque significat lex naturalis aliis, se nos minime prohibere eorum gratia, quam nobis ipsis id non semper significet. Cum igitur, quod proxime antecedenti paragrapho animadvertimus, permittat lex, quæ significat, se non prohibere, evenit, ut lex naturalis permittere dicatur, si circa externas utilitates consequendas, remota tantisper obligationis nostræ internæ vi, vel aliorum obligatione posita, respiciatur illud, naturalem legem saltim significare, se nos minime prohibere. Atque ita quidem licentiam jure naturali adesse, unusquisque adfirmabit (§. IV.)

## §. VI.

*Quando non permittat.*

Sed quoniam tum demum lex licentiam dat, cum se non interdicare significat (§. IV.), non potest eandem tribuere, cum se prohibere significat. Quod cum fiat, si aliis inferamus damnum, eorumque statum infeliciorem reddamus,



mus, sequitur, ut lex naturalis non concedat licentiam, utilitates nostras aliorum incommodo & detrimento augendi.

§. VII.

*Quid leges civiles permittant.*

Fuit ea inprimis, quod naturalis juris doctores tradunt, rerum publicarum constituendarum ratio, ut ab injuriis pessimorum ingeniorum securi cives officia lege naturali iis injuncta, commodius remotisque omnibus obstaculis, exequi possent. Atque idcirco non opus est, obligari cives in rep. ad ea quoque officia naturalia, quibus observatis ipsorum major felicitas gignitur. Satis enim est ad eum reip. finem obtinendum, ut obligatio tantum naturalis externa (§. V.) corroboretur, fortiusque adstringantur viventes in societate, ut alii aliis concedant præstentve, quod jam naturalis eorum obligatio ex regulis justitiae exigit. Atque hoc modo dum obligatio ad id concedendum nova generaliter introducit, satis clare leges quoque civiles omnibus significant, se non prohibere, quo minus externas easdem utilitates adipiscamur, quas jam antea lex naturalis permisit, & hinc easdem

ge-

generaliter permittunt (§. IV.) Unde generalis in statu civili licentia denuo constituitur, commoditates externas eas capiendi, quæ lege naturali sunt permiffæ.

### §. VIII.

#### *Declaratur.*

Verum cum salus & tranquillitas civitatis suprema omnis civilis confociationis regula fit, ideò meritò civiles leges interdum eas commoditates externas prohibent, quas permittit naturalis lex, si salus tranquillitasve reip. id exigat.

### §. IX.

#### *Quid non permittant.*

Non esse naturalibus legibus inimicas civiles, sed potius easdem novis fortiusque animos impellentibus causis corroborare, adduxi jam ex ea Philosophiæ parte, quæ civium officia exponit. Atque hinc sane colligitur, neque civiles leges permittere actionem, quam naturalis legis obligatio coerceat, quo pertinet, ut ne aliorum incommodis emolumentum nobis quæramus (§. VI.)

### §. X.

#### *Declaratur.*

Enimvero, si qua ad salutem perfectionis

ctionemque reip. pertineant, ea in statu civili inprimis sunt sequenda. Quapropter in civitate is, cui summa rerum est commissa, licentiam interdum dare potest, quæ quanquam singulorum civium commodis minus adcommo- data videatur, majorem tamen reip. totius salutem efficiat.

## §. XI.

*Status & persona quid.*

Modus, quo actiones hominum liberæ à lege circumscriptæ sunt, *statum* hominis moralem ponit, & homo dum in ejusmodi statu locatur, *persona* est. Lex igitur cum terminet actiones, si obligationem introducat, vel licentiam det, fatis hinc perspicuum est, statum hunc moralem contineri omni licentiæ & officii genere.

## §. XII.

*Quid sit jus.*

Si alterius obligatione posita, ratio adsit ob quam tibi agere quid liceat, *jus* adesse dicimus. Sic si pecuniam alteri mutuum dederis, obligatus is est, ad eam Tibi restituendam, & hoc modo licentia tibi nascitur, pecuniam istam ab eo repetendi, quæ quidem licentia  
jus



jus vocari solet. Jus igitur est licentia, cujus ratio in aliena obligatione collocatur.

### §. XIII.

*Quid facultas & res meræ facultatis.*

Quod si vero sufficiens ratio, ob quam nobis liceat quid, jam sita est in alia quadam licentia nostra, tunc facultatem appellamus. Est igitur *facultas* licentia in alia quadam licentia nostra fundata. *Res vero meræ facultatis* est id, quod facultate quadam nostra facere possumus. Hac itaque ratione, si quis dominium alicujus rei tenet, licentia eam ad usus suos convertendi, vel de eadem disponendi facultas est, iique actus sunt res meræ facultatis. Ratio enim, cur id facere possis, sufficiens latitat in jure dominii, quod penes te est. Sic ratio, cur mercari liceat, locata est in jure civitatis. Si cui igitur jus civitatis est, ei etiam facultas est mercandi, atque ipsa sic mercatio res meræ facultatis est.

### §. XIV.

*Quando facultas degeneret in jus.*

Monendum vero est hoc loco, ne quis sententiam nostram minus recte intelligens, existimet, in facultate re-

busque meræ facultatis plane nullam adesse aliorum obligationem. Sunt etiam hic omnino obligati alii, ne ista facultate nos usuros turbare audeant. Verum in ista obligatione ratio hujus licentiæ nostræ non ponitur, si nemo nos prohibeat. Quod si igitur alii facultatem nostram inhibeant, tunc necesse est, ut in aliorum quoque obligatione fundatam esse licentiam nostram, doceamus. Cum igitur licentia, cujus ratio in aliena obligatione collocatur, jus adpellatur (§. XII.), ea facultas quoque hoc facto juris nomen sortitur. Sic, qui dominium rei exercet, is rem istam pignoris quoque nexu obligare potest. Hanc licentiam, si prohibitionem aliorum removeas, facultatem potius, quam jus adpellabis. Est enim sic satis fundata in jure dominii, quod exercemus. Eadem vero juris nomen induet, si, aliis inhibentibus, eorum quoque obligationem respiciamus.

### §. XV.

*Quid sit arbitrium & res meri  
arbitrii.*

Si, cum alteri quid præstes, te ad id præstandum non obligatum esse, cogitas,

tas, notio *arbitrii* nascitur. Illud igitur, quod tribuimus alteri non obligati, dici solet *res meri arbitrii*. Sic si huc usque â Titio potissimum vina emeris, neque illud ex obligatione quadam feceris, res hæc meri arbitrii est. Eadem ratione, si ecclesiæ ministro quotannis munera & strenas mittas, ad quod faciendum obligatus non es, itidem hæc res est meri arbitrii.

## §. XVI.

*Monitum.*

Vulgo quidem res meri arbitrii adnumerari solent rebus meræ facultatis. Nobis vero, qui curatius loqui studeamus, percommodum visum fuit, ut cum in utraque re diversum quid spectetur, diversa etiam nomina iis imponerentur. Facultas enim potius legem permittere, significat, arbitrium, non obligare. Illa potius utilitatem nostram, hæc respicit alienam.

## §. XVII.

*Quando lex naturæ jus concedere dicatur, & quando facultatem.*

Quando leges naturales licentiam dent, jam supra expositum est (§. V.) Facile igitur patet, quando dicamus, jus  
no-

nobis ex naturali lege adesse, nimirum si in aliena obligatione ponenda sit ratio licentiæ nostræ. Quod si igitur jam obligatio nostra interna, qua lex significat, se non prohibere, eam licentiam subministrat, nec alienæ obligationis haberi ratio debeat, facultatem à naturæ lege suppeditari putamus. Ac quoniam sic obligationem internam instar licentiæ cujusdam esse ponimus, etiam hoc facto facultas in alia quadam licentia sita erit. Quod si faciendi potestas ex jure alio fluat, eadem quidem ratione facultatem adesse, existimamus.

### §. XVIII.

*Quando secundum leges civiles jus facultasve adsit.*

Quando secundum civiles leges facultas fetsi jus adsit, eodem quidem modo facile intelligitur. Etenim in civili quoque consociatione naturalia officia erga nos ipsos permittuntur, & præsertim, si externa commoditas percipienda sit, aliorumurbationibus eximuntur (§. VII.) Unde quodvis officium naturale, inprimis quo utilitatem externam quandam capere juberis, tanquam licentia quædam consideratur, in qua si alia

alia licentia fundata sit, hæc facultatis nomen indipiscitur. Ac eodem modo illud intelligitur facillime, si qua licentia determinetur per jus quoddam, eam itidem facultatem adpellari. Jus vero adesse, si propter aliorum obligationem facere quid licet, fatis quidem per se patet.

### §. XIX.

*Quomodo interdum regula juribus  
æstimandis ponenda.*

Generaliter secundum leges civiles ea licere, quæ legibus naturalibus permixta sunt, supra docui (§. VII.) Verum enim vero difficillimum interdum temporibus causisque efficitur, ut iudices, quid conveniat in rebus externis naturali legi, maxime cum in adplicandis regulis naturalibus nimium sæpe disquirendum sit. Quod cum in iudiciis tantum non plerumque difficultatis multum excitare possit, maxime ex usu est, ut summus reip. moderator, peculiaribus legibus ea de re promulgatis regulam quandam communem ponat, à naturali paulum discrepantem, qua declaret, quid generaliter tibi in ea causa juris competat.

### §. XX.

## §. XX.

*Quando hoc fieri possit pacto civium  
libere.*

Quod si in quibusdam causis nihil ab ipso rectore civitatis generaliter determinatum sit, possunt ipsi cives conventionem quadam inita id determinare, si ad alios, qui societate cum iis non continentur, actio plane non pertineat, sed de solo eorum civium commodo vel incommodo agatur, nec res salutem totius reip. respiciat. Atque hoc modo singulorum jus certius atque distinctius efficietur. Dum enim ad servanda pacta implendaque ea, quæ promissa sunt, generatim obligantur cives ab eo, qui imperio præ est, quatenus alterius partis interest, pactis vero proprium commodum incommodumque, quod cum aliorum damno non conjunctum est, terminare licet, ejus quoque generis pactum sine ulla dubitatione validum erit firmumque. Ac sic quidem merito sufficit generalis ad servanda pacta obligatio in Rep. corroborata, tacitusque vel expressus ipsius Principis in civitate consensus ad eam quoque rem separatus sine sufficiente quidem ratione exigitur.

Un-

Unde amplius efficitur illud, Judices in civitate ob eam ipsam causam, quod pactorum initorum tueri robur debeant, debere quoque secundum eam conventionem civium stabilitam regulam pronuntiare, si nulla alia in iis causis à legibus civilibus facta determinatio, & tantum agatur de civium inter se commodo, vel incommodo.

### §. XXI.

#### *Quando non libere.*

Enim vero aliter se habet causa, si jam de ea re quædam existet certa determinataque regula legibus civilibus constituta, vel si non agatur de solo civium commodo vel incommodo. Subditorum enim est, ut obediant, eumque in modum actiones suas componant, uti is, cui commissæ est reip. cura statuit ordinatque. Quod si igitur conventionem quadam sua novam & contrariam civilibus legibus introducere velint regulam, perinde est, ac si civitatis rectori obedientiam præstare nolint, cui etiam ea ratione potestas, omnia pro salute reip. ordinandi perperam data esset. Quod si vero novæ regulæ stabiliendæ consentiat civitatis gubernator, quod qui-



quidem vel ita fit, ut pactum istud ab eo confirmetur, vel ut sciverit, subditos id fecisse, nec eos prohibuerit, quo facto tacite consentire dicitur, sic sane legem ipse antea latam refigit quasi, novamque ponit. Atque ita quidem similiter est, ac si subditi proposuerint eam regulam Principi in civitate, ministrorum & consiliariorum vice functi. Neque igitur tum conventio subditorum, sed voluntas ipsius Principis in civitate aliter determinata, aliam juribus examinandis regulam introducit. Eodem modo cum suo pacto nemini incommo- dum quis adferre possit (§. VI.) Sequitur, ut si non agatur de solo civium commodo vel incommodo, ii suo pacto regulam nullam constituere possint, ideòque sic etiam Principis in civitate consensus accedere debet.

### §. XXII.

#### *Quid sit pactum tacitum.*

Si factis animum significamus, *tacite* id fieri dicitur. Hinc cum is promittat, qui significat, se alterius gratia quid facturum, vel non facturum, tacite is promittere dicitur, qui idem significat factis. *Tacitum* ideò *pactum* enascitur,  
fi



si plures inter se alter alteri tacite mutuo quid promittant. Ac quoniam in promissis pactisque spectanda potissimum est voluntatis declaratio, voluntasque similiter factis, quam vocibus, declarari potest, tacitum quoque pactum eandem producit mutuum obligationem, ac illud quidem, quod verbis constituitur.

### §. XXIII.

*Quomodo tacito civium pacto hæc regula constitutatur & quid sit consuetudo.*

Ex iis igitur, quæ (§. XXII. & XX.) proposuimus, efficitur illud, ut tacita quoque omnium civium conventionē regula quædam possit poni, quam in decidendis iis causis, quarum decisio, si ex jure naturali petenda sit, multum difficultatis facefferet, sequantur Judices, vel etiam ipsi cives. Declaratur verò ipsa hæc voluntas tacite, si ad istam semper regulam in communitate ista vel cœtu jus uniuscujusque, si causa inciderit, æstimetur ab eo, in cujus obligatione ejus juris ratio constituenda est (§. XII.) Cum enim sine aliorum obligatione exerceri possit nullum jus, eo ipso facto dum ad hanc regulam jus, uniuscujusque æstimant, ad eandem quoque

que æstimant obligationem suam omnes, & sic significant alii aliis, velle se, ut secundum eam normam jus cui esse existimetur. Regula quæ hoc modo introducitur, vocatur *consuetudo*.

#### §. XXIV.

*Quando consuetudo libere introduci possit.*

Consuetudo igitur introducitur tacito quodam pacto inter omnes cives inito, quo regulam quandam metiendis juribus determinant. Pacta vero ut ea de re libere ineant subditi sine ullo consensu Principis in civitate, tum permisum cum sit, si nulla antecedit ab hoc aliter facta determinatio, resque de solo paciscentium commodo vel incommodo agatur, (§. XX.), consuetudo etiam sic libere à civibus stabilitur, & consensus Principis ad eam separatus sine ulla sufficiente ratione exigitur (§. XX).

#### §. XXV.

*Quando tacitus Principis consensus requiratur.*

Quod si igitur civitatis rector jam antea aliam posuerit regulam, ex eadem ratione, quam §. XXI. adduximus, hu-  
jus

jus quoque consensus vel expressus vel tacitus, accedat, oportet, qui quidem tacite significatur, si is subditos eam regulam sequi sciat, neque tamen eos prohibeat.

## §. XXVI.

*Cur in ea frequentia actuum & diuturnitas temporis requiratur.*

Quoniam in consuetudine universi populi vel societatis totius consensus ad istam regulam exigitur (§. XXIII.) ideò ut is eluceat, adsit necesse est frequentia actuum, adsit diuturnum quoddam temporis spatium. Quorundam enim inprimis pauciorum civium factum universæ communitatis consensum inducere nequit. Accedit, quod si contra legem scriptam consuetudo introducenda sit, consensus quoque Principis saltim tacitus exigatur. At hic quidem non aliter potest intelligi, nisi ingens temporis spatium effluxerit, & frequentia actuum contigerit, unde conjicere liceat, id ad ministrorum & hinc ad ipsius Principis aures perlatum esse. Ipsum vero tempus vix determinare ausim, neque etiam actionum numerum. Oportet hic considerari causas

ipsas, an frequentiores incidant, an minus. Præsertim vero si contra legem scriptam consuetudo stabilienda sit, nec frequentissimæ causæ incidant, tum sane majus adhuc temporis spatium exigitur, quo & universi populi & tacitus Principis consensus inde conjiciantur. Unde etiam in corpore Juris Civilis Romani *longæva* semper vel *inveterata* consuetudo appellatur.

### §. XXVII.

*Cur actus uniformes adeste debeant.*

In consuetudine universi populi ad istam regulam consensus exigitur. Quod si igitur alii ex civium numero aliam regulam, & eorundem alii sequantur aliam, nulla adest ratio, cur hæc potius valeat, quam illa, & ideò nulla valebit. Neque etiam universi populi adest consensus. Atque hinc est, quod à Doctores in consuetudine uniformitas actuum exigatur. Sic ut exemplum adferam si in civitate circa successionem regula quædam constituenda sit, ut fratres in hæreditate fratris præferantur parentibus, oportet, ut id semper omnibus causis, quæ inciderunt, usu servatum sit. Quod si enim interdum pa-

ren-

rentes fratribus, interdum parentibus fratres prælati sint, non adest regula quædam ab omnibus comprobata, idèque nec consuetudo.

### §. XXVIII.

*Cur debeat esse rationi non contraria consuetudo.*

Ceterum uti pacta, quæ cum ratione pugnant, haud quidquam roboris induere possunt, ita nec consuetudo si rationi ea repugnet. Unde est, quod Constantinus M. ait in L. 2. C. quæ sit long. consuet. *Consuetudinis ususque longævi non vilis auctoritas est, verum non usque adeò sui valitura momento, ut aut rationem vincat, aut legem (postea latam.)*

### §. XXIX.

*Consuetudo an debeat esse contradictorio judicio firmata.*

Sed quoniam ejusdem quoque roboris manet pactum, quamvis nulla de eo lite coorta, in judicio adprobatum non fuerit, cum id ad pacti essentiam & ad obligationem, quæ inde nascitur, nihil addat, utpote quæ consensu paciscentium mutuo stabiliuntur, ita plane necessarium quoque non est ut consuetudo aliqua judicio confirmata sit, quamvis

id ad ejus probationem facile expediendam utilissimum fit. Unde quæ Ulpianus ait in L. 34. D. de LL. magis habenda sunt pro consilio, quod ei dedit, qui consuetudinem omnium facillime probaturus esset, id quod verba *explorandum duco* etiam significare videntur. Quamquam etiam pro voce *contradictio* *judicio* forsitan, ut alii viri docti putant, legendum sit *contradicta judicio*.

### §. XXX.

*An eodem modo observantia jus ponat.*

*Observantia* est regula, secundum quam in judiciis jus uniuscujusque æstimari solet. Quæstio itaque incidit, an observantia in judiciis hucusque servata legis seu consuetudinis potius vim habeat, ut tolli arbitrio alio judicantium non possit. Fingamus igitur, eam tolli non posse alio judicantium arbitrio, & sic obligati erunt judicantes, ut semper ad istam regulam pronuntient: At qua ratione obligatio hæc introducta est? non quia lex eam regulam comprobatur, non etiam quod comprobet universus populus. At enim ipsi Judices inter se tacita conventionem inita hæc determinaverunt. Hic ego ex te quæro, an alius a-



l*iii* promissione sua pactoque incommo-  
**dum** adferre possit, cum quo nihil ea de re  
 pactus est. Quod si negatis, negatis  
 etiam, Judices hac sua observantia jus  
 constituere posse. Faciunt eorum de-  
 creta, si corroborata sint, in ea causa  
 jus, in qua sunt data, non faciunt in a-  
 lia controversia. Sequuntur, dum sen-  
 tentias ferunt, opinionem, quæ maxi-  
 me legibus consentanea esse videtur,  
 ideò si jam alia magis videatur consen-  
 tanea, eam potius jam sequuntur.

### §. XXXI.

#### *Quid sit jus reale.*

Jura si vocis propriam indages noti-  
 onem, neque brutis, neque inanimatis  
 rebus, sed hominibus tantum compe-  
 tunt, ratione præditis, utpote in quos  
 cadit obligatio & permissio legis. Sed in-  
 cidit, ut aliquando essentiam juris ejus-  
 que originem parumper cogitando re-  
 moveamus, atque in id animum inten-  
 damus, quis illud jus exerceat. Quod  
 si igitur id spectemus, omnes, qui rem  
 possident, cum possideant, jus quod-  
 dam exercere posse, perinde fere est, ac  
 si ipsi rei juris hoc competere dicas, quia  
 cum possessione rei illud jus semper est

conjunctum. Fingitur itaque hoc modo res in statu quodam & personæ similis esse (§. II.) Ea jura vocantur realia. *Jus* igitur *reale* est, quod à quovis rei possessore exercetur. Sic si quilibet rei possessor in alieno quodam fundo pecus suum pascere possit, jus illud est reale.

### §. XXXII.

*Quomodo jus reale inhæreat rei,*

Cum igitur à quovis rei possessore jus reale exerceatur, (§. XXXI.) Nihil refert, quis rem possideat, sed quilibet ejus possessor ob eam ipsam causam, quod possidet jus istud ad usus suos applicare potest. Atque id circo jus reale dicitur prædio sive *rei inhærerere*.

### §. XXXIII.

*Quomodo transferatur in quemcunque possessorem.*

Adparet hinc satis clare, si à te, qui hucusque rem possedisti, ea jam in alium transferatur jus etiam reale sic simul in alium cum re transferri. Alioquin enim non à quovis possessore exercendum esset hoc jus, quæ inter se pugnant (§. XXXI.)

*Quo-*

## §. XXXIV.

*Quomodo cedi possit.*

Cum cessio sit translatio juris in alterum, docente Juris prudentia, satis quoque eodem modo manifestum est; jus etiam reale simul cum prædio alteri cedi posse, imo toties cedi, quoties possessio rei in alterum transferatur.

## §. XXXV.

*Quid sit jus personale.*

Quod si vero, dum quis illud jus exerceat, respicis, certi cujusdam & determinati hominis rationem habeas, jus istud vocatur personale. *Jus* igitur *personale* est, quod à certo quodam & determinando homine exercetur. Et hinc est, quod dicitur jus personale non excedere personam.

## §. XXXVI.

*Quid sit jus regale.*

*Jus regale* est jus, cujus ratio in maiestate quaerenda est. Exercentur igitur jura regalia ab eo, in quo maiestas residet.

## §. XXXVII.

*Illustratur.*

Quænam sint jura regalia Philosophia civilis latius exponit. Nimirum quoni-

am majestas est illimitata potestas, communem salutem & securitatem tuendi, is, cui majestas competit, omnia faciendi potestatem habet, quæ ad communem salutem tranquillitatemque pertinent.

§. XXXVIII.

*Determinatur.*

Enimvero id quoque in singulis Rebus propositis examinandum occurrit, annon in iis constituendis tribuerit populus majestati communi omnium consensione jura, quæ quanquam ex ejus essentia, & indole necessario non fluerent, nihilo tamen fecius ab eo tantum ex regula exercenda essent, penes quem est majestas.

§. XXXIX.

*In primis ad Germaniam.*

Si ad Germaniam nostram oculos convertas, majores nostros majestati jura quædam tribuisse, quæ quidem ex ejusdem notione secundum rationem efficta non intelliguntur, satis constat. In primis huc pertinet, quod omnia ei ἀδελφότητα seu res domino vacantes, adscripserint, dominoque fundi solam ejus crustam reliquerint. Hinc metallifodinas, thesauros, ea, quæ in littore maris inveniuntur, atque etiam, uti multo-

torum juris doctorum sententia fert, feras bestias, majestati tribuerunt, propterea quod ea omnia domino vacarent. Arbitrati forte, omnium facillime Principi in civitate ad liberalem speciem & dignitatem tuendam concedi posse ea, quæ domino adhuc careant, quoniam sic nemini damnum inferatur, quamvis futurum quoddam lucrum intercipiatur.

## §. XL.

*Jura regalia sunt facultates.*

Quoniam igitur jura regalia per majestatem determinantur (XXXVI.) Fundata sunt hoc modo in alio jure & sic facultatibus adnumeranda sunt (§. XIII.) ipsum vero eorum exercitium, quod fit ab eo, cui majestas competit, res est meræ facultatis. (ibid.)

## §. XLI.

*Quomodo eorum exercitium subditis & quatenus communicari possit.*

Posse reip. moderatorem ea jura interdum exercere per alios, & sic eorum exercitium aliis communicare, inde quidem patet, quia fieri non potest, ut omnia ea jura ipse sine aliorum auxilio exerceat. Ac quoniam id demum in civili hominum consociatione fugiendum



dum est, quod convellit salutem & tranquillitatem communem, si ponas, Principem interdum ea jura non posse per alios exercere, ponas quoque illud, necesse est, communem salutem & tranquillitatem hoc facto imminui. Sic igitur regula quædam existit, ad quam dijudices, quatenus regalium jurium exercitium subditis communicari possit, quatenus nimirum reip. salus & tranquillitas hoc modo non labefactatur.

§. XLII.

*Quod sic non est res meræ facultatis.*

Sed quoniam, cum ab aliis exercean- tur regalia quædam jura, eorum sic exercendorum licentia non est fundata in alia quadam licentia, neque sic quoque eorum exercitium, quatenus fit à subditis, in rebus meræ facultatis habendum est (XIII.)

§. XLIII.

*An reliqua Principis jura sint facultates.*

Quod si is, cui reip. cura est commissa, jus quoddam exercet, quod non est regale, non consideratur veluti is, in quo residet majestas, sed velut alii privatæ sortis homines. Unde ea jura non erunt facul-



facultates, neque res meræ facultatis eorum exercitium.

#### §. XLIV.

##### *Quomodo tollatur jus.*

Venio jam ad illud, qua ratione jus quod cui compètit, facultasve tollatur. Atque ut primum de jure videamus, adest illud, quando per aliorum obligationem licentia quædam nostra determinatur (§. XII.) Quod si igitur tollatur aliorum obligatio, tolletur quoque jus nostrum. Si enim id tollatur, quod rem determinare debeat, nulla amplius aderit sufficiens ratio, ob quam illam rem postea existere debere, adfirmare possis.

#### §. XLV.

##### *Quomodo tollatur facultas.*

Facultas est licentia, quæ per aliam quandam licentiam determinatur. Quod si igitur tollenda est facultas, efficiendum est, ut ea non amplius determinetur per aliam istam licentiam. Quod vel ita fieri potest, ut licentia ista alia tollatur, vel ut restringatur ita, ut facultatis ratio ex ea non amplius peti possit, quo facto tollitur quoque revera ista licentia & alia in ejus locum substituitur. Manifestum igitur est, si tol-

tollenda sit facultas, obligationem quoque aliorum ad licentiam sive jus, in quo fundata est facultas, accommodatam simul tollendam esse, vel saltem aliter adaccommodandam.

§. XLVI.

*Quomodo tollatur arbitrium.*

Arbitrium est, quod non præstamus alteri obligati. Quod si igitur tollendum sit arbitrium, fieri id non potest, quam si idem præstemus alteri, obligatione quadam ad id adducti.

§. XLVII.

*Quid sit renunciare juri.*

Qui significat, velle se, ut jus suum sublatum sit, is *jure suo renunciare* dicitur. Sic filius si significat, velle se, ut jus suum succedendi patri sublatum sit, is juri suo hæreditario renunciare dicitur. Cum igitur jus tolli non possit, nihî sublata quoque sit obligatio alterius, per quam determinatur, manifestum est, velle eundem, ut aliorum quoque obligatio juri huic accommodata tollatur. (§. XLIV.)

§. XLVIII.

*Quid renunciare juri in alterius favorem.*

Hinc

Hinc qui renunciat juri suo, ut alius quisquam hoc facto utilitatem percipiat, quam alioquin ne perciperet, obligatio ejus impediatur, is hoc facere dicitur *in alterius favorem*. Hac ratione renunciat filia paternæ hæreditati in favorem fratrum, quæ declarat, velle se, ut jus suum hæreditarium sublatum habeatur, quo fratres propterea in universam patris hæreditatem succedant, quod alioquin ne facerent, obligatio eorum minime ferebat. Vult igitur is, qui alterius gratia juri suo renuntiat, id tantum, ut hujus obligatio sit soluta, non ut aliorum, & hinc jus suum tantum tolli vult, ut huic inde utilitas proveniat, non ut aliis.

### §. XLIX.

#### *Corollarium.*

Iam igitur ponamus illud, quod manifesto inde consequitur, ut quoties quis alterius obligationem sublatam esse velit, toties etiam juri suo renuntiet.

### §. L.

#### *Quomodo facultati renuntietur.*

Ne vero illud obliviscar, facultati suæ renuntiat, qui declarat velle se, ut facultas sua sublata sit. Quæ cum tolli neque-

queat, nisi cum tollatur quoque vel saltem aliter determinetur licentia, in qua fundata est facultas is qui declarat, velle se, ut facultas sua sublata sit, vult quoque, ut licentia ista alia tollatur, vel aliter determinetur & sic etiam aliorum obligatio, quæ ad licentiam istam pertinet (§. XLV.)

§. LI.

*Quomodo facultati renuntietur in alterius favorem.*

Qui igitur renuntiat facultati suæ, ut hoc facto alius quisquam consequatur commoditatem, quam aliter, ne consequeretur, facultas nostra impediverat, facere hoc itidem dicitur in alterius favorem.

§. LII.

*Corollarium.*

Ponamus igitur jam etiam illud, quoties quis velit, obligationem aliorum, quæ licentiam respicit, per quam determinatur facultas nostra, sublata vel aliter determinatam esse, vel etiam ipsam illam licentiam tolli aliterve determinari, toties eum facultati suæ renuntiare.

§. LIII.

## §. LIII.

*Quid sit arbitrio suo renuntiare.*

Arbitrio denique suo renuntiat, qui declarat, velle se, ut arbitrium suum sublatum sit. Idem igitur declarat, præstiturum se postea ex obligatione quadam, quæ hucusque præstitit non obligatus (XLVI.)

## §. LIV.

*Renuntiationes jure naturali licitæ sunt.*

Quod si jam disquirendum veniat, an lex naturæ permittat, ut juri nostro, arbitrio facultative renuntiemus, videndum est, an eadem lex significet, se hæc non prohibere (§. IV.) Sejungamus igitur jam omnem internam obligationem & spectabimus illud, nos sic nihil committere contra officia, quæ aliis debemus. Cum igitur lex naturæ vetet, ut eum turbeamus, qui nihil contra ea, quæ nobis debet, facit, significat nobis hoc facto, se alium non prohibere, saltem ut nos propterea eum turbare nequeamus, quam illi ipsi, qui renuntiat, vix significet, se id non prohibere, si obligatio ejus interna aliud suadeat.

C

LV.

## §. XV.

*Renunciationes jure civili licite.*

Rerum publicarum & civilium societatum indolem si reputando tecum examinaveris, quam (§. VII.) Exposuimus, facili negotio inde colliges, licere in hac hominum communitate, ut juri, arbitrio, facultative tuæ renunties etiam in alterius favorem, nisi quatenus aliorum quoddam incommodum inde damnumque existat. Sic enim committeres contra officia aliis debita, ad quæ tamen exequenda denuo in Rep. obligaris (§. VII.)

## §. LVI.

*Quid sit accipere.*

*Accipere* quid, seu malis acceptare, nihil aliud est, quam declarare, se ex alterius quodam facto utilitates suas amplificaturum. Sic donationem ab altero factam accipit, qui declarat, se ex hac facta alterius donatione utilitates suas amplificaturum. Accipit itaque renuntiationem ab alio quoquam in sui favorem factam, qui declarat, se ex hoc alterius facto usum esse percepturum.

## §. LVII.

*Hoc licere.*

Sura-



Suadet naturalis obligatio, ut utilitatem nostram quocunque modo promoveamus. Jam hujus obligationis vim sejunge, & illud tamen elucebit, legem naturæ saltim id hoc modo significare, se non prohibere nos, ne hoc faciamus, aliosque homines, quorum nullum inde damnum enascitur, nos minime impedire posse, propterea quod nihil hic à nobis contra officia ipsis debita committatur. Cum igitur hoc liceat, imo injunctum fit obligatione quadam interna, licebit etiam hoc in civilibus hominum cœtibus (§. VII.)

## §. LVIII.

*Renuntiatio & acceptio constituunt pactum.*

Qui declarat, se alterius gratia quid facturum vel non facturum, is promittit. Vides hoc modo, si quis acceperit renuntiationem in sui favorem factam, duorum hic promissionem in se mutuo fundatam adesse & consensum in idem, quod vocant, placitum. Etenim renuntians declarat, velle se, ut jus suum vel etiam facultas & arbitrium sublatum sit, si tu utilitatem inde capturus sis, tu, qui accipis, declaras, velle te capturum,

si is renuntiet. Sic igitur adest pactum inter renuntiantem & accipientem initum. Quoniam igitur pacta servanda esse, quatenus alterius partis interest, neque hoc modo contra alios quid committitur, tam naturalia, quam civilia jura dictitant, sic cum inprimis accipientis interesse soleat, is qui renuntiat, impleat promissum, nec postmodum illo jure, facultate vel arbitrio utatur, sed potius illud extinctum existimet.

§. LIX.

*Adplicatur hæc doctrina ad societates.*

Communitates quasdam vel societates, si ad alios homines referantur, tanquam morale quoddam unum considerari, & si determinatis quibusdam jurebus fruantur, personarum instar haberi, satis quidem cognitum est. Unde societates istæ vocantur personæ mysticæ. Dubium igitur non est, quin universitates etiam vel communitates juri suo atque etiam facultati & arbitrio renuntiare possint in alterius favorem, quo facto, si is hoc accipiat, eodem modo pactum inter eos initum sit, uti hoc fieri diximus in aliis personis, cum adfirmandi ratio eadem occurrat.

§. LX.

## §. LX.

*Quid sit renuntiatio tacita & acceptio tacita.*

Declarare voluntatem suam tam renunciantem, quam accipientem, est quod in definitionibus ipsis exposuimus (§. XLVI. LIV.) Quamobrem cum voluntas tam verbis declarari possit, quam factis, efficitur inde, ut juri suo etiam & arbitrio facultative renuntiet, qui factis declarat, velle se, ut ea sublata sint, quem tacite renuntiare dicimus (§. XXII.) Contra etiam accipiat tacite, qui alterius se renuntiationem in usus suos conversurum esse, factis significat.

## §. LXI.

*Adplicatio ad societates.*

Ac quoniam in renuntiatione jurium, facultatum & arbitrii societates eandem potestatem, quam singuli, habent, (§. LVII.) Societates etiam & communitates juri, facultati atque arbitrio suo in alterius cujuspiam favorem tacite renuntiare posse, satis perspicuum est.

## §. LXII.

*Quid sit actum contrarium juri vel facultati admittere.*

*Contraria sunt, quorum uno posito*



subvertitur alterum. Qui igitur facit, quod obligatio ipsius prohibet, *is obligationi suæ contrarium quid committit.* Fac enim ei sic agere licere, & sublata erit hoc modo obligatio, quæ id prohibuerat. Quod si itaque in ea obligatione fundata fuerit licentia quædam alterius, *actum sic contrarium hujus juri suscipit* (§. XII.) Pariter facultati nostræ actum contrarium suscipit, qui facit id, quo posito facultas nostra subvertitur. Ea vero subvertitur, si obligatio aliorum ad licentiam, in qua fundatur facultas, adcommodata, ita determinetur, ut postea ad hanc quoque non pertineat. (§. XLV.) Qui igitur facit, quod ei non liceret, nisi obligatio ipsius ad facultatem nostram amplius non pertineret, *is actum facultati contrarium suscipit nostræ.* Admittit itaque actum contrarium juri vel facultati suæ, qui eum ab alio quoquam suscipi lubens concedit.

### §. LXIII.

*De renuntiatione juris per actum contrarium admissum.*

Qui actum contrarium juri suo admittit, is ei tacite renuntiat in alterius fa-

orem, alter id accipit. Ac illud quim ad probandum facillimum est. Eim quæ lubens quis concedat, ea ipm significare, velle sese, manifestum. Qui igitur contrarium juri suo am admittit, velle se, significat, ut usquid agat, quo posito ejus obligatio subvertitur (§. LXII.) Vult igitur em, quod necessario sic consequitur alterius obligatio subversa sit. Jam ro qui subversam alterius obligationem esse vult, is juri suo renuntiat. (XLIX.) Qui igitur actum contrarium juri suo admittit, is hoc facto juri renuntiat. Et cum, alterius sic suba obligatione, is non impediatur amus commoditatem capere antea non ncessam, qui contrarium juri suo am admittit, renuntiat juri suo in alius favorem (§. XLVIII.) qui dum contrarium hunc actum se utilitainde suas amplificaturum significat, quoque renuntiationem hanc in ipsifavorem factam accipit. (§. LVI. LX.) onendum hoc loco illud est, nos, cum iis, quæ de renuntiatione tacita exsuimus, solam secuti fuerimus ratiem, ita sejungere adhuc Romanaci-

viliaque jura, quæ quid in ea re statuerint, infra (§. LXXXIII.) simul exponemus. Unde quæ postea contrarii actus admissi exempla adducemus (§. LXVII. LXVIII. LXXIV.) in iis de cidendis solam rationem secuti sumus, seposito adhuc civili jure.

§. LXIV.

*De Renuntiatione facultatis per actum contrarium admissum.*

Qui actum facultati suæ contrarium admittit, is ei tacite renuntiat in alterius favorem, is accipit. Nam qui facultati suæ contrarium actum admittit, is alium lubens id concedit facere, quo posito ejus sic obligatio minime facultati nostræ adcommodata erit, (§. LXII.) ideoque cum contraria simul velle nequeat, vult ille ipse, ut alterius in posterum obligatio ad ejus facultatem minime pertineat. At qui hoc vult facultati suæ renuntiat. (§. LI.) Hoc igitur modo cum amplius obligatus alter non sit, potest non invita lege utilitatem ipsi antea neutiquam concessam capere, unde ea in alterius favorem fit renuntiatio. (§. LI.) Ac idem quoque hoc ipso facto dum utilitatem sic adeptu-



sturum sese significat, tacite id accipit.  
 (§. LX.) Subeant velim, hoc quoque  
 loco memoriam, quæ supra (§. XIV.)  
 de facultate juris nomen induente tra-  
 didi. Atque hinc est, quod res quoque  
 meræ facultatis intercidant admissio  
 contrario actu, quoniam eæ in facultatis  
 exercitio ponuntur (§. XIII.) Quan-  
 quam hoc itidem loco monendus es,  
 lector, nos hic minime adhuc spectare  
 ea, quæ jus Romanum civile in hac re  
 constituerit. Solum jus naturæ, quod  
 ex rationis principiis deducitur, hic re-  
 spicimus. Quæ igitur infra (§. LXVII.  
 LXVIII. & LXXIV.) Adducemus, ea  
 quoque non spectant Romanorum jus,  
 sed solam rationem.

### §. LXV.

#### *Adplicatur ad societates.*

Societates non uno homine, sed mul-  
 tis continentur. Quod si igitur omnes,  
 quibus ea communitas societasque con-  
 tinetur, actum juri facultative suæ con-  
 trarium admittant, socii quidem om-  
 nes, & sic tota societas juri facultative  
 suæ renuntiat in alterius favorem, is-  
 que hoc accipit. Atque ea quidem ra-  
 tione socius quoque in re communi jus

quoddam peculiare præ reliquis sociis acquirere potest, si ii admittant contrarium societati actum. Quodsi igitur ita sit societas inter quosdam communioque inita, ut res communis ad communem omnium sociorum usum, non vero singulorum pertineat, quatenus ii non intelliguntur in societate existere, obligantur socii omnes, ut ne ad separatum usum suum extra societatem ea re utantur. Quod si itaque nihilominus utuntur quidam, obligationi suæ & reliquorum juri contrarium actum suscipiunt, quem illi admittunt, si id fieri non ignorantes neque impediti, sed lubentes plane concedant, (§. LXII.) atque ita reliqui socii juri suo renuntiant, hi quidem accipiunt.

§. LXVI.

*Monitum.*

Qui ignorat, alterum juri suo contrarium actum suscepisse, vel id cohibere aliis ex causis non potest, is actum contrarium juri suo facultative non admittit, ideoque nec tacite ei renuntiat. Nam qui admittit contrarium actum, is eum suscipi lubens concedere debet, (§. LXII.) & sic declarat voluntatem su-

suam. At neque velle potest, neque nolle, quæ ignorat animus, ideòque ob hunc contrarium actum juri suo facultative is non renuntiat. Qui vero non potest aliis ex causis impeditus cohibere eum, qui actum suo juri vel facultati contrarium peragit, is eum fieri non concedit lubens sed invitus, ideòque ob eam causam licentiæ suæ non renuntiat.

### §. LXVII.

#### *De renuntiatione ob exercitium alienum.*

Si alium quemquam id juris facultatisve exercere, lubens concedas, quod alioquin ne exerceret, obligatio ejus tui gratia introducta impediit, juri facultative tuæ in ejus favorem tacite renuntias isque hoc accipit. Dum enim lubens sic concedis, ut faciat alter, quod prohibuit ejus obligatio, actum contrarium juri facultative tuæ admittis, (§. LXII.) ideòque iis renuntias in alterius favorem, alter id accipit (§. LXIII. LXIV.) Sic si dominium rei tuæ ab alio exerceri, lubens concedas, permit- tis, ut is faciat, quæ obligationi ipsius repugnant, ideòque sic dominio tuo in ejus favorem renuntias, is accipit. Eodem

dem modo si ut alius in fundo tuo pecus pascatur, lubens concedas, quoniam id cum obligatione ejus, quæ ad hanc facultatem tuam pertinet, manifeste pugnat, renuncias huic facultati tuæ in ejus favorem, isque id accipit.

### §. LXVIII.

*De renuntiatione ob alterius prohibitionem & subsecutam adquiescentiam.*

Si, cum te prohibeat alter, ne jure facultateve tua in ipsius commodum utaris, tu jam in ejus commodum non utaris, sed adquiescas, admittis contrarium juri tuo vel facultati actum, atque ideo eis renuncias in alterius favorem, ac is quidem id accipit. Etenim si jus facultasve tibi est, alter ad concedendam hanc tibi utilitatem obligatus est (§. XII. XIV.) Quod si igitur prohibeat, non concedit id, quod ejus obligatio jubet, sed potius facit, quæ ea prohibet, & quibus concessis ipsius obligatio sublata erit, nec amplius seu juri, seu facultati tuæ adcommodata. Quamobrem si tu id concedas lubens, actum contrarium juri facultative tuæ admittis (§. LXII.) atque idcirco iis in prohibentis favorem



rem tacite renuntias, isque accipientis vicem sustinet. (§. LXIII, LXIV.)

§. LXIX.

*Monitum.*

Non opus forsitan est, ut moneam, cum ignorans & impeditus non admittere dicatur actum licentiæ suæ contrarium, (§. LXVI.) sic quoque in iis exemplis, quæ (§. LXVII, LXVIII.) adduximus, ignorantis & impediti non esse renuntiationem tacitam.

§. LXX.

*Adplicatio ad societates.*

Neque etiam opuserit, ut adjiciam, eadem obtinere, si omnes ex societate quadam patiantur, alium id juris facultatisve exercere, quod ad eos tantum pertinet, vel si focii omnes adquiescant, prohibente alio, neque tum jure facultate sua utantur.

§. LXXI.

*Quæstio de non usu.*

Ac hoc in primis loco quæstio incidit, an etiam omisso tantum exercitio juris tui, quem non usum vocant, tacite juri tuo in alterius cujusquam favorem renunties, isque sic accipiat.

§. LXXII.

## §. LXXII.

*Quid in ea decidenda respiciendum.*

In qua quæstione primum illud quidem videndum est, utrum sic commoditatem percipiat, vel possit percipere alius, an minus. Quod si igitur nulla sic obvenire possit alteri commoditas, facile patet, deficere hoc loco renuntiationem in ejus favorem, deficere quoque ejusdem acceptionem (§. XLVIII. LVI.) si plane non significaverit alter, se utilitatem inde percepturum. Hinc si aquæ alterius per fundum ducendæ jus tibi sit, tuque ad eam ducendam tubulos in alieno fundo abditos habeas, quam diu hoc habebis, quamvis re ipsa non ducas aquam, nihil ex facti hujus intermissione ad ejus utilitatem redit, neque redire potest, cui istius fundi dominium est. Et sic neque tu hoc facto in ejus favorem juri tuo renuntias, neque is accipit. Ac ea quidem etiam in Romani juris doctrina adplicantur, cum de remissione servitutum, quæ fit non utendo agitur, quamvis hoc acceptionem negligat. Unde id requirit, ut alter libertatem usuceperit, ideòque si præsertim in urbanorum prædiorum servitutibus



tibus opus exstructum sit, illud prius destructum sit.

§. LXXIII.

*Quid amplius respiciendum.*

Tum in eadem quæstione merito distinguenda esse duo tempora, arbitror. Commoditas enim, quam sentit alius, vel plane repugnat obligationi ejus, ut, ea posita, obligatio hæc corruat, quemadmodum si quid faciat, quod obligatio ipsius cohibuit; vel ita comparata est, ut, ea posita, non statim subvertatur alterius obligatio, sed adhuc dum intelligi queat. Hinc duæ diversæ quidem regulæ ex rationis principiis profluunt.

§. LXXIV.

*Regula I. de non usu.*

Si jure facultateve tua non utaris, ut alii sic obveniat utilitas, quæ plane obligationi ejus, juri facultative nostræ adcommo-datæ, repugnat, tum si neque id ignoraveris, neque ex aliis causis impeditus fueris, actum contrarium juri facultative tuæ admittis, (§. LXII.) ideoque iis sic tacite renuntias in alterius favorem, hic accipit. (§. LXIII. LXIV.) Sic si cuius est prohibendi, ne quid faciat alter in suo fundo v. g. ne luminibus officiat, si,

si, cum is luminibus officit, non utitur jure suo prohibendi, tacite is quidem juri suo renuntiat, ille accipit.

§. LXXV.

*Regula II. de non usu.*

Qui significat, velle se jus suum, vel aliorum obligationem sublatam esse, is juri suo renuntiat. (§. XLVII.) Adest itaque in renuntiatione signum aliquod voluntatis nostræ, quo aliis declaramus, velle nos, sublatam esse eorum obligationem. Nam sibi ipsi nemo voluntatem suam significare voluerit. Quod si itaque factum aliquod ita comparatum sit, ut illico propterea judicare soleant alii, velle nos eorum obligationem sublatam esse, tum significamus iis, id nos velle, & sic renuntiamus eorum gratia juri nostro. Jam vero si diuturno temporis spatio, quo vel semper uti potueris jure tuo, vel ejus utendi sæpissime occasio adfuerit, non utaris jure tuo, cum neque ignorans fueris, neque impeditus, neque aliam majorem semper consequendam utilitatem habueris & sic aliis commoditas obvenit, quæ non obvenisset, si jure tuo usus fuisses, tum sane ii judicabunt omnes, fecisse  
te

te id propterea, ut iis significares, velle te eorum obligationem prorsus sublatam esse. Nam etsi quis existimaret, te socordia quadam neglexisse jus tuum, nemo tamen id existimabit, si diuturno temporis spatio & sæpissime occasione data ea ratione, uti dixi, neglexeris. Significas igitur hoc modo aliis, velle te, eorum obligationem sublatam esse, atque ita in eorum favorem juri tuo renuntias, ii, quibus sic commoditas obvenit, accipiunt. Ut exemplo rem declarem, fingam, jus tibi esse pascendi in alieno agro. Dum igitur neque id ignoras, neque aliundè impeditus, neque etiam majoris semper utilitatis consequendæ gratia, jure hoc tuo non uteris per diuturnum quoddam temporis spatium, renuntias ei in alterius favorem, ac ille quidem, qui fundo suo libere utitur, id accipit. Caveas tamen hoc quoque loco ne existimes, Romanarum legum jam rationem à me haberi. Potius hæc tantum secundum naturale jus, omnibus notum, examinavimus. Videbis infra, (§. LXXXIII.) secundum jus Romanum sufficere, si propterea quod quis jure suo usus non

D

fit,

fit, commoditas ad alium pervenire possit, & sic fingi à lege alterius adceptionem.

§. LXXVI.

*Facultati non utendo haud renunciatur, neque etiam juribus regalibus.*

Facultati five rebus meræ facultatis non utendo haud renuntias, quamdiu ea facultas juris nomen non induit. (§. XIV.) Etenim facultas determinatur per aliam quandam licentiam, (§. XIII.) quam si quis sublatam velit, vel ita comparatam, ut per eam non amplius determinetur facultas, tum demum ei renuntiat, (§. L.) Quo facto itidem alia quædam licentia in prioris locum substituitur (§. XLVI.) Quamvis itaque quantumvis longissimo temporis spatio non utaris facultate tua, nullo tamen modo sic significas, velle te, sublatam esse aliam istam licentiam, ex qua facultatis tuæ ratio petitur, neque etiam significas, velle te aliam in ejus locum substitui, potius ea licentia adhuc penes te est, (§. XIII.) alioquin enim non esset facultas. Et quamvis in facultate, quæ juris nomen non induit, non respiciatur alterius obligatio, ut

ra-

ratio facultatis nostræ ex ea desumatur, (§. XIV.) neque tamen propterea tollitur, quin potius integra semper manet, manet quoque eodem modo, uti quidem antea, licentiæ isti adcommodata, per quam facultas nostra determinatur, quia in ejus licentiæ locum alia non substituta est. Ac ita quidem cui dominium alicujus sylvæ est, ei ob illam quoque causam licet, arbores ex ea cedere. Ea licentia determinatur per jus domini atque ita per aliam licentiam, estque hac ratione facultas, id ipsum vero, ut arbores cædas, res meræ facultatis. (§. XIII.) Etsi igitur hoc neglexeris, quantumvis longissimo temporis spatio, nullo tamen modo sic significas, velle te, dominium tuum tolli, aliudve jus in ejus locum substitui, & hinc non utendo facultati tuæ non renuntias. Venit inde, ut *res meræ facultatis* à lētis *imprescriptibiles* vocentur, quæ nullo quidem temporis spatio præscribantur. Corollarii loco hic adicimus, quoniam quoque jura in facultatibus, eorumque exercitium in rebus meræ facultatis habeatur, si ab eo exercentur, in quo majestas residet, (§. XL.) iis quoque

ob intermissum eorum usum non renuntiari, adeoque eorum quoque exercitium esse impræscriptibile.

§. LXXVII.

*Doctrinæ de non usu applicatio  
ad societates.*

Universitates sive personas compositas tacite quoque juri suo facultative in alterius favorem renuntiare posse, (§. LIX.) adnotavimus. Cum igitur facultati non renunciatur per intermissum exercitium, quando ea facultas juris naturam non adsumserit, (§. LXXVI.) societates quoque facultati suæ meræ non utendo haud renuntiant. Nam quod de omisso facultatis vel juris exercitio diximus, si alter obligationi suæ contrarium quid faciat, (§. LXXIV.) id eodem modo ad societates pertinebit, quo pertinet contrarii actus admissio. (§. LXV.) In reliqua vero quæstionis hujus de non usu parte videndum illud erit, utrum jus istud data occasione ab universâ societate, an à singulis tantum sociis exercendum sit, quamvis id competat universæ societati. Quod si igitur ab universâ societate id exercendum sit, eaque diuturno quodam temporis spatio

tio



tio, quo vel semper adfuit, vel sæpius occasio data fuit utendi juris, id semper negligat, neq; eo utatur, tum omnino etiam renuntiabit huic juri suo in ejus favore, qui alioquin societatis hujus gratia obligatus fuit, nisi ignorantia & impedimenta aliud significant, isque id accipit. (§. LXXV.) Sin autem à singulis tantum sociis id juris exerceatur, quamvis competat universæ societati, tum id à singulis exerceri potest, propterea quod membra sunt societatis, cuius hoc est, & sic eorum licentia determinatur per aliam, qua licet iis, societatis hujus membra eo ipso temporis momento esse, estque propterea, ratione singulorum habita, facultas, ejusque exercitium res meræ facultatis. (§. XIII.) Hinc singulorum non usus ei nullum jus tribuit, in cujus obligatione universæ societatis jus fundatur. (§. LXXVI.) Nihilo tamen fecius, quoniam omnes socii constituunt illam societatem, si diuturno temporis spatio, quo sæpius singulis tantum non omnibus occasio juris hujus utendi data fuit, nemo eorum jure hoc usus sit, tum omnes quidem socii significant, velle se, alterius obliga-

tionem sublatam esse, atque ita quoque universa societas, neglecto hac ratione jure suo, ei renuntiat in alterius favorem, isque id accipit (§. LXXV.) Nam de universa societate id jus adpellandum, non facultas. Qua in causa tamen, si magna quædam sit societas, pro re nata optimum erit, si tempus, quo nemo sociorum hoc jure usus sit, hominis memoriam exedat. Exemplum habebis infra in Capite tertio.

§. LXXVIII. *Quid sit libertas.*

Contingit vero interdum, ut utilitatem lege permissam non una via consequi liceat. Atque tunc sane eligendi apud te potestas est, quo potissimum jure ad commoditatem tibi adquirendam uti malis. Aliter enim ratio nulla adest, cur â lege plures fuerint tibi viæ permissæ. Sic, ut exemplum adducam, licet tibi, quod ex iniqua Judicis sententia damnum imminet, avertere. Eam ob causam suppeditant tibi leges varia remedia; permittunt enim, ut adpelles, permittunt, ut leuteris, vel aliis locis ut supplices. Quo facto utendi quo maxime commode visum fuerit remedio, potestatem habes. Liceat igitur hoc eligendi jus vocare *libertatem*.

## §. LXXIX.

*Quomodo libertati renuntietur per non  
usum.*

Quod si igitur libertas tibi sit, tuque alterutro jure utaris, eam ob rem non renuntias alteri, quo jam non uteris, ita quidem, ut eo postea uti integrum tibi sit, si quam quæсивisti utilitatem sic non perceperis, vel aliquando similis causa existat. Jus enim eligendi, quod in libertate est (§. LXXVIII.) id quidem satis clare commonstrat, fieri non posse ut utroque jure simul utaris. Opus igitur est, ut postquam nullo alio remedio utilitatem tuam consequi potueris, hoc etiam, de quo quæritur, ita neglexeris neque ignorans, neque impeditus, uti de intermisso juris cujusdam usu dixi (§. LXXV.) Nam sic demum plane inanem aliorum vis esse obligationem. Ac id quidem de societatibus eodem modo dici potest, ac de singulis, si eodem modo omnes socii alterutro jure non utantur. Quod declarabimus infra exemplo quodam in Capite de jure de non appellando.

## §. LXXX.

*Quis tacite renuntiet arbitrio.*

D 4

Quo-

Quoniam, quæ sibi repugnant, nemo simul velle potest, is quoque renuntiabit arbitrio suo, qui eam capere utilitatem alios concedit, dum iis quid præstat, quam habere non possent, nisi hujus obligatio adesset, quæ ipsum ad præstandum impelleret (§. LIII.)

§. LXXXI.

*In rebus meri arbitrii factum nostrum nemini jus tribuit.*

Dum ex arbitrio alteri quid præstamus, arbitrio nostro non renuntiamus. Quod si enim sic arbitrio tacite renuntiares, alius utilitatem consequeretur, quam nisi tu obligatus esses, capere omnino non posset. (§. LXXX.) At si cui ex arbitrio quid præstas, alius quam capit commoditatem, potest capere, capitque, quamvis tu plane ad id præstandum obligatus non sis. Atque inde res meri arbitrii facto nostro nemini jus tribuunt, quamvis hoc modo per diuturnum temporis spatium alteri quid præstiteris. Sic si quantumvis longissimo temporis spatio à Titio potissimum vina emeris, quoniam hæc res meri arbitrii est, eaque commoditas, quam hac ratione sensit Titius, ei obvenire po-

potuit sine ulla obligatione tua, arbitrio tuo hoc facto non renuntias. Intelliges hoc facto, quid sibi velint viri docti, qui res meræ facultatis, quibus adnumerarunt res meri arbitrii, definentes, adijciunt, in iis *nec possessionem alienam nocere*, quod cave ad res meræ facultatis omnino transferas.

### §. LXXXII.

*Quando in iis factum nostrum alteri jus tribuat.*

Aliter se res habet, si alter hoc suo jure à te exigere cœperit, tuque sic post hanc ejus coactionem idem præstiteris. Cum enim jus in aliorum obligatione sit fundatum, (§. XII.) tuque ei sic concedas, ut eam utilitatem sentiat, quam nisi tu ad id præstandum obligatus esses, sentire non posset, tacite arbitrio tuo renuntias, (§. LXXIX.) is qui id emolumentum consequitur, accipit.

### §. LXXXIII.

*De Præscriptione Jurium ex Romano jure.*

Quod si ea, quæ jam exposui, usu applicare velis, non negandum, ignorantiam inprimis & impedimenta multum sæpissime in causis dijudicandis difficul-

tatis faceffere, ideòque confultiffimum  
eft, ut ea res à legibus civilibus gene-  
rali quadam regula determinetur distin-  
ctius. Jus Romanum in præfcribendis  
juribus facultatibusque non eandem fer-  
vat rationem, quamvis res meræ facul-  
tatis, nec Juris Romani præfcriptioni  
obnoxia fint, quamdiu facultas juris no-  
men non adfumfit. Generatim illud te-  
nendum eft, Romanos certum quod-  
dam temporis fpacium definiiffe, quo  
præterlapfo juri quis fuo renuntiaffe vi-  
deretur, fi eo non ufus fit. Cujus qui-  
dem rei ratio vix alia fuit, quam ne com-  
merciorum ufus turbaretur, omniaque,  
fummo Reip. malo, etiam quamvis  
maximo temporis fpacio incerta effent.  
Unde cum res mobiles magis ad com-  
mercia ufumque vitæ neceffariæ fint,  
quam res immobiles, ftatuerunt Roma-  
na jura, ut fi rem mobilem bona fide  
& jufto titulo accepiffes & per trienni-  
um poffediffes, tum eam ufucepiffes.  
Moneo hoc loco, propositurum me effe  
noviffimum Jus Romanum, non illud  
antiquum. Deinde cum ob commer-  
ciorum ufum inprimis etiam favendum  
effet ei, qui bona fide juftoque titulo  
rem



rem sive jus adquisiverit, ac jam per longum quoddam temporis spatium possederit, cautum est hoc jure, ut sic in rebus immobilibus juribusque possessio decem annorum vero etiam dominio, qui tecum non contraxerit, si modo is non absens fuerit, noceret absenti vero viginti annorum. Lex in iis causis conjecit, renuntiationem tacitam adesse, atque ita possidentem ab onere id probandi liberavit. Quod si igitur in ignorantia versatus fueris tuque hoc probare volueris, cum hoc facto non adsit renuntiatio tacita, uti jam sæpius adnotavi, subveniendum tibi esse contra eam præscriptionem, Nov. 119. C. 7. & Auth. Malæ Fidei C. de Præscr. statuit. Actio quoque rescissoria, quam Prætor dedit ei, quo absente res usucapta esset, id docet, justa impedimenta exclusa non fuisse, utpote quæ, quod sæpius monui, tacitam renuntiationem non constituunt. Idem decennii, vel inter absentes vicennii spatium sufficere voluerunt Romana jura in omisso exercitio eorum jurium, quæ aliorum quandam facultatem impediunt, quod in servitutibus occurrit, ac id quidem for-

fortassis propterea, quod sic potius restituitur alteri jus, quod jam in dominio ejus fundatum erat, quam novum tribuatur, qua quidem in re, quod jam (§.LXXII.) notavimus, alius quoque libertatem usucapiat, oportet. Quod si vero quis titulo quidem destituatur, bona tamen in fide constitutus, coeperit possidere rem, eamque possederit per XXX. annorum spatium, tum plane alterius renuntiationem adesse, finxit, ut nec ei ignorantiam, nec impedimenta amplius allegare integrum sit. Qua in re Jus Canonicum id adjecit, ut possidens semper in bona fide & opinione domini fuerit. Ac idem temporis spatium sufficere voluerunt Romana jura si quis neglexerit, lucrum ab alio repetere, quod ei vel ex vero, vel quasi ex contractu deberetur. Cum etiam facultas juris nomen induat ei; tacite in alterius favorem renunciatur admissio contrario actu, (§.LXIV.) idem quoque temporis spatium ad ea pertinet, quæ res meræ facultatis vocantur, quoties contrarius iis actus admissus est. Exemplum adest in servitutibus, in quibus semper facultati cuidam, quæ  
per

per dominii jus determinatur, in alterius favorem renuntiatur, admissio contrario actu, dum nimirum vel prohibet nos alter, ne facultate nostra utamur, vel idem hanc plane exercet, quod tamen obligatio ejus cohibuerat. Conferas hoc loco, quæ supra (§. LXVII. LXVIII.) dixi. Unde sic secundum hoc Romanorum jus omnes facultates, si alter contrarium iis actum susceperit, tuque id concesseris per XXX. annorum spatium, præscribuntur, quod recte contra Bachovium notatur. In rebus meri arbitrii vero non opus esse arbitror, ut XXX. annorum spatium intercesserit. Præscriptio enim in primis ob id introducta est, ut ne objicere possit alter, se ignorantem vel impeditum omisisse juris sui exercitium. At qui scit, alium in jure suo exigere & sic post ejus coactionem, idem præstat, is plane arbitrio suo renuntiat (§. LXXXII.) Impedimenta enim adesse dicuntur, si non in potestate nostra est, ut quid faciamus, non vero si id facimus, & sic quidem adesse possunt, cum quid omittimus, non, si id exequimur. Quod si tamen ab eo, qui cogendi potestatem habet, quis

quis coactus fuerit, tum merito quoque idem XXX. annorum spatium ei indulgendum erit, ut Judicis adeundi copiam habere possit.

§. LXXXIV.

*Quid sit privilegium.*

Si quando communis regula, ad quam pœnæ vel jura referuntur omnium civium, in persona quadam aliter determinetur, tunc privilegium adesse dicitur. *Privilegium* igitur est alia determinatio communis regulæ ad certam quandam personam. v. g. Communis regula, ad quam furum pœna refertur, ita fert, ut is laqueo vitam finiat. Quod si igitur ea regula in quodam fure aliter determinetur, ut majori supplicio adficiatur, id privilegii est. Sic ex communi regula à tributis & collectis subditorum nemo immunis est. Siquidem igitur quidam civium immunis erit, privilegium vocamus,

§. LXXXV.

*Quis sit privilegiarius.*

Is, ad quem hæc nova communis regulæ determinatio refertur, vocatur *privilegiarius*. Sic in adducto exemplo is, cui immunitas tribuitur est privilegiarius.

§. 86.

## §. LXXXVI.

*Quid sit jus singulare.*

Quod si circa speciem quādam civi-um nova determinatio regulæ commu-nis fiat, vocatur *jus singulare*. Hac quidem ratione si circa milites commu-nis regula aliter determinetur, id est jus singulare, quia milites sunt species quædam civium.

## §. LXXXVII.

*Quid sit privilegium odiosum.*

Quod si communis regula, ad quam pœnæ omnium civium referuntur, in uno quodam hoc modo aliter determi-netur, ut gravius ei supplicium impo-natur, quam lex delicto generatim di-citaverat, vocatur *privilegium odiosum*. Atque huc quidem pertinet exemplum, quod dedimus de fure (§. LXXXIV.)

## §. LXXXVIII.

*Quis privilegium odiosum ferat.*

Pœnas esse modum obligandi, iis sa-tis superque notum est, qui, quæ in mo-rali Philosophia exponuntur, vel pri-moribus saltim labris degustarunt. Quo circa cum, quod ex Politices doctrina constat, obligare subditos in Rep. non possit, nisi is, penes quem summa im-pe-

perium administrandi potestas est, nemo etiam majorem obligationem introducere potest, nisi summus Reip. arbiter. Quod cum fiat in privilegio odioso, neminem id, patet, ferre posse, quam illum ipsum, cui summum in civitate imperium est.

§. LXXXIX.

*Quando id liceat.*

Equidem secundum regulam non est acerbior infligenda pœna, quam quæ legibus antea statuta erat. Pœna enim est modus obligandi, (§. LXXX.) hinc oportet, eam cum actione perpetranda connexam fuisse, ut hæc iam tunc, cum committeretur, rationem contineret, ob quam pœna ista necessario sequeretur. (§. II.) Quæ vero in privilegio odioso imprimitur pœna cum actione perpetranda nondum sic connexa fuit. Veruntamen si salus Reip. id exigat, cui regulæ utpote majorem perfectionem conservanti aliæ omnes cedunt, Principi etiam in civitate integrum est, intendere temporibus pœnam, & sic privilegium odiosum ferre.

§. XC.



## §. XC.

*Quid sit privilegium favorabile.*

Sin regula communis, ad quam jura civium omnium referuntur, in uno quodam aliter determinetur, ita ut ei jus quoddam concedatur, quo alii cives ordinarie non gaudent, tunc privilegium favorabile vocatur. Est igitur *privilegium favorabile* concessio juris specialis. Atque ejus quidem exemplum dedimus de immunitate â tributis (§. LXXXIV.)

## §. XCI.

*Quid sit beneficium legis.*

Si cui jus quoddam ad avertendum damnum concedatur, vocatur *beneficium legis*. Ac ea quidem ratione, quod fidejussori jus est, ut ne prius solvat, quam principalis debitor excussus sit, vocatur beneficium excussionis. Eadem itaque ratione, si jus cuidam speciale citra regulam communem concedatur ad avertendum damnum, privilegium hoc vocatur beneficium legis. Sic privilegium, quod mulieribus fidejuben- tibus ex Scto Vellejano vel Auth. si qua mulier competit, & quod minores in integrum restituit, legis sunt beneficia.

E

§. XCII.

## §. XCII.

*Cur hic aliorum obligatio requiratur.*

Quoniam in favorabili privilegio jus tibi conceditur, (§.XC.) omne jus vero per aliorum obligationem determinatur, (§.XII.) efficitur inde, ut, si privilegium favorabile dandum sit, aliorum quædam obligatio adsit, ex qua rationem petas, cur id specialiter, quod facis, facere tibi liceat.

## §. XCIII.

*Quomodo hæc stabiliri possit.*

Quæ obligatio quemadmodum introduci possit, videbimus. Nimirum meritò hic distinguendum est, utrum ex istius specialis juris exercitio solis civibus incommodum adferatur, an etiam ipsi civitatis rectori. Alia enim ratione stabiliri potest aliorum quædam obligatio, si tantum de eorum incommodo, alia si ipsius quoque Principis in civitate causa agatur.

## §. XCIV.

*Quando id fieri possit pacto cum civibus inito.*

Quod si igitur sola subditorum causa agatur, denuo hic adplicari poterit illud,

lud, quod jam supra (§. LIV. & LV.) exposuimus. Nimirum licet unicuique in aliorum favorem juri facultatique atque sic etiam commoditatibus, quæ iis consequimur, renuntiare. Quamobrem licebit etiam civibus juri facultative ipsorum renuntiare in alterius cujus quam favorem, ut is hoc modo emolumentum habeat, quod obligatio ipsius hucusque impedierat, quod si faciant, isque id accipiat, pactum quoddam accipientem inter & reliquos cives nascitur. (§. LVIII.) Quoniam igitur obligatus quoque civili jure est, ut servet promissum, qui fidem suam adstrinxit, sequitur, ut cives hoc pacto obligati sint, ad id quod promiserunt alteri, implendum, eique commodum, quod hoc facto concesserunt, non intercipiendum. Cum vero sic existat obligatio, quæ specialem quandam licentiam determinet, aderit quoque jus speciale (§. XCII.) & sic aderit privilegium quoddam favorabile. (§. XC.) Exemplum hujus rei infra, cum de privilegio de non appellando acturi sumus, proponemus.

## §. XCV.

*De acquisitione privilegii per non usum  
subditorum.*

Ac ea quidem renuntiatio adceptio-  
que tacite quoque inter eos fieri potest.  
Cum igitur, si omnes ex societate qua-  
dam non utantur jure suo occasione  
data, aliusque sic commodum percipi-  
at, vel percepturum se significet, in cu-  
jus obligatione eorum jus fundatum est,  
omnes quoque ex societate, & sic tota  
societas juri facultative suæ renuntiet;  
(§.LXXVII.) eodem quoque modo  
privilegium subditi concedent, si ipso-  
rum res agatur sola. Quanquam si non  
omnibus occasione data, sed tantum  
singulis uti liceat, ad omnium civium  
consensum inducendum, tempus sic im-  
memoriale, quod vocant, adesse meri-  
tò debet. (§.LXXVII.) Cujus rei exem-  
plum itidem intra in tractatione juris  
de non appellando proferemus.

## §. XCVI.

*Quomodo id alia ratione fiat.*

Societates & universitates cum juri suo  
facultatique renuntient actum contra-  
rium iis admittentes atque inprimis, si  
ad prohibitionem alterius adquiescant,

§. 65.

(§. LXV. LXX.) omnes etiam cives juri suo facultative tacite renuntiabunt in alterius favorem, si actum iis contrarium admittant, inprimis vero ejus prohibitionem. Constituitur igitur etiam hoc facto, quando sola civium res agitur privilegium, cujus etiam infra exemplum adducemus, cum de Privilegio de non adpellando tractandi locus erit.

§. XCVII.

*Quando Principis promissio adesse  
debeat.*

Aliud omnino dicendum est, si non sola civium res, sed etiam Principis in civitate agatur. Nemo enim juri suo in alterius incommodum renuntiare potest. (§. LIV. LV.) Unde sic pactum cum solis civibus initum non sufficiet, sed ipsius quoque Principis in civitate factum quoddam accedere, opus est, quo, ut alter jus hoc speciale exerceat, se non prohibiturum significet. Eodem plane modo si cives sua sponte juri facultative suæ in cujusdam favorem renuntiare nolint, non aliter eorum obligatio nasci potest, quam si civitatis moderator, cui obligandi cives potestas est, eos ut sublatum existiment jus suum fa-

cultatemve, obliget. Quod si igitur id facturum se significet Princeps, promittit, passurum se, ut quis speciale jus exerceat, aliosque simul, si opus est, ne in exercitio juris privilegiarium turbent, obligat. Ac sic quidem adest concessio specialis juris, adest privilegium. (§. XC.)

### §. XCVIII.

*Quando principi liceat, privilegia ferre.*

Si de solo Principis in civitate commodo agatur, vel etiam subditi reliqui commodo ipsi renunciare suo haud recusent, licere hoc modo Principi privilegia ferre, intellectu est facillimum, cum suo quisque juri facultatique optime renuntiet. (§. LIV.) Si vero civibus jus quoddam facultasque vel plane adimenda, vel ejus usus restringendus sit, tunc sane restringendum esse arbitror, an hoc facto certum civibus lucrum intercipiatur, an incertum, & itidem, an certum illud lucrum plane adimatur, vel tantum differatur. Si differatur modo certum lucrum, vel si incertum intercipiatur, hoc facilius licere Principi, si id cum salute Reip. consentiat, arbitror, ut pote cui pro salute Reip. omnia or-



ordinandi potestas est. Sin autem certum jam lucrum intercipiendum sit, quod cuiquam debeatur, tunc ut maxime id exigat Reip. salus, oportet. Quo facto ea regula, quæ maximam in Rep. perfectionem conservat, merito exceptionem parit, ut facere liceat, quod alias facere non licet. Solent hoc etiam observare Principes, ut, si privilegia concedant, non auferant civi cuidam certum lucrum, sed vel id differant, vel in certum tantum lucrum adimant.

### §. XCIX.

*Quos limites jus concessum accipiat.*

Verum dum concedit jus tibi Legislator speciale, certos quoque cancellos designat, quos in exercendo eo jure neque in ipsius, neque in aliorum incommodum transilire, fast tibi sit. Qui quidem vel in literis concessionis describuntur, vel jam ex familiari juris concessi notione satis determinati sunt. Promittit itaque is, qui privilegium concedit, passurum se, ut jus hoc modo limitatum exerceas (§. XCVII.)

### §. C.

*In privilegio adest pactum.*

Promissio itaque privilegium dantis

refertur ad conditionem quandam, scilicet, ut tu limites tibi descriptos ne transgrediaris, ideòque perinde est, ac si tu, qui accipis promissum, te hos limites quoque exacte observaturum, promittas, neque vel in incommodum ipsius principis, vel aliorum transgressurum. Unde hac ratione pactum inter eum, qui fert privilegium, & eum, qui accipit, initur.

### §. CI.

#### *Quatenus in privilegio alii obligentur.*

Patet quoque quatenus alii cives obligentur, ne privilegiarium in exercendo jure suo turbent, quatenus nimirum is exercet jus adquisitum intra limites ei descriptos. (XCIX.) Cum enim amplius non sit concessum jus, nec aliorum etiam amplius propterea adest obligatio.

### §. CII.

#### *De tacita privilegii concessione.*

Quoniam Princeps, qui privilegium concedit, aliquid promittit, (§. XC VII.) promissio vero etiam tacite fieri potest (§. XXII.) sequitur, ut Princeps etiam tacite privilegium concedere possit.

### §. CIII.

## §. CIII.

*Exemplum.*

Quod si igitur Princeps si quis ei contradicat, ne jus suum in ipsum exerceat, adquiescat, neque data occasione exerceat, tunc sane cum actum contrarium juri suo admittat, renuntiat eidem in favorem alterius, isque id accipit, (§. LXVIII.) atque hoc modo tacita conventionē jus huic speciale conceditur, (§. LVIII.) & sic privilegium fertur. Cujus rei exemplum infra cum de jure de non appellando tractandi materies erit, adducetur.

## §. CIV.

*Aliud exemplum.*

Hac etiam ratione si cognoverit Princeps, quendam prohibere alios cives, ne jure quodam vel facultate utantur in hujus gratiam, neque Princeps, si cognoverit, id contra aliorum civium voluntatem fieri, eum prohibeat, tacite sane significat, se eum non prohibiturum & sic privilegium concedit (§. XCVII.)

## §. CV.

*Exemplum tertium.*

Eodem modo si cognoverit Princeps, quendam exercere jus, quod potius ad  
E 5 ipsum

ipsum pertinet, neque eum prohibeat, sic sane tacite in hujus gratiam juri facultative suæ renuntiat, isque accipit (§. LXVII.)

### §. CVI.

#### *Difficultates in hujus adplicatione.*

Sed hujus inprimis postremi exempli ad speciales controversias adplicatio multis profecto gravibusque premitur difficultatibus. Sane requiritur, ut te jus hoc exercere cognoverit, quod à te exercendum non sit. Sed qua ratione fieri potest, ut præsertim in magna hominum consociatione Princeps cognoverit, te jure hoc uti? At enim ministri hoc ad eum deferent. Sed quid si id ipsi non resciverint, quid si neglexerint incuria vel perfidia adducti, ea ad Principis aures perducere? Vides igitur hoc modo nondum id sequi, ut princeps ipse hoc cognoverit.

### §. CVII.

#### *Quid sit possessio immemorialis.*

Si cui jus exercitum est tam diuturno temporis spatio, ut omnis memoria non suppeditet facti usus initium, tunc ultra memoriam id possedisse dicitur & ea possessio vocatur *immemorialis*.

### §. CVIII.

## §. CVIII.

*Quæ verisimilitudo in ea adsit.*

Quod si exercueris contra regulam communem jus tam diuturno temporis spatio, ut ejus exercitii initium omnem exedat memoriam, profecto verisimillimum est, eos, qui Principis in Rep. ministeria obeunt, id & cognovisse & detulisse ad Principem. Nulla enim species veri adest, mutatis eo tempore toties ministris, eos omnes id ignorasse, vel tam negligentes, non dicam, perfidos fuisse omnes, ut dominum ea de re suum certiore non fecerint. Maxima vero verisimilitudo in rebus, quæ sunt hujus generis, pro veritate habenda est. Verisimillimum quoque est, ea de re olim expressum quoddam pactum cum eo, qui imperio præest, intervenisse.

## §. CIX.

*Quid ea verisimilitudo efficiat.*

Quoniam igitur tanta verisimilitudo adest, quæ in rebus hujus generis pro veritate habenda, æquissimum est, ut cuique jus hoc modo possessum proprium maneat perpetuumque. Et hinc extraordinarium jus immemoriali tempore

pore possessum proprium cuique maneat, oportet.

### §. CX.

*Jura regalia à subditis ex privilegio exercentur.*

Quoniam jura regalia ei demum ex regula competunt, cui summum in civitate imperium est, (§. XXXVI) nihilominus tamen possunt ex parte cum subjectis communicari, (§. XLI.) sequitur, eum, cui regale jus communicatum est, id exercere contra ordinem & regulam communem, atque idcirco ex privilegio (§. XC.)

### §. CXI.

*Jura regalia possessione immemoriali acquirenda.*

Cum igitur privilegia immemoriali demum possessione adquiri, æquum sit, (§. CIX) regalia etiam jura tantum immemoriali possessione adquiri, fas est, si quis alium titulum præter possessionem non habeat.

### §. CXII.

*Etiam jure Germanico.*

Ac jure quidem Germanico satis exploratum est, regalia jura à subditis posses-



sessione adquiri non posse, nisi immemoriali.

§. CXIII.

*Quid sit privilegium gratiosum & onerosum.*

Si concedat privilegium tibi civitatis rector, solo favore in te ductus, vocatur *privilegium gratiosum*. Sin tribuat, pretio intercedente, vocatur *privilegium onerosum*. Ac quoniam præclare meritis debentur à Rep. præmia, ideò habentur privilegia propter egregia in Remp. merita obtenta, ac si pretio quodam redempta fuerint, & ideò onerosis adnumerantur.

§. CXIV.

*Privilegia sunt servanda.*

Quoniam pacta naturali etiam jure sunt servanda, meritò servanda quoque nec revocanda sunt prolubitu privilegia sive gratiosa sint, sive onerosa, quia in privilegiis favorabilibus semper adest pactum. (§. C.)

§. CXV.

*Quando exceptio locum habeat.*

Sed incidit, ut cum hac regula juris naturalis pugnet alia, quæ salutem ac felicitatem Reip. supremam legem ponit

nit. Quoniam igitur in repugnantia regularum, si utraque servari nequeat, ea præferenda est, quæ majorem parit perfectionem, unusquisque sane intelligit, posteriorem sic regulam meritò ante ponendam esse priori, ideòque non servanda esse, sed potius revocanda privilegia, quæ salutem felicitatemque Reip. quodam pacto imminuunt.

### §. CXVI.

#### *Privilegia non sunt extendenda.*

Privilegium non est extendendum ad alium, cui id non est concessum. Conceditur enim privilegium promissione quadam Principis tuaque adceptione, ideòque pacto quodam constituitur (§. C.) Quocirca cum aliis nihil promissum sit, alii quoque nihil sic juris accipere possunt. Quod cum fieret, si ad alios extenderetur privilegium, quibus non indultum est, sequitur, ut ad alios quoque extendi non debeat.

### §. CXVII.

#### *Quid sit privilegium personale.*

Si certo cuidam & determinato homini privilegium favorabile conceditur, vocatur *privilegium personale*. (§. XXXV.

## §. CXVIII.

*Hoc inhæret personæ.*

Cum privilegium personale certo cuidam & determinato homini concessum sit (§. CXVII.) neque extendi unquam debeat privilegium ad alios, (§. CXVI.) sequitur, ut privilegium personale ultra eum, cui datum est, non sit extendendum. Et hinc est, quod Jctorum schola ait, privilegium personale *inhærere quasi ossibus privilegiarii.*

## §. CXIX.

*Id exstinguitur cum persona.*

Idcirco jam facillimum est intellectu, quare privilegium personale non diutius vigeat, quam persona, cui datum est, viventium numero existat, sed potius ea extincta exstinguatur. Aliter enim extenderetur privilegium ad alios, quibus non est concessum.

## §. CXX.

*Quid sit privilegium mixtum.*

Si privilegium ad te tuosque hæredes, eosque vel omnes, vel tantum liberos tuos pertineat, vocatur *privilegium mixtum*. Requiritur itaque, ut, si privilegium mixtum adesse debeat,  
Prin-

Princeps id hæredibus quoque tuis impertiendum esse, significet. (§. XCVII.)

§. CXXI.

*Quando existat privilegium mixtum.*

Qui promisit, quæ antecedunt, promittit quoque, quæ necessario consequuntur. Quod si igitur inde, quod speciale jus cui concessit Princeps, necessario illud sequitur, ut ad hæredes etiam id pertineat, pertinebit id etiam ad hæredes & sic aderit privilegium mixtum.

§. CXXII.

*Objecto removetur.*

Ne objicias, extensionem sic fieri ad eos, quibus non concessit idem juris is, qui privilegiun fert, quod non posse fieri, non ipsi (§. CXVI.) adfirmavimus. Extensio enim fit ad eos, quibus nihil promisit Princeps. At hic ipsa quoque voluntas & promissio Principis respicitur, quæ hoc facto tacite significatur.

§. CXXIII.

*Exemplum privilegii mixti.*

Hæres ex defuncti facto, si dolum removeris & pœnam, resque sit privati arbitrii eodem modo obligatur, ac defun-

functus quidem ipse. Hinc si in facto quodam obligatorio privilegium seu beneficium cui à legibus datum sit, etiam hoc pertinebit ad hæredem, si ex obligatorio isto facto conveniatur. Aliter enim obstringeretur non eodem modo, ac quidem defunctus, quod tamen repugnantiam quandam efficit. Inde evenit, ut fidei jubente muliere, cui ex Scto Vellejano vel Auth. Si qua mulier C. de Scto Vellej. beneficium competit, ne propterea solvat, hæredes ejus idem creditori opponere posse beneficium, necesse est, si solutio debiti ab iis exigatur, pro quo defuncta mulier fidejusserat.

## §. CXXIV.

*Aliud exemplum.*

Eodem modo privilegium personale hæredibus prodesse debet, quando id alioquin privilegiario nullius usus foret. Exempla congeffit Hertius in diff. de transit. privil. person. ad alios.

## §. CXXV.

*Novum privilegii mixti exemplum.*

Ac privilegium quidem mixtum, quod ad liberos tantum hæredes transit, adest in repetenda dote, cujus privilegia liberis

F

quo-

quoque mulieris hæredibus comperunt: non item extraneis. Dispositum id est in Nov. 91. pr. & §. I.

§. CXXVI.

*Privilegium mixtum in quos transferri non possit.*

Cum igitur extendenda non sint privilegia ad alios, quibus nihil se promississe Princeps significavit, (§. CXVI.) efficitur inde, ut privilegium mixtum ad alios, qui non sunt privilegiario hæredes, vel non sunt liberi simul, neutiquam transferri possit, hinc nec aliis cedi. Sic enim extenderetur ad eos, quibus nihil significavit Princeps se promississe.

§. CXXVII.

*Quid sit privilegium sanguinis.*

Si ad te eosque tantum, qui ex te progeniti sunt, eosque vel omnes vel filios, vel etiam primum genitum modo pertineat privilegium, vocare id poteris *privilegium sanguinis*. Ejus generis privilegium adest in nobilitate & hodie imprimis occurrit in familiis novorum Principum, ex quibus primum genitus tantum dignitate Principis & hono-



honore fulget, non item reliqui ex ista stirpe.

§. CXXVIII.

*An id in alios transferri possit.*

Quoniam neque sic aliis, qui non sunt ex te procreati, Princeps promisit, sequitur, neque extendendum id esse ad alios, qui non sunt ex stirpe tua, idè neque neque transferri in alios posse. (§. CXVI.)

§. CXXIX.

*Quid sit privilegium reale.*

Si pertineat privilegium ad omnes rei cujusdam possessores, vocatur *privilegium reale* (§. XXXI.) Conceditur itaque in hoc privilegio jus quoddam reale speciale. (§. XC.)

§. CXXX.

*Quomodo id rei inhereat.*

Cum igitur jus reale simul cum prædio, five re in quoscunque possessores transeat, (§. XXXIII.) aliisque cedi possit (§. XXXIV.) privilegium etiam reale simul cum re in quoscunque possessores transit, aliisque cedi potest, diciturque etiam propterea *rei inherere*.

## §. CXXXI.

*Dubium solvitur.*

Nulla sic itidem extensio ad alios fit, cui id privilegii non concesserit Princeps. Si enim concedit privilegium reale, concedit etiam, ut hoc ad quoscunque rei possessores transeat. (§. CXXIX.) Alias enim concedere vellet privilegium reale, & tamen non concederet.

## §. CXXXII.

*Regula 1. privilegia interpretandi.*

Supereft illud, quomodo privilegia sint interpretanda. Cum igitur in privilegio favorabili jus tibi speciale concedatur, (§. XC.) merito ita semper interpretanda sunt concessionis verba, ut revera sic speciale jus, quod non jam ex communi regula tibi competat adipiscaris. Alioquin enim ea privilegii concessio secum pugnaret, quia sic concessit Princeps speciale jus, & tamen non concessit. Conf. L. I. D. ad municip. &c. 30. X. de Privil. Ac ea quidem ratione si explicetur phrasis illa, privilegia contra Principem late explicanda esse, istam locutionem non improbaverim.

## §. CXXXIII.

*Alteræ regula.*

Quod si dubium sit, quid juris tibi Princeps concesserit, idque in literis concessionis non satis sit explicitum, tunc, uti in reliquis pactis fieri id solet, ea notio juris formanda est, qualem communiter homines hoc verbo significant. Privilegium enim pacto constitui, jam supra (§. XCIX.) docui. Unde quæ in pactis interpretatio, ea etiam in privilegiis obtinebit.

## §. CXXXIV.

*Tertia regula interpretandi privilegia.*

Non solent Principes certum, quod cui legibus debetur, lucrum auferre, neque id etiam permissum iis est, (§. XCVIII.) nisi reip. salus aliter conservari nequeat (ibid.) Hinc alia venit regula, cujus in interpretandis privilegiis ratio habenda est, nimirum, ut ita semper interpretanda sint privilegii verba, ne cui ex civibus certum lucrum & legibus debitum auferatur, sive ut Jcti loquuntur, ne cui jus quæsitum, vel utilitas ex eo capienda auferatur. Quoniam vero id permissum est, si salus Reip. id exigat, (§. XCVIII.) neque

subditis judicandi potestas est, quid exigat salus Reip. sed soli Principi, efficitur inde, ut si Princeps id expresse statuerit, ut cui privilegio concessio certum legibus jam debitum lucrum jusque quæsitum auferatur, Principis tunc sequenda sit voluntas.

§. CXXXV.

*De concursu privilegiorum.*

Si concurrant duo privilegiarii, ut concessum utrique extraordinarium jus erga se invicem exercent, nequaquam fieri potest. Nulla enim sic adest ratio sufficiens, quare potius utatur Titius privilegio suo, quam Cajus, ideòque neuter utetur. Sic ut exemplum in medium adferam, non potest minor læsus restitui in integrum contra minorem læsum.

§. CXXXVI.

*Declaratio.*

Aliud dicendum est, si concurrentibus minoribus duobus, quorum uterque gaudet beneficio in integrum restitutionis, alter in damno vitando, alter in lucro captando versetur. Quoniam enim nemo alterius damno locupletior fieri debet, major sic adest ratio, qua-

quare potius utatur primus privilegio suo, quam alter. Atque id quidem consentit cum L. II. §. VI. D. de minor.

§. CXXXVII.

*Privilegii exercitium non est res meræ facultatis.*

Privilegii exercitium non esse rem meræ facultatis, inde quidem satis agnoscitur potest, quod ejus exercendi potestas non fluat ex alio jure, quod exerceas, sed proxime ex conventionem cum subditis vel ex Principis concessione, & sic semper in aliorum obligatione ratio, cur id exercere possis, ponenda sit. (§. XCII.)

§. CXXXVIII.

*Privilegii comparatio cum servitutibus.*

Liceat nobis hoc loco forsitan non plane ab re jus, quod ex privilegio exercetur, cum servitutibus Juris Romani contendere. Notum est tironibus, quod jus in prædium serviens exercetur, id non aliunde venire, nisi ex obligatione speciali domini, vel cujusque, qui prædium istud possidet, ideòque ejus exercitium non esse rem meræ facultatis. (§. XIII.) Exercetur quoque jus hoc vel à persona tantum certa at-



que determinata, quod adest in usufructu, usu & habitatione, vel ab omnibus prædii cujusdam possessoribus, & est demum jus illud plane extraordinarium & contra communem regulam, cum ex communi regula domino omnem ex re sua fructum, exclusis aliis quibuscunque, capere liceat. Eadem omnia in privilegiis reperiuntur. Jus, quod ex privilegio exercetur, non fundatum est in alia quadam licentia, sive jure, quod sit penes privilegiarium, sed proxime in obligatione vel solorum civium, vel etiam Principis, prout ejus juris usus ad quemque pertinet, (§. CXII.) ideòque ejus exercitium non est res meræ facultatis. (§. CXXXVII.) Exercetur iridem jus hoc vel à certa quadam determinataque persona (§. CXVII.) vel à quibuscunque rei possessoribus. (§. CXXIX.) Est demum hoc jus plane extraordinarium & contra communem regulam. (§. XC.)

### §. CXXXIX.

#### *De renuntiatione privilegii.*

Juri suo quemvis renuntiare posse, supra (§. LIV, LV.) exposui. Privilegiarium  
igi-



igitur juri suo per privilegium adquisi-  
to renuntiare posse, nemo dubitabit.

§. CXL.

*De renuntiatione per non usum.*

Ac quemadmodum juri suo tacite re-  
nuntiare (§. LXXV.) diximus eum,  
qui occasione utendi sæpius oblata non  
ignorans neque impeditus jure suo non  
est usus, ita is quoque, qui privilegio  
suo non utitur, occasione data, neque  
impeditus fuit, neque ignorans, tacite  
ei renunciat, ii vero, quorum ex omis-  
so usu isto utilitas enascitur, vel Prin-  
ceps, vel reliqui cives, hanc renuntia-  
tionem accipiunt, si talis inde nasca-  
tur, quam aliàs si jure suo usus fuisset  
privilegiarius, non cepissent.

§. CXLI.

*Legum civilium munus.*

Quoniam id multis gravibusque con-  
tentionibus difficillimæ perquisitionis  
ansam daret, si lre super ea re in judi-  
cio coorta, occasionem utendi privile-  
gio haud incognitam, neque tamen  
justis ex causis privilegiarium impedi-  
tum fuisse, quo minus jure suo usus sit,  
probandum foret, ideo jura civilia, tot  
difficillimarum litium præcidendarum

gratia temporis quoddam spatium definire possunt, quo si quis non usus sit privilegio, ei renuntiasse censendus sit, Princeps vero vel subditi id accepisse exiltimentur.

### §. CXLII.

#### *Quid Leges Romanæ statuerint.*

Leges Romanæ statuerunt jus nundinarum amitti, si quis eo per decennium usus non sit. L. I. D. de nund. Cum igitur jus nundinarum sit jus privilegio concessum, & leges generaliter omnia determinare soleant, non sine ratione opinantur Interpretes Romani juris, id adfirmandum quoque esse de omnibus privilegiis, quæ decennio aliquoties saltim exerceri potuerunt.

### §. CXLIII.

#### *Ejus ratio indagatur.*

Nimirum privilegio multa inesse, quæ servitutibus Juris Romani quoque insunt, jam supra exposui (§. CXXXVII.). Jam discutiendum est, quid in utroque inveniatur, quod conveniat, si quis eo jure non utatur. Nimirum si servitute non utaris, occasione data, nec, quo minus id facias, impeditus sis, sique alterius inde commodum & utilitas prove-

venire possit, quæ capi non possit, si jure tuo usus esses, alius sic commoditatem capere non impeditur, cujus jam antea capiendæ facultatem habuerat, nisi ea facultas per jus tuum restricta fuisset. Romanorum jura impedimentorum inprimis tollendorum gratia & ne acceptio tacita probanda sit, decennium statuerunt, quo si non usus sis jure tuo alterque libertatem usuceperit, jus hoc tibi intercidat. Eadem ratione si jure, quod ex privilegio nascitur, non utaris occasione data, quam non ignoraveris adesse, neque fueris aliis ex causis impeditus, subditisque vel etiam Principi hoc intermisso privilegii usu commodum redundare possit, aliter ac si jure tuo utereris, subditi sic vel Princeps quod habere non impediuntur commodum, id etiam habuerunt antequam id privilegio tuo restrictum fuit. Adparet hinc, magnam adesse similitudinem, si quis servitute sua & si privilegio non utatur. Unde mirum non est, Romanos idem tempus præfiniisse privilegiis finiendis, non facto eorum usu, quod præfinierunt servitutibus sic amittendis.

## §. CXLIV.

*Ad objectiones respondetur.*

Contrariam nobis sententiam fovet Vir Celeberrimus, *Augustinus Leiserus*, in Dissertatione, quam composuit de *Præscriptione*. Ac primum quidem fultus est eo argumento, quod in allegata L. I. D. de nund. specialis causa, nimirum jus nundinarum proponatur, jus vero speciale non possit statim pro generali venditari. Sed pace Viri Celeberrimi huc respondeo, non posse quidem jus speciale & extraordinarium privilegio quodam concessum ad alios extendi, uti & nos ipsi in hac de privilegiis tractatione agnovimus, aliud vero omnino esse, si JCti Romani specialem quandam causam deciderint, utpote qui semper ex generalibus juris regulis decisiones suas hauserunt, unde quæ ii de speciali quadam causa adfirmant, merito adplicanda sunt toti generi, nisi cum diversa quædam in alia speciali causa decidendi ratio prodeat. Neque enim fuit unquam JCtorum, dare privilegia, vel jura singularia, quæ tantum à Legislatore, & hinc apud Romanos ab Imperatoribus ipsis concessa fue-

fuerunt, quanquam JCti interdum in causa speciali pugnantis duabus regulis, exceptionem quandam fecerint. Vidit hoc dubium ipse Vir Celeberrimus idque propterea altero argumento suo refellere voluit, quod nimirum secundum L. 3. C. de præscr. XXX. vel XL. annorum omnia jura XXX. demum annis præscribantur, quam regulam generalem Romani juris etiam hic adplicandam esse, existimat, quoniam ratio non occurrat, quare in privilegiis aliquid quidpiam statuatur. Verum etiam hic pace Viri summi respondendum mihi esse videtur, eam præscriptionem tantum pertinere ad actiones personales & interdum tantum ad reales. Sed quænam actio personalis in privilegiis præscribenda sit, non equidem agnosco. Competere enim deberet actio hæc vel adversus Principem, quocum contractum iniit privilegiarius, atque ita ad impletionem contractus tenderet; at ponimus nos, Principem jam fidem liberasse suam, & jus tibi speciale dedisse. Vel tenderet actio contra eos, qui te in privilegii exercitio turbant. At nemo adest, qui turbet eum qui ju-

re suo non utitur. Equidem amplius provocat Vir Celeberrimus ad c. 6. X de privil. ex quo satis clare elucere contendit, privilegia XXX demum annis non facto usu finiri. Evolvi jus Canonicum, nihil vero, ut mihi quidem videtur, in illa lege seu Capitulo inveni, quod ad fulciendam Celeberrimi Viri sententiam magni ponderis quidquam conferret. Pontifex enim in c. 6. cit. causam quandam proponit fratrum Cisterciensium, qui ex eo quæsierant, an cum XXX annis non essent usi privilegio suo, quo decimis eos exemerat Pontifex, jure hoc jam uti incipere possent. Quod quidem Pontifex in responsione sua negat, quo facto tamen decennio quoque privilegia non utendo amitti, non negat idem. Cum igitur neque in L. 3. C. de præscr. XXX vel XL ann. neque in c. 6. X de privil. regula quædam adsit, quæ privilegii amissionem definiat, recte quidem, ut mihi videtur, norma in his causis judicandi ex L. I. D. de nund. desumitur, cujus nativam forsitan rationem §. antec. exposui.



## §. CXLV.

*De renuntiatione privilegii per actum contrarium admissum.*

Renuntiare juri suo, qui actum ei contrarium admittit, (§. LXIII.) ef-  
fecimus. Quocirca eodem modo pri-  
vilegio renuntiari, certum exploratum-  
que est.

## §. CXLVI.

*Quid sit abuti privilegio.*

*Abuti privilegio* dicitur, qui limites  
ejus transgreditur in aliorum incom-  
modum (§. XCIX.)

## §. CXLVII.

*Privilegia abusu finiuntur.*

Cum promissio ejus, qui privilegium  
concedit, referatur ad conditionem, si  
privilegiarius limites ei positos non tran-  
siliat, (§. C.) Legislator amplius obstri-  
ctus non est ad promissa servanda, si  
conditio, sub qua promisit, violetur.  
Quid, quod privilegiarius hac ratione  
ipse declarat, se conventionem illam ampli-  
us teneri nolle, ideòque etiam juri suo  
ex hac conventionem adquisito renunti-  
at. Atque hinc privilegium per abu-  
sum finiri dicitur. Consentaneum hoc  
est cum c. 63. qu. 3. c. 1.

CAP.

## CAPUT II.

### DE ADPELLATIONUM IN GERMANIA STATU VETE- RI ET HODIERNO.

#### §. I.

#### *Quid sit Judex.*

**J**udex est persona, cui à civitatis rectore potestas legum observationem tuendi demandata est.

#### §. II.

#### *Quid Jurisdictio.*

Potestas illa tuendi observationem legum vocatur *Jurisdictio*. Unicuique ergo Judici data quoque est *Jurisdictio*.

#### §. III.

#### *De terminis Jurisdictionis.*

At quoniam ad legum observationem eo melius tuendam unus Judex, præsertim in magno cujusdam regni ambitu non sufficit, ideò plures constituendi sunt, quibus singulis tractus quidam, in quo justitiam populo administrant, committatur. Dum igitur singulis determinatus quidam terræ tractus, in quo munus suum obeant, committitur, in eo

eo quidem juris dicundi legumque tuendi observationem, habent potestatem, non in alieno tractu, qui commissus iis non est. Atque hinc nullus Judex Jurisdictionem habet ultra terminos ipsi positos. (§. XI.)

## §. IV.

*Quid officium Judicis.*

Quod ut facias, injunctum lege tibi est, *officium* tuum vocatur. Patet igitur, *officium Judicis* esse, ut legum observationem tueatur. (§. I.)

## §. V.

*Quid amplius.*

Sed quoniam fieri nequit, ut legum observationem tueatur Judex, nisi examinet actiones civium, an consentaneæ legibus sint, an minus, Judicis quoque officium est, examinare actiones eorum, qui ipsi sunt commissi, utrum legibus congruant, an secus.

## §. VI.

*Quid sit judicium.*

Examinatio Judicis de convenientia vel repugnantia actionis & legis est, quod *Judicium* vocamus.

G

§. VII.

## §. VII.

*Quid sententia.*

*Sententia* est determinatio Judicis, legibusne consentiat actio, an minus.

## §. VIII.

*Quid amplius officium Judicis.*

Quoniam Judicis est, legum observationem tueri, ideo si nondum satis exploratum videatur, pugnantibus præsertim regulis, quas leges suppeditant, Judex id determinet, necesse est, si ea de re lis agitetur. Simul hoc facto omnis ignorantiam prætexendi ansa præciditur iis, qui sponte æquitatem sequi recusant. Patet igitur, Judicis officium quoque esse, ut sententiam ferat. (§. VII.)

## §. IX.

*De ordine Judicum.*

Iniquitatis & imperitiæ judicantium tollendæ gratia in Rep. bene disposita Judices quidam constituendi sunt, quibus in inferiores Judices inspectionis jus sit, an ii & quomodo officio suo fungantur, quique sic auxilium porrigant si vel plane non, vel minus recte officio suo fungantur Judices. Ac ii quidem vocantur *Judices superiores*, illi, qui eorum inspectioni subsunt, *inferiores*.  
pre-

*premus* vero *Judex* vocatur is, cujus inspectioni alii omnes *Judices* subsunt, ita ut is non ulterius subjectus sit alterius inspectioni. Adesse igitur debet in bene instituta Rep. ordo quidam & subordinatio *Judicum*.

### §. X.

#### *De obligatione inferiorum Judicum.*

Dum introducitur in civitate ordo & subordinatio *Judicum*, obligandi quoque sunt inferiores *Judices*, ut concedant, sententias suas ad superioris *Judicis* examinationem ab omnibus, qui eorum in judicando iniquitate vel imperitia læsos se existiment, perduci atque sic superioris *Judicis* auxilium flagitari, (§. IX.) quæ nisi adesset obligatio, ordo & subordinatio *Judicum* in cassum introduceretur. Et hinc amplius obligandi sunt, ut executionem sententiæ suæ tamdiu differant, quoad superior *Judex* eam examinaverit.

### §. XI.

#### *Quid sit appellare.*

Qui contra inferioris *Judicis* decreta vel sententias superioris auxilium postulat, is *appellare* dicitur.

## §. XII.

*De licentia adpellandi.*

Dum obligantur in civitate inferiores Judices, ut superioris Judicis contra eos auxilium flagitari, concedant ab omnibus, si ipsi officio suo rel plane non, vel male fungantur, significant civiles leges satis clare, se non prohibere, quin omnes in iis causis ad superiorem Judicem adpellent & sic adpellationes omnibus permittunt. (§. XI. C. I. §. IV.) Et cum posita demum ea Judicis inferioris obligatione, licentia ea existat, (§. X.) non facultas hæc, sed jus adpellandi vocatur, (§. XII. C. I.) quod omnibus coram eo Judice litigantibus competit, & à singulis toties intra certum tempus, exerceri potest, quoties iniquitate vel imperitia in pronuntiando Judicis inferioris læsi sunt. Quamobrem egregie Ulpianus ait L. I. pr. D. de Adpell. Adpellandi usus quam sit frequens quamque necessarius, nemo est, qui nesciat, quippe cum iniquitatem judicantium vel imperitiam corrigat,

## §. XIII.

*De singulorum licentia adpellandi.*

Adpellandi licentia quoniam omnibus



bus conceditur ligitantibus coram isto  
judice, ideo singulis, si de iis quæritur  
idcirco competit, quod eis liceat eodem  
modo lites coram illo iudice gerere, quo  
reliqui omnes. Cum igitur sic sufficienter  
jam per aliam licentiam determinetur  
singulorum licentia, ideò si de singulis  
quæstio incidit, facultas potius est, quam  
jus (C. I. §. XIII.) ipsumque adpellandi  
exercitium, quod fit à singulis, quoties  
obligatio iudicis seponi potest, est res  
meræ facultatis.

#### §. XIV.

##### *Confectarium.*

Quoniam ei demum obtingit jus ap-  
pellandi, qui iniquitate vel imperitia ju-  
dicantis læsus fuerit, (§. XII.) idcirco  
non est adpellandi tibi jus, si æquitatem  
vel leges secutus sit in decernendo Ju-  
dex, quamvis id forte incommodum ti-  
bi sit.

#### §. XV.

##### *De renuntiatione adpellationis.*

Juri suo facultatique unumquemque  
renuntiare posse, docui, (§. LIV. LV.  
C. I.) quatenus nemini sic damnum in-  
feratur. Quod si igitur tibi soli damnum  
ex iniqua iudicis sententia inferatur, li-

cet tibi huic adpellandi facultati (§. XIII.) renuntiare. Tenendum vero hoc loco, superioris Judicis neque commodum neque incommodum existere, si adpellandi jure vel utar, vel ei renuntiem. Sola enim hic res agitur ejus, qui sententia inferioris Judicis læsus fuerit.

### §. XVI.

#### *Libertas in adpellando.*

Jus adpellandi illud respicit, ut, quod ex iniqua Judicis sententia damnum tibi impendat, propulses (§. XII.) Verum ad eum obtinendum finem plures viæ patent, nimirum in aliis regionibus supplicatio, in aliis leuteratio, sæpius etiam querela nullitatis. Libertas igitur sic tibi competit, utrum malis adpellare, an leuterare, vel, in aliis provinciis, supplicare. (§. LXXVIII. C. I.)

### §. XVII.

#### *Quomodo ei non utendo renuntietur.*

Quod si igitur gravatus iniqua Judicis sententia leuteraveris, vel supplicaveris, non renuntias propterea juri adpellandi, quin potius eo uti potes, si leuterando non arcueris damnum tibi impendens, sed confirmata prior fuerit sententia. Quod si vero, cum leuteran-

ran-

rando vel supplicando non obtinueris utilitatem quæsitam, adpellationis remedio non utaris, utpote quod tum abscisse adhibendum est, si commoda tua negligere nolis, privaris quidem in ea causa adpellationis auxilio, at quoniam singulorum adpellandi licentia facultas est, tacite sic adpellandi facultati omnino non renuntias (§. LXXIX. C. I.)

§. XVIII.

*Quando de renuntiatione omnium civium agetur.*

An vero omnes cives juri adpellandi suo renuntiare possint, & quo facto id fiat, infra commodius explicabitur, cum de acquisitione privilegii de non adpellando agemus. §. XIX.

*De ordine adpellandi.*

Ordo quidam & subordinatio Judicium ob eam causam in civitate constituitur, ut superiorum auxilium adsit, si inferiores, vel plane non, vel male officio suo fungantur, supremus vero judex ultimo demum loco auxilium præstat (§. IX.) Sequitur itaque, ut ad superiorem Judicem saltem in civilibus causis ante non sit convolandum, quam causa ad inferioris Judicis cognitionem

## §. XXV.

*Monitum.*

Illud demum hoc quoque loco prætermittendum non est, nullitatis querelæ remedium minus cognitum usitatumve fuisse Germanis, majoribus nostris, antequam Jus Romanum, cui id originem debet, in Germania invaluerit, cum quo demum simul advecta nobis est querela ista. Quod jus cum ante Frederici III. & Maximiliani I. tempora Germanis non imperitaverit, ante ea quoque tempora querela nullitatis vix cognita Germanis fuit. Omnibus iis causis obtinuit adpellatio, quæ id nomen quoque retinuit, si nulliter pronuntiasset inferior Judex. (§. XXI.) Saltem nullibi in Germanorum legibus querelæ nullitatis mentio fit, quæ separatum ab adpellatione fuerit remedium. Conferas velim, quæ infra (§. CXXXIV.) notavi.

## §. XXVI.

*Quid sit justitiam denegare.*

*Justitiam denegare* dicitur Judex, qui imploratus Officio suo non fungitur. Cum igitur officium Judicis exigit, ut legum tueatur usum, (§. IV.) ut exami-

minet actiones & sententiam ferat, (§. VIII.) justitiam denegat Judex, si legum observationem non tueatur ad alicujus preces, nec actiones examinet, nec sententiam ferat.

### §. XXVII.

#### *Definitionis probatio.*

Sed ne quis existimet, me pro arbitrio huic locutioni sensum adfingere, ostendam, eundem illi à Constitutionibus nostris tribui. Citabo verba ex constitutione Wilhelmi Regis an. 1255. publicata, quæ in lucem extracta est à *Dattio* in *Tr. de Pace publ.* L. I. C. IV. p. 22. *Si autem civitates & oppida propter negligentiam Judicis non poterunt Judicium & justitiam obtinere, ex nunc. - - -*

Quæ quidem verba nihil aliud significare possunt, quam denegatam justitiam, si nimirum Index officio suo plane non fungatur. Atque hoc omnium clarissime ex Constitutionibus Friderici I. quæ sunt in *Goldasti Const. Imp.* T. III. p. 330 liquet. Verba *Constit. I.* Ita se habent: *Jus autem Judex denegare dicitur, cum judicare non vult, aut suos debitos judiciales terminos (tempora, quibus judicia erant celebranda) non observat.*

## §. XXVIII.

*Quid sit querela de justitia denegata.*

Quod si igitur sic auxilium superioris Judicis implores, propterea quod alius officio suo plane fungi recusat, *querelam de justitia denegata* instituis. Differt igitur querela de justitia denegata ab adpellatione, quod hac utar, siquidem functus sit officio suo judex imploratus, sed non bene, illa vero, si plane non functus sit. Quamquam Germani nostri eam quoque querelam adpellationis nomine comprehenderint (§. XXI.)

## §. XXIX.

*Quis sit alienus Judex.*

Alienum quidem Judicem vocamus eum, cujus Juris dictioni non subest reus. At cum superior Judex sententias inferioris examinandi potestatem habeat, is quoque deficiente inferiori Judice ad observandas leges cogere potest reum atque ita tum quoque Jurisdictionem in eum exercet, (§. II.) hinc is alienus judex omnino vocari non potest. Erit igitur superior quoque judex alienus, si ad eum vocetur reus, antequam de ea causa vocatus est ad inferiorem, (§. XIX.).

§. 30.



## §. XXX.

*Quis alienus Judex ex mente Germanorum.*

At Francis quidem & Germanis nostris etiam superior judex, si is extra provinciam esset, in qua reus degeret, vocatus est alienus. Ac id quidem liquet ex Capit 71. Add. III. apud Lindenbrogium. *Præcipimus, ut non degradetur unaquæque provincia, sed apud semetipsam habeat Judices Episcopos & quicumque causam habuerit, a suis Judicibus judicetur, & non ab alienis, id est a suæ justis Judicibus provinciae & non ab externis, nisi fuerit adpellatum.* Conferas quoque velim, quæ infra (§. CIII.) ex privilegio Saxonico Ferdinandi I. adduximus.

## §. XXXI.

*Quid sit evocari.*

*Evocari* reus dicitur, si ad alienum Judicem vocetur. Cum igitur ex mente Germanorum superior quoque Judex, si is extra provinciam rei judicium foveret, alienus esset (§. XXX.) *evocari* quoque reus dicebatur, si ad Judicem superiorem extra provinciam suam vocaretur, in ipsis adpellationum causis.

Un-

Unde antiquis temporibus privilegium de non evocando comprehendit quoque privilegium de non adpellando.

§. XXXII.

*De ordine Judicium apud Germanos.*

Majorum nostrorum instituta jam si consideres, illud quidem constat, adfuisse in regno Francorum semper ordinem quendam & subordinationem Judicium (§. IX.) hodieque adhuc adesse. Regum enim Germaniæ hodieque esse Regnum Francorum, Regemque nostrum Francicum, nemo sane est, qui possit ambigere. Distributum fuit universum regnum & singulæ provinciæ in certos quosdam ac determinatos pagos, quos Centas, adunationes, *Gauen*, adpellarunt, quorum singulis Comes quidam, sive *Grafio* præfectus fuit, qui regali banno à Rege investitus de omnibus in eo pago controversiis litibusque enatis sententias Regis nomine ferendi, legumque observantiam tuendi potestatem habuit. Assessores ejus vocati sunt *Scabini* vel *Rachimburgii*, quæ vox in Lege Salica occurrit. Pagus iste vel centa rursus dispescebatur in varias minores adunationes, sive centas, quas pro-

propterea centenas vocarunt, in quarum singulis aderat Judex Comiti subiectus, qui centenarius propterea adpellatus fuit, quod in centena quadam jus diceret. Ac ejusmodi quidem centena terminata sæpius est uno oppido vel vico. Vox ipsa *centenarii* occurrit in L. IV. *Capit.* 23. Jus autem ii dixerunt tantum in minoribus controversiis. Dicti sunt iidem, observante *Gundlingio* ad tit. ff. de *Jurisd. Thingini, Thincmanni, Thingi, Think*, unde enatum sit vocabulum *Decani*. Sæpius quoque, eodem observante, dicti sunt *Sculteti*. Atque eorum quoque minorum Judicum ordinem recenset Vir Celeb. *Jo. Georgius Estor* in Commentario de *Ministerialibus* C. I §. XVII. secutus hoc loco *Walafridi Strabensis* comparisonem de Mundanis & Ecclesiasticis dignitatibus, quæ continetur *formulis Alsaticis*, Ludovico I. regnante compositis, quas publici juris fecit & pacto legis Salicæ subjunxit *Jo. Georgius ab Eccard*. Ac is quidem proxime post Comites eorum Missos in ordine locat, quorum munus fuerit, minores dijudicare causas, reservatis Comiti magis arduis. Post eos demum cen-

centenarios, five centuriones & vicarios memorat, sub quibus constituti fuerint decuriones & decani. Conferatur hoc loco *Cangius* sub voce *Centena*.  
§. XXXIII.

### De Sagibaronibus.

Præter eos vero Judices, quos jam recensui, adfuerunt in singulis centis seu jurisdictionum tractibus Viri legum periti, qui *Sagibarones* vocantur in *Lege Salica*. Quo quidem vocabulo *Eccardo* in notis ad tit. L. VII §. 2. denotari videtur vir controversiarum, siue qui controversias intelligat & secundum leges dirimere potis sit. Ac de iis *Lege Salica* tit. LVII. l. 4. cautum est: *Sagibarones vero in singulis mallobergiis plus quam tres esse non debent. Et si de causa illi aliquid sanum dixerint, penitus Gravio nullam habeat licentiam removendi.* Quod eadem lex *Salica*, a *Carolo M.* emendata ita exprimit Tit. LVI l. 4. *Sagibarones in singulis mallobergiis, idest plebs, quæ ad unum mallum convenire solet, plus quam tres esse non debent. Et si causa aliqua ante illos secundum legem fuerit definita, ante gratiam remove re eam non licet.* Quæ verba quoque de

H

ad-

adpellatione â sachibaronibus ad Comites loqui videntur. Loquitur quoque de hac Judicum civilium specie *Appendix ad Form. Marculfi cap. LI. Non minima, sed maxima vertitur discordia inter illum & illum. Venientes in loco illo ante bonos homines, repetebat ipse ille in causa sua vel conjugis suæ illius adversus ipsum lui - - - Exinde taliter ab ipsis bonis hominibus fuit judicatum. Boni vero homines illi denotare videntur Eccardo Sachibarones nostros.*

#### §. XXXIV.

#### *De appellationibus ad comites.*

Cum ergo centenarii omnesque minores Judices Comiti uniuscujusque pagi subjecti essent, uti jam notavimus, quis, quæso, dubitet, quin ab eorum quoque iniquis sententiis ad Comitem adpellare permissum fuerit. (§. XI. XII.) Atque id adfirmat quoque Jus provinciale Saxonicum L. II. Art. 12. Schild man ein Urtheil, das soll man erst ziehen an den höhern Richter (quod interpret Latinus vertit, *ad digniorem Judicem*) und zuletzt vor den König; ubi *dignior Judex* sine dubio designat Comitem, cui pro-

proxime subjecti fuerunt minores Judices (§. XXXII.)

## §. XXXV.

*De Missis Regiis.*

Sed cum etiam Comitum sententiis vel negligentia si quis læderetur, subveniendum ei esset, in more fuit Germanorum Regibus, quosdam ex primaria nobilitate viros, honestate & prudentia inprimis conspicuos per omnes vasti imperii provincias mittere, qui investigarent diligentissime, an Judices populo dati lites exortas legibus convenienter componerent, conquerentium idcirco clamores audirent sedulo injustasque sententias corrigerent, vel si eam causam componere non possent, de ea ad Regem ipsum referrent. Hi vocati sunt *Missi Regii*. Auctor *Vitæ Ludovici Pii* ad A. 824. ait. *Statutum est etiam juxta antiquum morem, ut ex latere Imperatoris mitterentur, qui judicariam exercentes potestatem, justitiam omni populo facerent. & tempore, quo visum foret Imperatori, equa lance penderent.* Capit. 82. *Ludovici Pii & Lotharii Addit. 4. apud Lindenbrogium p. 1190* ita habet: *Populo dicatur, ut caveat, de aliis causis*



*ad nos reclamare, nisi de quibus aut Missi Regii, aut Comites eis justitiam facere noluerint.*

§. XXXVI.

*De adpellationibus ad Missos.*

Patet ex §. antecedentibus §. IX. collato, Missos Regios fuisse Comitum superiores quosdam Judices, adeoque ab iis ad Missos adpellare licuisse (§. XII.)

§. XXXVII.

*De comite palatii.*

Accessit illud, quod in aula sua Reges supremum quoddam foverent judicium, in quo Comes Palatii fuit supremus Judex, ipsi vero Reges haud raro, adfidente tunc Palatii Comite, interfuerunt. Eò adpellare omnibus licitum, quibus neque Comites, neque Missi Regii jus suum tribuerant. Reges enim nunquam non in Germania superiores Judices fuerunt. *Hincmarus Rhemensis Ep. 14. c. 21.* ita ait: *Comites Palatii inter cetera pene innumerabilia in hoc maxime sollicitudo erat, ut omnes contentiones legales, quæ alibi ortæ, propter æquitatis judicium palatium adgrediebantur, justè ac rationabiliter determinaret, seu perverse judicata ad æquitatis tramitem reducere.*

ceret. Conf. cap. 82. jam adductum (§. XXXV). Reges vero haud raro interfuisse Judicio illi aulico, liquet ex principio adducti Capitularis: *Hoc Missi nostri notum faciant Comitibus & populo, quod nos in omni hebdomada unum diem ad causas audiendas & judicandas sedere volumus.*

## §. XXXVIII.

*Regum institutum.*

Justitiæ quoque conservandæ ratio inprimis fuit, quod provincias suas toties proficiscendo peragrarent Reges, ut nimirum sic eo melius ipsi perciperent eorum clamores, quos Judicum oppresserat vel negligentia, vel perfidia. *Annales Pythoeani* ad A. 852. ita de Ludovico Germanico: *Profectus est in Saxoniam ob eorum vel maxime causas judicandas, qui à pravis & subdolis Judicibus neglecti, & multis modis, ut dicunt, legis suæ dilationibus decepti graves atque diuturnas patiebantur injurias.*

## §. XXXIX.

*De evocationibus apud Germanos.*

Ceterum neque in Francorum civita-

te licuit in causis civilibus, nisi adpellatum fuerit, evocare reos (§. XXXI.) Atque hoc clarum efficitur ex jam citato Cap. 82. (§. XXXV.) Idem liquet & Capit. Ludovici Pii Recess. Comit. Aquisgr. 71. quod itidem jam allegavimus (§. XXX.) Jungam Cap. 6. ex Pipini Regis Capit. Comit Metens. apud Goldastum: Ut omnes justitiam faciant, tam publici, quam Ecclesiastici, & si quis homo ad palatium venerit pro causa sua, & ante ad illum Comitem non innotuerit in mallo ante Racemburgos, & causa sua ante ipsum Comitem fuit, ante Racemburgos hoc sustinere noluerit, quod ipsi ei legitime judicaverint, si pro ipsis causis ad palatium venerit, vapuletur, & si major persona fuerit, Regis arbitrium erit. In causis fractæ pacis publicæ aliud obtinuit, quod commemorare tamen hujus loci non est.

#### §. XL.

#### *Quid Rege præsentē obtinuerit.*

Aliud tamen obtinuit Rege in provincia quadam præsentē. Tunc enim omnia judicia vacabant, atque ipse Rex invocatus etiam primo loco contentiones

nes disceptantium componere solebat. *Jus Provinc. Sax. L. III. Art. 69. ait: In quacunq[ue] civitate Imperii Rex deven-  
erit, ibi Telonia ei vacabunt & mo-  
netæ. Et in omni territorio, quo se  
transfert, sibi judicia vacant, ut possit co-  
gnoscere de omni causa in judicio non in-  
cepta, nec determinata. Et in adventu  
Principis omnes detenti ad faciendam  
cum eis justitiam sunt Regi præstandi.*

### §. XLI.

*Quid circa evocationes in Saxonia  
obtinuerit.*

Ac de Saxonia quidem memorat Au-  
ctor *Juris Provincialis Saxonie L. I. Art.  
12. etiam in adpellationum causis evo-  
cari non potuisse Saxones ad Regem  
ipsum extra Saxoniam commorantem.*  
Ita ait cit. *Art. 12. Wann sie dann den  
König erst erfahren binnen Sächsischer  
Art, so sollen sie zu des Königs Hof zie-  
hen. Quod quidem Carolo M. regnan-  
te nondum in Saxonia obtinuisse vide-  
tur, sed vel ab Ottonibus iis impertitum,  
vel sub Henrico V. demum invaluisse  
crediderim, sub quo Saxones separa-  
tam Remp. instituere, animo volvebant.*

## §. XLII.

*Ducum in Comites inspectio.*

Quamvis vero à Comitum sententiis ad Mislos Regios Comitemve Palatii adpellatum esse, ante monuerim, ( §. XXXVI. XXXVII. ) nolim tamen propterea negare, Duces, quibus cura incubuit, ne quid in eorum provincia resp. detrimenti caperet, in universo Ducatu suo cum in alios Regis ministros, tum in Comites etiam inspectionis quoddam jus habuisse, quo hi justitiam populo administrarent incorruptam, sive, uti vocabant, indilatam. Unde procul dubio est, quod *Adelboldus* in Vita *Henrici II.* Cap. XIX. p. 435. *Hermannum Sueviæ & Theodoricum Lotharingiæ Duces*, ait, *defensores & coadjutores legum* esse debuisse. Quorsum quoque pertinet fortassis, quod de *Erpone Duce* in pago *Ultrajurano* *Fredegarius scholasticus* c. 43. notante *spenero*, ait, *eum justitiæ pacisque servandæ studiosissimum fuisse*, nisi potius *Dux* hoc loco designat *Comitem*. Eo enim tempore, quo *Fredegarius* vixit, *Ducis* *Comitis*que vocabula sæpius eodem fere sensu accipiebantur, uti docet *Estor de Ministerialibus*.

§. 43.

## §. XLIII.

*De Appellationibus ad Comitia.*

Neque tamen illud prætermittendum est, quod *Hermannus Conringius* in *Diff. de Negot. Convent. imp.* ex *Annalibus Fuldensibus* observat, adpellationes à Comitum judiciis Carolidarum tempore etiam ad Comitia interpositas fuisse.

## §. XLIV.

*Adpellationum Antiqua ratio.*

Ea vero antiquis illis temporibus adpellandi ratio fuit, ut, si Procurator vel litigator sententia à scabinis Comitum adfessoribus lata neque adquiescere, neque ad Regem adpellare voluerit, carceris tam diu custodia detentus sit, donec alterutrum elegerit. Quod si tum provocaverit ad Regem, cum literis Scabinorum accedendum ei ad Palatium fuit. Id sanxit *Cap. L. c. 7. Saxonum moribus* obtinuit, ut sententia lata, interrogarentur litigantes, an eam comprobarent. Quod si tum alteruter nollet, statim ei contradicere oportuit, aliter non licuit postea ad alium Judicem adpellare. Ita *Jus Provinc, Sax. L. II.*

H 5

Art.



*Art. 6. Siquis - a sententia, quam audiverit, non adpellaverit, postmodum ei contradicendi & adpellandi facultas denegatur.* Adpellatione tum ad Regem interposita Judex nuntios quosdam misit ad aulam Regiam, qui eum certiores facerent, quis causâ vicerit coram Rege. *Conf. Jus Prov. Sax. L. II. Art. 12.*

### §. XLV.

*Pœna adpellantium si succubuerint.*

Neque id tamen omittendum est, eum, qui â justa Judicis sententia ad Regem adpellavit, pœnam quandam subiisse. Atque illud jam *Lege salica Tit. LX. l. 2.* cautum est: *Si vero Rachinburgii illi legem dixerint, & ille, contra quem dixerunt, eis contradicat & hoc sustinere noluerit: Eos enim contra legem judicasse sibi putat; & id comprobare non poterit, unicuique de septem Rachinburgiis DC denar., qui faciunt solid. XV solvat.* Eadem lege *Ripuariorum LV.* pœna statuta esse invenitur. *Cap. 6. ex Pipini Regis Capit. Comit. Metens. - ante Racemburgos hoc sustinere noluerit, quod ipsi ei legitime judicaverint, si pro ipsis causis ad*  
*pa-*

palatium venerit, vapuletur .. Et si reclamaverit, quod legem ei non iudicassent, tunc licentiam habeat, ad palatium venire pro ipsa causa: & si ipsos convincere potuerit, quod legem ei non iudicassent, secundum leges contra ipsum emendare faciant: Et si Comes & Racemburgi ei convincere potuerint, quod legem ei iudicassent, & ipse hoc recipere noluerit, hoc contra ipsos emendare faciat. Notes, vocem emendare hoc loco significare pœnam quandam pecuniariam, nostro sermone das Gewette, quam adpellantes, si succubuerint, Scabinis, hi vero, si ii vicerint, adpellantibus dare cogeantur. Atque idem sequenti ævo adhuc usitatum fuisse, liquet ex Jur. Prov. sax. L. II. Art. 12. Adpellans si sententiam non obtinuerit, Iudici mulctam dabit & pronuntianti (Scabino) emendam (certam pecuniæ summam), iudici etiam in expensis damnabitur, quas cum nuntiis (conf. §. XLIV.) expendit. Idem dispositum est in Weichbildo Magdeb. Art. 13. Causa cecidisse frivole adpellantem insuperque gravi pœna adfectum fuisse, tradit Herm. Conringius in Diss. de Negot. Convent Imp. § XXVI. §. 46.

## §. XLVI.

*Pœna Judicis inique Judicantis.*

Judicem autem iniquam sententiam ferentem pecuniaria pœna adfectum & damnum ei, qui sic læsus fuerat, interdum etiam duplum restituere coactum, imo sæpius propterea ab officio remotum esse, idem Conringius in citata Dissertatione commemorat. Conferas hoc quoque loco citatum Capit. 6. Pipini Regis (§. 40.) & quæ ibi notavimus. Atque idem quoque *Lege Salica* jam cautum videtur *Tit. LX. L. I. Si vero Racinburgii non secundum Legem judicaverunt Salicam, his contra quos sententiam dederunt, solidos XV solvant. Quæ pœna Ripuariorum quoq; lege Tit. LV. obtinuit.*

## §. XLVII.

*Adpellationum olim raritas.*

Simplicitas tandem legum consuetudinumque Germanicarum & ignorantia Romani juris id effecit proculdubio, ut iis temporibus rariores essent adpellationes, rariores etiam contentiones in judiciis. Accessit, quod pœna in e-

OS

os, qui cum adpellassent, causa non vincerent, constituta esset (§. XLV.)

### §. XLVIII.

*Ducum juris dicundi potestas, & an ab iis adpellatum.*

Quanquam igitur in universo Francorum regno per Comites administrata fuit justitia, uti exposuimus, (§. XXXII.) Duces tamen in feudis iis, quæ propter munus & dignitatem suam tenebant, de quibus Rex quoque concedere iis regalia jura solitus erat, Jurisdictionem etiam per Judices à se constitutos procul dubio exercuere, nec Regis nomine, uti quidem Comites (§. XXXII.) sed suo. Hinc *Jus Prov. Sax. L. III. Art. 65. Der Marggraf dinget bey sein selbst hulden.* Conf. *Thomasii Diss. de Jctionis & Magistr. Differ. secundum mores Germ. §. LIV. & XCI.* Idem sane adfirmandum etiam de iis feudis, quæ Duces tanquam Advocati Ecclesiarum & monasteriorum tenere, quæ Saxoniae inprimis Ducis opes potentiamque maxime amplificaverunt, itemque de Advocatiis ipsis. Pertinet huc *Conradi Urspergensis* locus pag. 211.

*Quo*

*Quo facto venit ad Imperatorem Lotharium socerum suum* (Henricus Magnus Welfus) *apud civitatem Nuremberg, & ibi Ducatum Saxonie & omnia beneficia, quæ Imperator ab Episcopis & Abbatibus habuit, in beneficio suscepit.* Neque vero dubium est, quin etiam â Ducum judiciis ad Regem, tanquam supremum Judicem adpellare licuerit. Adfuit enim superior Judex, adfuit Rex, ejusque supremum aulæ Judicium (§. XXXVII.) superiore vero Judice existente adpellationes quoque locum habebunt, si regulam communem spectes. (§. IX. XII.) Quamvis non negarim, præsertim quod ad media, quæ vocant, tempora pertinet, me nescire Auctoris cujusdam testimonium. Quem enim *Spenerus* in Jure Publico suo citat *Adelboldi* locum, is non ad adpellationes, sed potius ad querelas propter justitiam denegatam pertinet. Adjiciendum demum illud quoque est, Duces plurima sæpius in provincia sua allodia possedisse, uti exploratum illud est de Saxonie Ducibus Bilungis, quorum in reliquis allodium fuit, quod notissimum, *Castrum Luneburg*, quod postea cum  
Brunf-



Brunsviga urbe in allodiis Welforum Saxoniae Ducum fuit mansitque, quamvis inique proscripto Henrico Leone reliqua ejus allodia, quæ in Saxonia & Bavaria possederat, sanequam multa, indignum in modum erepta ei fuerint. Dubium vero non est, quin in his non tantum patrimonialia exercerent judicia, uti *Spenerus* jam observat in *Jur. Publ. L. II. C. X.* verum etiam bannum sanguinis, utpote quod acceperant ex regia manu connexum cum ipsorum dignitate, quamvis non Regis, uti jam dictum, sed suo nomine exercerent. De quo banno sanguinis multa egregie adnotavit *Gundlingius in Diss. de feudis vexilli.* At vero bannum istud sanguinis ad crimina tantum vindicanda pertinuit. Idcirco cum allodia ipsa, & Jurisdictionem patrimonialem non ab Imperio tenerent, sed suo jure, veri quidem haud absimile est, provocationes in causis civilibus, quod ad allodia ista pertinet, admissas haud fuisse. An vero in criminalibus permissæ fuerint appellationes, nondum quidem neque adfirmari, neque negari potest. Docebimus tamen infra, in criminalibus cau-



causis plane non admissas fuisse adpellationes. Postea id quidem in civilibus causis fortassis invaluit secus, cum feudis commiscerentur allodia, atque simul cum iis connexa â Rege clientelari vinculo acciperentur.

§. XLIX.

*De Comitibus Ducum provincialibus.*

Constat præterea, Duces habuisse Comitatus sua provincialia, in quibus omnibus ejus provinciæ Comitibus comparandum fuerit. Cum igitur Ducibus inspiciendi jus fuerit, an Comites justitiam probe administrarent, (§. XLII.) facile concedo, querelam de justitia denegata vel protracta (§. XXVIII.) coram Ducibus in Comitibus adversum Comites institutam esse, si justitiam cui forte denegaverint. In iis comitiis Dux Judicem, reliqui Principes Comitesque ejus provinciæ Scabinos repræsentabant. *Lex Alam Tit. XXIV. Si quis homo in mortem Ducis consiliatus fuerit, aut vitam perdat, aut redimat se, sicut Dux & Principes populi judicaverint.* Atque in iis comitiis coram Duce conveniendi fuerunt Nobiles Domini aliique, qui ex regia manu bannum sanguinis acceperant,

rant, nec Comitum Jurisdictioni sube-  
rant *Lex Alam XXXVI. VI. Et si est  
talis persona, quam Comes in Placito, vel  
Centenarius, vel Missus Comitum distrin-  
gere non potest, tunc eam dux legitime  
distringat.*

§. L.

*Adpellationum a Ducibus raritas.*

Illud tamen quoque existimaverim,  
cum omnes apud Germanos adpellati-  
ones fuisse raras, (§. XLVII.) tum in-  
primis eas, quæ fierent à Ducum Judi-  
ciis. Adplicabo hic, quæ *Dnus Hugo  
de abusu adpell. P. I. C. XI. §. 3.* De  
Præ tore Romano scribit: *Hæc igitur  
tanti imperii majestas consistere non po-  
tuisset, si adpellationum libertas frequen-  
tia, quæ postmodum (etiam apud Ger-  
manos) inolevit, in usu fuisset.*

§. LI.

*De Palatinis tribus in Germania.*

Excutiendum nunc est paulo curati-  
us, quæ provocationum ratio fuerit ul-  
timis Carolingis Ottonibusque regnan-  
tibus. Nimirum Ludovico Germani-  
co extincto, regnum ejus in tria sepa-  
rata divisum regna totidem ipsius filiis  
obvenit, Carolomanno in Bajoaria, Lu-  
do-

dovico Juniore in Saxonia & Thuringia, Carolo, quem Craſſum nominant, regnante in Suevia. Quicum eſſent Reges Francorum & more Francico imperium adminiſtrarent, haberetque palatium quiſque ſuum, ſine dubio etiam cuique fuit Palatii Comes, qui in Judiciſſio Aulico ſupremo ſingulorum Regum eſſet Judex. Conf. §. XXXVII. Hinc eo tempore tres Comites Palatini exſiſterunt in Germania, unus in Bavaria, in Saxonia Thuringiaque alter, poſtremus in Suevia. Ac quoniam lites per provocationem ad Regem delatas deciſione ſua compoſuit Comes Palatii, uti ſupra ex Hincmaro Rhemenſi demonſtratum dedimus, (§. XXXVII.) dubium non eſt, quin hi etiam Palatii Comites ſaltim durantibus iis tribus regnis de cauſis ad aulam regiam adpellando perductis in judiciſſio aulico judicaverint.

§. LII.

*Archi Palatinus reſtitutus.*

Poſteaquam Henricus Auceps Lotharingicum regnum à Carolo Simplici recuperaverat, iſque Aquisgranum, quæ jam regnante Carolo M. Archiſolium Regni Francorum fuerat, uti id evictum

in

in *Gundling*. P. XVIII. *Dis.* II. denuo ad id splendoris evexerat, misit is Eberhardum Conradi præmortui Regis sine dubio fratrem, ut in Palatio Aquensi Comes jus diceret. Ita enim *Frodoardus* ad A. lCCCCXXVI. ait. *Eberhardus transrhenensis in regnum Lotharii mittitur ab Henrico justitiam faciendo causa, & Lotharienses inter se pace consociat.* Quod sane equidem admirationem haud incurrit, cum Henricus ejusque posterì Francico more regnare instituissent; quod clarius exposuit Jll. *Gundlingius* in *Diss. de Henrico Aucupe.* §. LIII.

*De Palatinis provincialibus.*

Enimvero servavit quoque Henricus ejusque successores Comites palatinos, qui jam aderant in Suevia, Bavaria & Saxonia, (§. LI.) retenti procul dubio etiam ab Arnulfo ejusque successoribus & sic transmissi ad Henricum, præsertim cum feuda, quæ eorum dignitati sustinendæ inservirent, jam adessent. Frequens enim eorum Comitum Palatinorum sub Ottonibus atque etiam subsecutis Regibus mentio fit apud cœvos scriptores. Neque in more tum fuit

Francorum Regibus, abolere dignitates semel constitutas, inprimis cum Proceres jam iis temporibus haud quidem parum ad summam rerum ejusque generis mutationes concurrerent. Verisimillimum igitur est, eam Palatinorum horum Comitum originem esse, qualem proposuimus, secuti ea in re Gundlingium, summum Virum, & totius rei literariæ malo jam nobis ereptum fati, qui in *Gundling. P. XXI. Diff. I. §. 12. 13.* Eandem horum originem adfirmat. Quin verisimillimum etiam fit, Comites hosce Palatinos continuasse antiquum in iis regnis, sive jam provinciis, munus judicandi, adpellationesque à Comitum sententiis interpositas discutiendi, atque ita in Missorum Regiorum, eorum scilicet, qui ordinarie in eum finem delegati fuerunt & quorum munus supra descripsimus (§. XXXV,) locum singulos in sua provincia successisse. Nam etsi adfirmare haud quidem sustineam, Missos Regios plane Ottonum tempore desisse, quod nonnulli satis perperam sibi persuaferunt, mihi tamen verisimillimum videtur, eos in Germania, quæ à Lotharingico regno se-

separata est, tantum delegatos postea esse, si extra ordinem controversia aliqua componenda esset, maxime si inter Status Imperii lis & contentio quædam ferveret, qui quidem mos hodieque superest, ut delegentur Commisarii, quos vocant, ad ejusmodi controversias amice componendas. Atque ita explicanda puto loca, quæ apud *Spenerum* Jure Publ. L. II. C. X. ex Chronico Laurisheimensi & Tölneri historia Palatina in medium adferuntur, & quæ *Gundlingius* citat in Diff. de feud. vex. §. 23. de Günthero Schwarzenburgico, Ludovici Bavari Imperatoris Misso in causa Pomeraniæ ac Marchiæ Brandenburgensis. In Italia & Lotharingia ordinarios etiam Missos Regios non desuisse, infra clarius docebimus. (§. LIV. LV.) Unde quod de Ottone Morena adducit *Spenerus* citato loco ex ejusdem Auctoris Rebus Laudensibus, sententiam nostram vix infirmat, cum Otto de Morena in Italia fuerit, nobis vero tantum de Germania sermo sit.

## §. LIV.

*Missi in Lotharingia manserunt.*

Quoniam vero ea, quæ de Comitibus



bus Palatinis provincialibus in locum  
 Missorum Regionum, iis in provinciis,  
 substitutis adfirmavimus, (§. LIII.) Ger-  
 maniam tantum spectant, in regno Lo-  
 thariensi etiam desuisse Missos eos judi-  
 candi potestate instructos, non adfir-  
 mabo, quos ibi adhuc, Friderico II. re-  
 gnante, usitados fuisse, liquet ex privi-  
 legiis, quæ idem Imperator dedit. Prin-  
 cipibus Ecclesiasticis apud *Gelenium L.*  
*III. Hist. S. Engelberti*, qui â Dno de  
 Ludwig in Comment. ad A. B. Tit. XI.  
 §. I. not. i. citatur, quibus cautum, ut  
*Missi* & Judices Cæsarei ne judicent in  
 civitatibus eorundem, nisi octo dies an-  
 te & post ibidem habitam Curiam Im-  
 perialem.

## §. LV.

*Missi manserunt in Italia.*

In Italia, Regno Germaniæ firmiter  
 conjuncta ab Ottone M. obtinuit quo-  
 que adhuc, quod jam quodammodo  
 prælibavimus, (§. LIII.) antiqua ratio  
 delegandi Missos, qui iniquas Judicum  
 sententias corrigerent. Citabo eum in  
 finem Constitutionem Ottonis I. & II.  
 de Regalibus B. Petro concessis, quæ  
 est apud *Goldastum T. II. Const. Imp. p.*

45. *Ut Missi Domni Apostolici seu nostri semper sint constituti, qui annuatim nobis vel filio nostro renuntiare valeant, qualiter singuli Duces ac Iudices populo iustitiam faciant. Hinc Imperialem constitutionem quomodo observent qui Missi, decernimus, ut primum cunctos clamores, qui per negligentiam Ducum seu Iudicum fuerint inventi, ad notitiam Domni Apostolici referant. Et ipse unum è duobus eligat, aut statim per eosdem Missos fiant ipsæ necessitates emendatæ, aut Misso nostro nobis renuntiante, per nostros Missos a nobis directos emendentur. Atque ea Missos delegandi ratio usu viguit in Italia etiam Conrado Salico regnante. Id enim testatum faciunt verba Diplomatis Conradi Salici, quod falso à nonnullis Conrado III tribuitur, apud Goldastum T. III. Const. Imp. p. 327. De minoribus (Valvasoribus) vero in regno nostro aut ante seniores, aut ante Missum nostrum eorum causa finiatur. Quin eos Missos Friderico I. etiam regnante, adhuc in Italia fuisse, patet ex pactis Imperatoris hujus cum Mediolanensibus initis, quæ sunt apud Goldastum T. I. Const. Imp. p. 270. Legati ve-*

*ro Domini Imperatoris in Italiam directi si civitatem adierint, in Palatio sedeant & Placita ad eos delata ad honorem Imperii diffiniant.* Atque ad hoc probandum etiam pertinet, quod Spenerus, uti diximus, (§ LIII.) de Ottone Morena in medium profert, quem Friderici I. temporibus vixisse constat.

§. LVI.

*Quatuor in Germania Comites Palatini.*

Sed jam redeamus ad Comites nostros Palatinos, Quorum sic quatuor in regno Francorum orientalium exstiterunt, si tribus Palatinis provincialibus, quos commemoravimus, (§. LIII.) jungas Palatinum in Archisolio Regni. Hinc est, quod Auctor speculi Saxonic*i Jur. Prov. L. III. Art. 53. ait.* Jegliche deutsche lande hatten ihre eigene Pfalz Grafen: Sachsen, Beyer, Francken und Schwaben waren alle Königreich. Ubi notandum, quod Ill. Gundlingius animadvertit in Gundling. P. 21 diff. I. §. 12. vocem Francken hic non denotare Franconiam, sed eam Franciam, quæ est mater & caput regni Francorum Orientalium, cui accesserunt reliquæ provin-

vinciæ, Germanicam, Ripuariam & Medianam.

§. LVII.

*De appellationibus ad Palatinos  
provinciales.*

Cum igitur consentaneum maxime sit, Comites Palatinos, qui in tribus Germaniæ provinciis exstiterunt, singulos in sua provincia Missorum veterum munus obeundum suscepisse (§ LIII) cumque amplius certum sit, ad eos olim à Comitum sententiis adpellatum fuisse (§ XXXV. XXXVI.) itidem sane ad Comites Palatinos provinciales à Judicibus cujusque provinciæ provocatum fuisse, admodum est probabile. Atque hic quidem notatu dignus est locus *Aventini Ann. Boj. L. IV. C. 23. Comes Palatinus in Bavaria - - fidem Imperatoris implorantibus aderat jusque reddebat.* Quinimo consentiunt omnes, ipso etiam *Dno de Ludwig in Comm. A. B. Tit. V. § I. p. 524.* adfirmante, à Judiciis etiam Ducum provincialibus aulicisque ad Comites Palatinos adpellatum fuisse, id quod etiam *Aventini* testimonium adfirmare videtur.

## §. LVIII.

*De Palatinorum provincialium  
dignitate.*

Ecquis vero jam dubitet, Comites hosce Palatinos etiam Principum loco habitos esse, qui tantam eorum dignitatem adspexerit, quamvis forte in Diplommatibus, quod *Dnus de Ludwig* objecit, nonnunquam post Comites subscripserint. In ea enim, quæ in Diplommatibus vetustis obvenit, subscriptione dignitatis non semper ordinem servatum esse ex compluribus documentis constat. Sic ut exempla adducam, in Friderici I Imp. Confirmatione Pacis cum Alexandro Papa factæ apud *Goldsast T. III. Const. Imp.* p. 358. Comes Hollandiæ subscripsit ante Marchionem de Lusicz; at Marchiones nunquam non Principum loco habitos fuisse, constat. In ejusdem Imperatoris Decretis Comitiorum Roncaliensium, quæ sunt in *Goldsasti Constit. Imp.* T. III. p. 334. Dux Teccensis & Marchio Moraviæ post omnes Comites recensentur. Adsunt vero etiam Diplomata, quibus Comites Palatini provinciales priores omnibus Comitibus subscripserunt. Hac ratione

ne

ne in Diplomate Friderici I Henrico Austriaco dato Comes Palatinus Bavariæ statim post Comitem Palatinum de Rhe-no subscripsit, omnibus Comitibus prior, Ac ut dubitationem tandem omnem removeam, adducam verba quædam ex Diplomate Friderici II. Imperatoris an. 1242. dato, quod à *Paulini* in *Hist. Isenac.* §. 56. p. 48. & à *Schurtz-fleischio* in notis ad Michaelis Bojemi Vitam Alberti Animosi Ducis Saxonie in lucem prolatum est, quæ quidem ita se habent: *Tibi post mortem Avunculi tui Henrici Landgravii Thuringie duos Principatus suos, videlicet Landgraviam Thuringie, & Comitiam Palatii Saxonie*  
 - - *jure contulimus feudali.*

### §. LIX.

#### *De adpellationibus ad Archi-Palatinum.*

Sed quoniam à Missorum sententiis ad Regem, seu potius ad Judicium aulae supremum, in quo Comes Palatii jus dixit, (§. XXXVII.) adpellare omnibus fuit permissum, sine dubio etiam provocare licuit amplius à trium Comitum Palatinorum provincialium sententiis iniquis & contra leges latis ad Regem, seu



seu ejus nomine supremo loco jus dicentem Judicem. Atque ita dubium non est, quin à Palatinis Bavariæ, Sueviæ & Saxoniae adpellatum fuerit ad summum Regni Palatinum, qui reliquos omnes dignitate longe antecessit, & supremo loco jus Regis nomine dixit (§. XXXVII. LII.)

### §. LX.

#### *Quas causas ad Regem retulerint.*

De causis magni momenti, quasve componere non poterant, ad Regem retulisse Missos, quo is, vel ejus supremus Judex eas decisione sua perimeret, itidem demonstravimus. (§. XXXV.) Quamobrem de tribus Comitibus Palatinis provincialibus, in Missorum locum subrogatis, idem dicendum esse, quis dubitet?

### §. LXI.

#### *De Ottonum tempore.*

Ottones cum eadem ratione administraverint imperium omnes, uti quidem Henricus Auceps & Carolingi, eadem quoque sine ulla dubitatione, regnantibus iis, mansit adpellandi ratio, quam hucusque exposuimus, quamvis forsitan adpellationes generatim in Germania

ra-

rariores esse, existimaverim, ob ea, quæ jam exposui. (§. XLVII.)

§. LXII.

*De Judicio Magdeburgico.*

Quod inprimis attinet ad Saxoniam, *Weichbildum Magdeburgicum Art. XII.* commemorat, Ottonem Rufum instituisse Magdeburgi in fine Ecclesiæ Cathedralis palatium, quo adpellandum esset à Judicio Magdeburgico, ne Saxones in iis causis Regem longius sequi cogerentur. Sed quamvis Ottones eximie Saxonibus suis favisse, constet, urbsque Magdeburgum eo tempore caput totius Saxonix fuerit, sedesque Ducum ex Bilunga gente, neq; tamen verba Weichbildi Mageburgici seculo XII. forsan compilati de tam antiqua re testantis nobis fidem faciunt. Adest quidem in *Goldasti Constit. Imp.* T. I. p. 215. Diploma quoddam Ottonis M. quod de locatione & privilegio Camerae Imperialis Magdeburgensis inscribitur. Sed ut taceam, hoc Diploma à sagacissimis viris jam dudum sublestæ fidei habitum esse, nihil quoque eadem charta de Judicio isto continetur. Aliud quidem Ottonis II. Rufi in ejusdem auctoris T. I. *Const.*

*Im-*

*Imperial.* Diploma de eo Judicio adest. Verrum ne id quidem à suspicionis alienum videtur. At quamvis ea in re non plane fidem nobis faciat Jus Civitatis Magdeburgensis, nihilo tamen secius id à vero non alienum putamus, sed potius veri haud dissimile. Atque sic propius accedit vero conjectura, quam supra adduxi de speciali quodam Saxonum jure. (§. XLI.)

## §. LXIII.

*De Conradi II. temporibus.*

Sub Conrado Salico mansit eadem rerum conditio, si removeris illud, quod eo tempore saltem in Italia rebusque feudalibus invaluit, ut de minoribus & sic quoque Valvasinorum causis ad Regem appellare non liceret, sed potius ejus generis lites in eo ipso regno ad finem perducerentur. Conferas hujus Imperatoris constitutionem de *beneficiis & terris tributariis* apud Goldastum T. III. *Const. Imp.* p. 327. cujus verba sunt: Si contentio emerſerit inter Seniores & Militem, quamvis Pares adjudicaverint, illum suo beneficio carere debere, & ille dixerit, hoc injuste vel odio factum esse, ipse suum beneficium teneat, donec Senior



Et ille, quem culpat, cum Paribus ad nostram præsentiam veniant, Et ibi causa juste determinetur. - - Hoc autem de majoribus Valvasoribus observetur. De minoribus vero in Regno nostro, aut ante Seniores, aut ante Missum nostrum eorum causa finiatur. Quod an in Germania quoque eo tempore obtinuerit, incertum est.

#### §. LXIV.

##### *De Henricorum tempore.*

Henricis atque inprimis ejus nominis quarto, regnantibus, inciderunt infau-  
stissima tempora, quibus omne jus manu armisque quærebat. Miseranda tunc in Germania judiciorum fuit facies, nec multus sane adpellationum usus, præsertim ad Regem, cum ob terrorem fulminis in eum vibrati à Pontifice quam plurimi ejus clientium auctoritatem ipsius negligerent, resque inprimis tot adversus eum electis Regibus in summam conjecta esset perturbationem.

#### §. LXV.

##### *De adpellationum statu in Saxonia sub Henrico V.*

Cujus filio Henrico V. regnante accidit, ut Imperatoris copiæ à Lothario Sa-

Saxonum Duce ad Gerbstadium in sylva catulana ad internecionem usque profligarentur. Quo facto Saxones, *suppressa*, ut *Conradus Urspergensis* ait, *Imperatoris persona*, separatam à reliquis Francorum populis rempublicam stimulante Pontificis legato, instituere, mente agitarunt, omnesque Marchiones, Principes, Comites & Barones Saxoniae sub Ducis Lotharii imperium concesserunt. Fuit tunc temporis Fridericus ex gente Comitum de Sumer-scheburg Palatinus in Saxonia Comes, quem quidem cum Imperatore tum stetit, in *Gundling. P. XXI. Diff. I. §. 14.* ex *Conrado Urspergensi* traditur. At eadem quoque procul dubio causa fuit, quod Lotharius Dux Diterico Rochlicensi, uti *Fabricius & Albinus* fide *Chronic. Vet. Cell.* atque ex his *Gribnerus* in *Differt. de Palatin. Sax.* referunt, Palatinatum Saxoniae contulerit. Quod quanquam alii eum non fecisse putant, ut Saxonia Ducem, suave potestate, sed vicaria à Rege accepta, veri tamen id neutiquam videtur simile. Vix enim facturus fuisset Imperator, ut Fridericum, qui cum ipso fecerat, eo Palatinatu

tu privaret, vel etiam ejus posteros. Taceo, eos, qui Principum loco habiti sunt, omnes ab ipso Rege investiendos semper fuisse, atque sic etiam Comites Palatinos, quos Principum in ordine habitos esse, supra (§. LVIII.) exposui. Quocirca cum jam Palatinus quoque in Saxonia Comes Lothario Duci subiectus esset, procul dubio etiam ab eo adpellatum fuit ad Ducem, neque amplius fortassis ad Regem, cujus Præsertim tam exigua tunc in Saxonia auctoritas fuit. Quamvis etiam postea forsitan receperint Palatinum illum Comites de fumerischeburg (id enim propterea credibile est, quia extincta ea gente sub Frederico Barbarossa & Henrico Leone de Palatinatu Saxoniae lis agitabatur), tamen cum reliqui Princeps & Barones tum subiecti essent Duci Saxoniae, sine ulla quidem dubitatione ii quoque subiecti eidem fuerunt. At ex adducto *Conradi Urspergensis* testimonio non minus illud quidem liquet, ad Regem adpellationes eo quidem tempore, quo Imperatoris personam suppressere cupiebant Saxones, vix amplius ad Imperatorem à Saxonia factas fuisse.



## §. LXVI.

*Continuatur.*

Accidit quidem postea, ut cum Henrico V. Imperatore in gratiam redirent Saxones, pactione Herbipoli composita, uti *Conradu Urspergensis* exponit, qua jura fisci restituta Regi fuere. At mansit quoque propria Lothario Duci à Saxonibus jam antea tradita potestas in ea provincia, qua nullus Germaniæ Ducum tum gavisus est pari; manserunt ei subjecti addictique Saxoniae proceres eumque uti dominum suum veriti sunt. Unde sine ulla quidem dubitatione post eam quoque pactionem initam à Comitum, & Baronum Saxoniae judiciis, imprimis vero à Comite Palatino adpellatum est ad Ducem. Quin nec à Duce quidem ad Regem postea adpellatum esse, is concedet facillime, qui, quanta veneratione Lotharium Ducem suum profecuti fuerint omnes Saxones, secum perpendet. Quod si jam tum quoque id juris in Saxonia obtinuerit, de quo supra diximus (§ XLI), ut ne adpellatio coram Rege introduci possit, nisi cum is aliquando in terra Saxonica prehenderetur, inde quoque elucere pos-

posset, iis temporibus minime provocatum fuisse ad Regem, quoniam Henricus neque post eam pactionem in Saxoniam venire ausus est.

§. LXVII.

*Adpellationum in Saxonia sub Henricis Welfis status.*

Ac Lotharius quidem, Henrico V. mortuo, condecoratus regio diademate tradidit Saxoniae Ducatum, eundem, quem tenuerat ipse, Henrico Magnifico Bavarorum Duci, qui cum eadem potestate illum ad Henricum Leonem filium suum transmisit. Ac si is quidem post ultimi Comitis Palatini Saxonici ex gente de Summerscheburg, è vita discessum investitus de hoc Palatinatu fuisset à Friderico I. an. 1164. uti *Spangenbergius* p. 306. tradit, sine dubio jam à Comitum Judiciis, nemine intercedente, proxime ad Ducem adpellatum fuisset (§. LVII.) At quæ *Spangenbergius* tradit, vel propterea aliena esse à veritate, in *Gundling*. P. XXI. Diff. I. §. 14. demonstratum est, quod familia Comitum de Summerscheburg demum an. 1178. extincta sit. Fulserunt ii Duces Henrici tanta potestate, tantoque imperio &

auctoritate, ut plane credibile non sit, præsertim cum adpellationes omnes Germanis olim rariores fuerint, (§. XLVII.) ab iis Ducibus ad Regem adpellari potuisse. Notatu quidem dignissimus est locus *Helmoldi Chron. Slav. L. I. C. LXXIII. n. 5.* de Henrico Leone verba facientis: *In hac terra (Saxonia) sola Ducis auctoritas attenditur.*

## §. LXVIII.

*Alia mutatio in Saxonia.*

Atque ea adpellationum forsitan conditio fuit in Saxonia usque ad Henricum Leonem Welfum. Quo proscripto à Friderico Ænobarbo iniquum in modum, Saxonix quidem ducatus obvenit Bernhardo Ascanio, Alberti Ursi filio, at nomine potius quam re. Pertinet huc, quod *Arnoldus Lubecensis L. III. C. I.* de Bernhardo dixit: *Unde nec ab Imperio juxta statum prioris est honoratus, nec à Principibus vel terræ Nobilibus est reputatus.* Cum enim Henricis Welfis & Lothario omnes Saxonix Comites, Principes & Barones paruissent, ii omnes jam Bernhardi Ducis imperio exempti fuere, & si Razeburgicum Suerinensemque removeris, nullus

lus ex Comitum numero in novi Ducis comitia provincialia venit. Reliqui omnes Cæsari & imperio subiecti sunt proxime, & quod notatu dignum, Palatinatus etiam Saxonicus non quidem Bernhardo, sed Thuringiæ Landgravis ab Imperatore collatus est. Qui cum saltim ante Lotharii tempora subiectus fuisset Archi-Palatino Regni, (§. LVII.) postea Ducibus (§. LXV.) jam majori forsitan splendore circumfusus est & supremum in Saxonia judicandi munus à Friderico I. accepit, quod verisimillima quidem ratione ostensum est in *Gundling. P. XXI. Diss. I.* Ex iis igitur, quæ jam adduxi, recte quidem illud primum efficitur, à Comitum & reliquorum Principum Saxoniae judiciis amplius appellari non potuisse ad Ducem Saxoniae, multominus a Comite Palatino. Tum illud quidem ex iis, quæ dixi, innotescit, cum non eadem auctoritas fuerit Bernardi ejusque successorum, non adesse eandem rationem, quare a Bernhardo quoque ejusque posteris non appellatum unquam esse ad Regem, adfirmes, nisi forte dixeris, quam rationem Ferdinandus I. in privilegii de non

adpellando, genti Saxonicae dati diplomate apud *Limnaeum Jur Publ. T. I. L. III. c. X.* adfert, ob speciale Saxonum jus legesque separatas adpellationes ad Regem usu minus viguisse. Sed si ita rationes subducas, illud quoque concesseris, a Marchionibus Comitibusque similiter ad Regem eo tempore plane amplius provocatum non esse. Jura enim Saxonica, quod certissimum est, olim per universam Saxoniam viguerunt. At hic te refellit *Speculator Saxonicus*, qui quod jam dixi, circa interregni tempora vixit, easque testatur, fieri potuisse, dummodo in terra Saxonica Rex deprehensus esset. Conferas hoc loco *Jus Prov. Sax. L. I. Art. XII.* Ibi enim traditur ex Marchia quadam vel Comitatu ad Regem adpellandi ratio. Illud tamen lubentissimus concesserim, si quae acciderunt in Saxonia adpellationes, eas fuisse rarissimas, quia, Rege demum in Saxoniam veniente, coram eo introduci potuerunt. (§ XLI.)

### §. LXIX.

*De Saxonia continuatur.*

Postea Landgraviis Thuringiae extinctis, Palatinatus quidem Saxonicus a Ru-

Rudolpho Hapsburgico genero ipsius Alberto II Duci Saxoniae ex gente Ascania collatus est. Quoniam igitur cum hoc Palatinatu jam tum supremum in Saxonia judicandi munus conjunctum fuit eodem modo, ac cum Palatinatu ad Rhenum, (§ LXVIII) major jam quidem ratio adest, cur postea a Ducum Saxoniae judiciis usitatas minus fuisse provocationes ad Regem arbitreris. Forsitan propterea usu invaluit, quod Elector Saxoniae adpellatus fuerit Protector Juris Saxonici. Palatinus enim supremus in Saxonia Judex fuit. Neque minus inde forsitan manavit illud, quod ad Electorem Saxoniae tanquam palatinum & Protectorem Juris Saxonici a reliquorum Saxoniae Principum Comitumque judiciis saepius adpellatum sit, quod quidem factum esse, habeo ex ore Viri cujusdam summi qui jam ex vita excessit. §.LXX.

*De Judicio Rotvilensi.*

Judicium aulae Caesareum Rotvilense a Conrado III institutum esse, multi quidem tradiderunt, probari vero certo non potest, at nobis veri haud dissimile videtur, quoniam non tantum

mulum addidit hisce privilegiis Imperator, dum expresse sanxit quoque, ne Imperium vel alius quispiam ea, quæ Dux constituisset, commutare ulla ratione possit. In diplomate enim Friderici I. Henrico Austriaco dato an. 1166. & a Friderico II. confirmato an. 1245. apud *Cuspinianum in Austria* p. 621. & *Limnæum P. V. Jur. Publ. C. II.* eum in modum se habent verba: *Præterea quicquid Dux Austriae in suis districtibus seu fecerit, vel statuerit, hoc Imperium, nec alia potentia modis seu viis quibuscunque debet alio quoque modo in posterum commutare.* Cum vero adpellationibus ad Cæsarem interpositis, ea, quæ Dux Austriae in suis regionibus statuit decrevitque commutari possent, efficitur inde, ut neque ab ejus sententiis per hoc privilegium adpellare ad Cæsarem vel Imperium amplius licuerit. Atque id privilegii confirmavit quoque Austriae Carolus IV an. 1366. & Sigismundus Imperator an. 1437. quæ diplomata sunt itidem apud *Limnæum P. V. Jur. publ. C. II.* Quin confirmavit corroboravitque denuo Carolus V Imperator idque ad omnes Austriacorum regiones extendit an.



an. 1530. cujus Diploma apud eundem auctorem citato jam loco reperitur.

§. LXXV.

*Conclusio inde ducitur.*

Liquet ex ea expressa & speciali concessione juris de non adpellando & speciali concessione juris hujus de non adpellando à Friderico I. Henrico Austriaco indulta, id juris tunc temporis vix competiisse Ducibus & Principibus ob muneris eorum majestatem. Opus enim sic non fuisset, id speciatim novo Duci indulgeri à Rege, sed suffecisset, generaliter omnia ei jura, quibus Duces eminent, largiri. Neque etiam fortassis in reliquis juribus & privilegiis, quæ Duci Austriaco præ reliquis Imperii Ducibus & Principibus competerent, relatum esset.

§. LXXVI.

*Privilegium Coloniensi datum.*

Eundem Imperatorem Fridericum I. mandasse etiam *Archi-Episcopo Coloniensi jus in adpellatione & vicem suam tam in Episcopatu, quam supra omnes suffraganeos sedis Coloniensis*, memorat *Gottfridus Monachus* ad Ao. 1187. *Tom. I. Freber.* atque ex eo *Hertius* in *Diff. de superiorit.*

*rit. territ.* §. 28. Sub hoc *jure in adpellatione* nescio quid aliud intelligendum sit, quam jus de non appellando, quod sequentia quoque verba *vicem suam* subnotare videntur, ut quemadmodum ab Imperatore ipso appellari amplius non possit, ita neque ab Archi-Episcopo vicem Imperatoris sustinente. Quod quidem ob mandati vocem, qua utitur Gottfridus, personale privilegium videri poterat. At eandem consuetudinem viguisse semper in eo Archi-Episcopatu Carolus IV. tradit in A. B. *Tit. VIII.* §. I. dummodo notes, sub alieno iudice comprehensum quoque semper fuisse ipsius regiae aulae iudicium, quod extra regionem quandam esset.

§. LXXVII.

*Status adpellationum in Italia sub  
Fridertco I.*

Quæ in Italia circa adpellationes ordinaverit idem Barbarossa, id docent *Decreta Comitiorum Roncaliensium* apud Goldastum T. III. *Const. Imp.* p. 334. Tum de litibus adpellationum componendis Imperator constituit, in singulis diæcesibus Iudices ordinarentur non ex ipsa diæcesi, ne gratia, aut odio corrumpetur iudici-

*dicium, sed aut ex hoc Conventu, aut ex aliis civitatibus editi, eisque summum de omnibus rebus statuendi arbitrium dedit.*

§. LXXVIII.

*De Privilegio Bohemico.*

Idem fortassis Imperator Fridericus Ænobarbus, cum eximie faveret Uladis-  
lao Bohemorum Duci, eique non tan-  
tum circulum aureum ferendum dedif-  
set, qui, *Cangio* notante, signum supe-  
rioritatis territorialis fuit, verum & e-  
undem creasset Regem, indulgisse illi  
quoque videtur privilegium, ut nemo,  
qui quidem ei subjectus esset, *ad cujus-*  
*cunque actoris instantiam, extra Regnum*  
*ipsum ad quodcunque tribunal, seu alte-*  
*rius, præterquam Regis Bohemiæ & Ju-*  
*dicum Regalis Curie sue judicium citari*  
*potuerit, sive trahi nec vocari debeat*  
*perpetuis inantea temporibus, sive possit.*  
Atque hoc forsitan ei confirmavit Phi-  
lippus Romanorum Rex, Friderici fili-  
us, utpote qui denuo Bohemorum Du-  
cem regio diademate redimivit, terras-  
que Bohemicas in regnum perpetuo  
stabilique Jure evexit. Quod ut existi-  
memus, permoti sumus non tantum  
pro-

propterea quod Carolus IV. Imperator in *Aurea Bulla Tit. VIII. §. I. per divos Romanorum Imperatores & Reges* hoc privilegium *Regibus progenitoribus & prædecessoribus suis regnoque Bohemæ* indultum esse adfirmet, verum etiam idcirco quod Elector quoque Moguntinus, qui reliquorum Electorum nomine privilegium hoc Bohemicum confirmavit, in charta illa, quæ est apud *Goldschastum*, idem tradit. Il vero, quos nominavi, Imperatores & Reges plane prope modum singulariter faverunt Bohemo. Unde ab iis quoque hoc privilegium profectum esse probabile est. Equidem *Dnus de Ludwig in Comment. ad A. B. Tit. VIII. §. I.* Carolum hæc ita tantum sine ratione adfirmasse putat, propterea quod nullum, qui id indulserit Regem, speciatim nominavisset, neque ullum ea de re Diploma Bohemicus quispiam scriptor in lucem proferre potuisset. Verum absit, ut ea adfirmare, quæ vero haud conveniunt, in maiestatem Imperatoriam cadere existimemus, præsertim cur nulla adsit ratio, quare id fecisse Carolus dicendus sit.

## §. LXXIX.

*Continuatur.*

Cum igitur ad aliena quoque judicia trahi & evocari diceretur quis, ad ipsum adpellationis Judicem si vocaretur in provocationum causis (§. XXX. XXXI.) ob eam ipsam causam Bohemo quoque de non adpellando privilegium simul datum est. Unde quoque ea consuetudo manavit, quam Carolus IV. in Bohemia à tempore, quod omnem memoriam excedat, obtinuisse testatur, ut à Bohemiæ Regibus judiciis nemo adpellaverit. Confirmavit postea id privilegii Carolus IV. non tantum in Aurea Bulla, verum & jam ante Auream Bullam promulgatam an. 1355. quod Diploma est in *Goldasti Reichs - Satzungen* P.I. an. 1355. §. 10. p. 152.

## §. LXXX.

*De Bavaria.*

De Bavariæ quidem Duce illud cognitum est, ei Ottone IV. regnante Palatinatum Bavaricum cefsisse. Unde fortassis efficeret, adpellationes à Comitum Bavaricorum sententiis jam ad Ducem directas esse, utpote qui in Palatini locum successerit, præsertim cum eidem  
Duci

Duci postea Friderico II. regnante Archi-Palatinatus quoque ad Rhenum obvenisset, nisi id quoque dubium moveret, quod circa interregni tempora Comites majorem se in libertatem vindicarunt. At nobis quidem hoc dubium non esse tanti momenti videtur, ut propterea semel introducta adpellandi libertas ad Comitem Palatinum desuisse existimanda sit. Quod si vero amplius quæris, an ab ipso Duce iis temporibus ad Regem adhuc adpellatum sit, ego omnino videndum duco, an eo tempore, de quo quæris, Archi-Palatinatus Regni conjunctus fuit cum Bavariæ Ducatu, an nondum, vel non amplius. Cum enim Archi-Palatinus supremus in Germania semper Judex fuerit (§. XXXVII.) haud facile existimaverim, ab eo jam ad Regem adpellari cœpisse. Quo si vero ea respicis tempora, cum à Bavariæ Ducatu jam disjunctus fuit Palatinatus ad Rhenum, ratio amplius non aderit, cur à Bavariæ Duce adpellatum ad Regem non fuisse, adfirmes.

§. LXXXI.

*Dutum judiciaria potestas aucta.*

Ac Duces quidem jam iis temporibus

L

cir-

circa interregnum judiciariam potestatem suam insigniter amplificaverant. Constat enim, eos tantum non plerisque extinctis provinciæ suæ Comitibus Regum indulgentia pactisve de succedendo cum ipsis Comitibus initis, eorum Comitatus obtinuisse.

§. LXXXII.

*Monitum.*

Ceterum cum inde ab Hehrici IV. temporibus superioritas Ducum & Principum territorialis quoque stabilita sensim fuerit, pactis præsertim cum provinciarum suarum civibus initis, quibus effectum est, ut ii cœperint esse Ducum Landsassii, facile crediderim, adpellationes à Ducum judiciis jam olim rariores nunc factas esse rarissimas.

§. LXXXIII.

*De Judice aulico.*

Friderico II. regnante mutatio quædam in supremo Imperii Judice contigit. Cum enim antea Comes Palatinus ad Rhenum supremus fuerit in regia aula Judex, adpellationes is quoque ad Regem ipsum directas discussit. (§. XXXVII.) At is vero, præsertim cum sub Friderico II. Bavarici quoque Ducatus



tus regimen ipsi incumberet litibus dirimendis amplius vacare nec potuit, nec fortassis voluit. Quapropter Fridericus separatam aulæ suæ judicem constituit, cui de omnibus judicandi potestas esset, exceptis Principibus viris, quando de ipsorum vita, jure, bonis hæreditariis, vel honore disceptaretur. Ea enim ab antiquissimis inde temporibus ipsius Regis & Principum sententia definienda fuerunt. Quæ quidem constitutio an. 1236. in Comitibus Imperii frequentissimis lata reperitur apud Goldastum P. II. Reichs-Satzungen p. 20. Verba ab aliis jam, citata ea sunt: Wir setzen auch daß des Reichs-Hoff habe ein Hoff-Richter, der ein Fenyherman sy der auch an dem Amt zum minnsten ein Jahre blicben, ob er sich recht und wol behelt. Der soll alle Tage zu Gericht sitzen, an den Sontag und die heiligen Tag: und soll die Leute richten, die ihme clagent, von allen Güten, ohne Fürsten und ander Hochlute, wo es gehet an ihr Lybe oder an ihr Recht, oder an ihre Erbe, oder an ihre Ehre, das wollen wir selber richten. Nihil ergo hujus Judicis aulici cognitioni de-

mandatum fuit, nisi de causis privatis, vel de Comitibus civitatibusque, quæ in Regis dominio essent, si vel prima, ut ajunt, instantia coram Rege actione peterentur, vel de privatis litibus appellatio ad Regem interposita fuisset.

§. LXXXIV.

*Continuatur.*

Wilhelmo Comite Hollandiæ adversus Fridericum II. electo Rege, mansit quoque ea Judicii aulici forma, quamvis forsitan exigua polleret auctoritate, nec ob præmaturum Wilhelmi à vita excessum diutius consisteret. Fuit ei Judex aulicus A. Comes de Waldeck. Id enim probant verba ipsa Constitutionis Wilhelmi an. 1258. publicatæ, quæ est apud *Dattium de Pace publ. L. I. C. IV. p. 22. Sed coram nobis vel A. Comite de Waldeck nostro Justitiario suas injurias recto judicio & per justam sententiam persequentur.*

§. LXXXV.

*Ulterius continuatur.*

Quorum exemplum secutus Rudolphus etiam Habesburgicus Imperator, qui post interregni tempus Germanorum solio admotus fuit, eodem modo con-

constituit quendam aulæ suæ Judicem, notante *Spenro* L. II. J. P. C. X. Cujus instituti ratio etiam â subsequētib; Imperatoribus servata est.

§. LXXXVI.

*Conclusio.*

Vel inde vero adpellationum ejus temporis ad Regem raritas colligi potest, quod unus homo iis finiendis suffecerit, nec is quidem ab aliis negotiis liber. Animadvertit illud jam *Herm. Conringius* in Diss. de *Jud. Vet. Germ.* §. 97.

§. LXXXVII.

*Monitum de Comite Palatino.*

Tametsi vero, quod jam exposui, Friderico II. imperante Judici aulico concefferit eas partes, quas ipse antea in adpellationibus cognoscendis habuit Comes Palatinus ad Rhenum (§. XXXVII.), neque tamen idcirco probabile est, ab ipsius quoque Palatini Comitibus judiciis ad eum aulæ Judicem adpellatum esse, quoniam is postea quoque supremus Regni Judex haberi non desiit, quod non tantum speculum Suevicum multis locis testatur, verum etiam inde patet, quod Vicarius quo-

L 3

que

que Regni postea semper extiterit, quam dignitatem ex suprema ejus judicandi potestate manare omnes juris publici Doctores adfirmant.

### §. LXXXVIII.

#### *De judiciis compromissoriis.*

Interregni temporibus, uti *Conringius* existimat, nova quædam Judiciorum species enata est, quæ fuerunt compromissoria, hac quidem ratione, ut actor reusque compromitterent in quendam, cujus arbitrio causa definienda esset, quamvis ejus jurisdictioni non essent subjecti. Cum igitur ab arbitri sententia, sive laudo, neque Romano, neque naturali jure adpellare, fas sit, ideò neque ab iis judiciis compromissoriis, quæ tunc temporis nondum lege quadam stabilita fuerunt, uti nunc quidem, adpellatio ad alium quendam Judicem fieri potuit. Quæ judiciorum species cum eo tempore maxime usitata fuerit, id quoque sine dubio haud parum ad raritatem adpellationum ad Regem contulit.

### §. LXXXIX.

#### *De judiciis duellis,*

Miseranda plane judiciorum totius  
Ger-

Germaniæ facies fuit, non tantum interregni temporibus, verum & quæ proxime illud antecedunt, dum sæpissime etiam inter homines privatae fortis, quæ consuetudo antiquitus in Germania obtinuit, per singularia certamina lites dirimebantur. Ita *Legislator Allemannicus ait: Qualis de ipsis vicerit, ipse possideat illam contentionem & illi alii presumptuosi, quia proprietatem contradixerunt, XI. Solid. componant.* Conferatur hoc loco *Dnus Hugo de Germ. Rep. C. IV. § 37. & inprimis Dattius de Pace publ. L. I. C. I.* Ac lites etiam subortas, vel suspecta crimina, si apertissimæ probationes deficerent, jurejurando, vel pugnis singulorum dirimi diluique, usu receptum fuisse, *Dattius* tradit. Ea judicia vocata sunt *du-ellica*, contra quæ civitates imperiales varia à Regibus privilegia acceperunt, ne ipsarum cives ad eas pugnas adigi possent. Hac igitur, ut dixi, ratione litibus compositis, provocationi ad superiorem Judicem ex Germanorum principiis locus esse amplius non potuit. Quid? quod ea certamina instar adpellationis quoque fuisse, testatur.

Auctor *Jur. Prov. Sax. L. II. Art. 12.*  
*Sententiam inventam si Saxo reprobave-*  
*rit, deferens eam manui suæ dextræ &*  
*multitudini majori consentientium, ipse*  
*pugnabit septenus cum sibi similibus adver-*  
*sus totidem, & vincentes sententiam ob-*  
*vinebunt. Victus judici mulctam, & vin-*  
*centi emendam præstare tenetur. Quod*  
*tamen nusquam nisi coram Rege est fa-*  
*ciendum.*

## §. XC.

*De adpellationibus ad Comitata*  
*provincialia.*

Neque vero illud silentio prætermittendum est, quod *Dnus de Ludwig in Comment. ad A. B. Tit. XI. p. 36.* se animadvertisse sæpius commemorat â Domini regionis sententiis medio ævo ad Comitata provincialia ab ei subjectis adpellatum esse.

## §. XCI.

*Adpellationum exiguus usus.*

Generatim minus usitatas fuisse, versus Interregnum adpellationes ad Regem, facile quidem *Dno de Ludwig & Spenero* concesserim, non tantum ob eas rationes, quas proxime superiori loco adduximus, verum & propter ea, quæ

quæ §. XLV. & XLVII. adnotavimus. Atque eò facilius is accedet sententiæ nostræ, qui exiguam versus interregnum Imperatorum auctoritatem perpenderit. Addit *Dnus de Ludwig* in *Comm.* ad *A. B.* sæpius jam citato, se quamvis innumera documenta perverstigaverit, invenire tamen illud non potuisse, quod iis temporibus à regionis cujusdam dominorum decretis & sententiis ad Regem provocatum sit ab eorum clientibus. Quod quidem speciem verisimilitudinis præfert, quamvis idcirco omnis adpellationum desuetudo inde vix certo colligi queat, tum quia non omnium ejus ævi documentorum chartarumque notitiam habemus, tum quod sic ab aliis extra provinciam nostram degentibus, si quando iis cum nostris civibus lis intercesserit, ad Regem adpellatum esse, non negetur.

## §. XCII.

*Adpellationum in Italia status sub  
Friderico II.*

Operæ pretium fortassis est, ut cum jam aliquoties Italiæ mentionem injecerim, ostendam, quoniam id suppetit, quis adpellationum in hoc regno

L 5

Ita-



status fuerit Friderici II. temporibus, Ibi in unaquaque provincia, sive terræ tractu constitutus fuit Vicarius Cæsaris potestate gladii instructus, ad quem à Judicum istius provinciae sententiis adpellationes dirigebantur, à quo tamen amplius ad Regem ipsum provocare licuit. Citabo ex *Friderici II. Rescr. I. de Commiss. vicariae cum potest. gladii*, quod est apud Goldastum T. II. Const. Imp. p. 51. verba: *Ad audientiam quoque tuam tam in criminalibus, quam civilibus causis adpellationes deferri volumus, quas a sententiis ordinariorum Judicum communi & eorum omnium, qui Ictorem ab imperio sunt nacti, in provincia ipsa videlicet contigerit interponi. Ita tamen, quo sententia tua ad audientiam nostri culminis possit libere provocari nisi vel causæ qualitas, vel adpellationum numerus adpellationis auxilium adimat adpellanti.* Forsitan inde quoque concluderis, adpellationes in Italia frequentiores tunc temporis fuisse, quas in Germania eodem tempore rarissimas diximus. Quæ frequentia adscribenda sine dubio est inprimis Juri Romano, quod in Italia tum quoque viguit, magnoque pretio habitum est. §. 93.

## §. XCIII.

*De Spirensium privilegio.*

Sequuntur tempora post Interregnum, quæ pacem Germaniæ partim reduxerunt. Ac *Lehmannus* quidem *Chronic. Spir. L. V. c. 116. & c. 125.* adducit privilegium Spirensibus datum à Rudolpho & Adolpho Nassovio Romanorum Regibus de non vocandis civibus Spirensibus in Judicium quoddam Cæsareum extra urbem suam, nisi quando justitia à Magistratu hujus urbis denegata sit. Verba privilegii ea sunt: *Nobili viro Judici Curie nostræ inhibuimus & præsentibus inhibemus, quod de eisdem civibus, Spirensibus nulli judicet conquerenti: Sed volentes de iisdem civibus, vel eorum aliquo querelari, ad nos dictus Judex debet transmittere & nos eos ad civitatem Spirensensem remittimus, amore vel justitia complanandos. Quod si ibidem factum non fuerit, nos utrique parti exhibere tenebimur justitiæ complementum.* Quod quanquam ad evocationes in primis pertineat, respiciet tamen quoque adpellationes ob ea, quæ supra (§. XXXI.) notavimus.

§. XCIV.  
*De Electoribus.*

Ac de Colonienſi quidem Archi Epiſcopo, Bohemiæ Rege, Saxoniæ Duce & Electore Palatino adduxi ſupra probabiles quasdam conjecturas. Noratu vero hoc loco digniſſimum eſt de Electoribus ſpeciatim conſideratis documentum Caroli IV. de anno 1353. quod in *Part. I. der Nothwendigen Erinnerung wider die Donawehrtsche Relation* p. 245. 246. num. 13. exhibetur & à *Dno de Ludwig Comment.* ad A. B. citatur. Ibi enim traditur, Carolo IV. litem quandam ex Palatinatu ad Judicium aulicum ſuum Spiram pertracturo, oppoſuiſſe ſeſe Rupertum Electorem Palatinum, omnibusque Electoribus id juris eſſe propter dignitatem Electoralem contendiffe, ut ne qua ex eorum regionibus cauſa ad alium Judicem ne adpellando quidem perduci poſſet. Ei adſenſiſſe Gerlacum Antiſtitem Moguntinenſem & Wilhelmum Colonienſem, Carolumque tandem eò adduxiſſe, ut ſententia ſua deſiſteret.

## §. XCV.

*Continuatur.*

Quæ adpellationum desuetudo si quæras, unde enata sit, mihi quidem ea inde videtur manasse, quod Electores ab antiquis inde temporibus Consiliarii intimi Regis audierint, iidemque jam à Friderico II. in diplomate quodam adpellati sint columnæ imperii septemque lucernæ regni uti *Leibnitius* in *Prolog.* ad *Cod. Dipl. Jur. Gent.* ex *Odarico Rainaldo* Baronii continuatore animadvertit. Unde forsitan inolevit opinio, ab his adpellari amplius ad Regem non posse.

## §. XCVI.

*Quare Carolus IV. eorum jus confirmaverit.*

Enimvero si quod jus extraordinarium exercendum esset, nunquam fuerunt satis tuti Germaniæ Principes sola ejus possessione & usu, quamvis etiam maximum licet temporis spatium accederet. Sic Albertus I. Imperator Electoribus Rheni accolis vectigalia ademit, quamvis ea maximo temporis spatio possedissent, quia possessionis suæ titulum ullum adducere non poterant.

Ea-

Eadem ratione quantumvis defuetudo adpellationum jus quoddam de non adpellando concedere possit, quod an possit, sequenti demum Capite exponendum erit, nondum tamen sic securi fuerunt Principes Electores â Cæsarum iusta an injusta vexatione. Forsitan enim objecerunt Imperatores, ipsorum quoque tacitæ concessionis rationem in eo jure acquirendo habendam esse. Facile igitur id impetrarunt Electores â Carolo IV, qui omnia eorum gratia faciebat, ut cum celeberrimam istam Auream Bullam promulgaret an. 1356. ea lege omnibus Electoribus certis atque expressis verbis hoc privilegium de non adpellando concederet, ne in posterum dubitandi ratio ulla superesset. Forte id quoque Carolus IV. eò magis ad stabiliendum illud jus adduxit, quod jam tum temporis, cum Romanum jus cœpisset in Germaniam irrepere, Bartolusque ille celeberrimus de Saxo Ferrato esset Carolo ab intimis consiliis, æquarentur Principes Electores Præfectis Prætorio, a quibus cum provocari ad Imperatorem, saltem principio, non posset, idcirco neque  
ab

ab Electoribus adpellare ad Imperatorem nostrum fas esset.

§. XCVII.

*Salva mansit querela de justitia denegata.*

Quamvis vero adpellationis vox apud Germanos querelam quoque de justitia denegata semper continuerit (§. XXI. XXVIII.) id tamen Carolus, si Bohemum removeris, in reliquis Electoribus diserte in Aurea Bulla excepit.

§. XCVIII.

*De privilegio Moguntino.*

Moguntino postea Archi - Episcopo renovavit hoc privilegium Ferdinandus III. Imperator an. 1654. d. 30. Apr. cum is antea in causis, quæ CCCC florenorum aureorum, ut vocant, summam excederent, adpellationesper miserit.

§. XCIX.

*De privilegio Trevirensi & Coloniensi*

Archi-Episcopus Trevirensis non utitur jure suo, contentus novo quodam privilegio, quod dedit ei Ferdinandus I. an. 1562. ne in causis, quæ D. florenorum aureorum Rhenensium summam  
non

non attingerent, adpellatio interpone-  
retur. Qua summa contentus etiam  
diu fuit *Coloniensis* Præsul, privilegio e-  
am ob rem novo à Maximiliano II. Im-  
peratore anno 1570. obtento donec an.  
1655. adpellationis restrinxerit ad eas  
causas, quæ M florenorum aureorum  
pretium excederent, nec essent feuda-  
les, vel in quibus possessio tantum spe-  
ctaretur.

## §. C.

*De privilegio Comitis Palatini.*

*Comes Palatinus* post auream quoque  
Bullam in causis, quæ C florenorum pre-  
tio minores non essent, provocationes ad  
summa Imperii judicia concessit, donec  
ea summa an. 1541. privilegio novo Ca-  
roli V. ad D florenos reducta est, à Ma-  
ximiliano II. autem an. 1566. ad DC. At-  
que à Rudolpho II. an. 1578. ad M. flo-  
renos. Tandem an. 1652. denuo omne  
jus de non adpellando restituit Palatino.  
Comiti Ferdinandus III. Imperator, quod  
diploma est in *Lünigii Archiv. Imperii*  
T. II, P. III. Sect. II, num. 281. p. 721.  
722.

## §. CI.



## §. CI.

*Privilegium Electoris Saxonie & Brandenburgici.*

*Saxoni* confirmarunt denuo hoc privilegium Sigismundus an. 1423. & Ferdinandus I. an. 1559. Atque iterum Rudolfus II. an. 1600. Qui quidem, quem postremo loco nominavi, etiam *Brandenburgico* Electori an. 1586. jus istud denuo confirmavit.

## §. CII.

*De privilegio Brabantino.*

Idem Carolus IV. Imperator indulgit quoque Johanni, *Duci Lotharingie Brabantie & Limburgi* jus de non appellando, relicta tamen querela de justitia denegata. Quæ constitutio vocatur *Aurea Bulla Brabantina* & promulgata est an. 1349. edita â *Thulemario* in Tr. de *bullâ aurea, cerea & argentea.*

## §. CIII.

*De privilegio domus Saxonice.*

Sigismundus Imperator cum *Saxoni* Electori hoc jus denuo confirmaret an. 1423. id extendit quoque ad universam domum Saxonicam. Testatum hoc facit Diploma Ferdinandi I. an. 1559. denuo genti Saxonicæ eum in finem da-

M

tum

tum cujus verba sunt: Es weren auch unserß Vorfahren am Reich weyland Ränser Siegmunds hochlöblicher Gedächtniß Privilegium vorhanden, damit sein Liebde, als Römischer Ränser die Chur- und Fürsten zu Sachsen sonderlich begnadiget, darinnen versehen, daß niemand des Hauses zu Sachsen Unterthanen für andere Gericht ziehen und laden sollte, welches auch auf die Appellationen, daß dieselben niemand von ihren Gerichten an andere Ort fürnehmen sollte, jederzeit verstanden worden. Equidem in Diplomate Sigismundi ipso, in quod lucem protulit Lünig in *Archivo Imperii* T. II. Part. Spec. II. p. 258. omnium Saxoniae ducum mentio non injicitur. Sed tenendum, datum esse hoc privilegium Friderico I. Electori Saxoniae ad omnes regiones, quas is possedit. Hinc divisione postea facta inter ipsius filios & nepotes, meritò utriusque nepotis stirps in terris, quæ cuique obvenerant, hoc jure usa est, cum id esset privilegium reale (§. CXXIX. C. I.), quod sequenti Capite hujus libelli perlustrato clarius lucidiusque intelligetur.

§. CIV.

## §. CIV.

*De privilegio Burgundico.*

Carolus V. celeberrima illa transactione an. 1548. die 26. Junii Augustæ inita, quam concordiam vocant, *Duci* quoque *Burgundiæ* exemptionem à provocandi jure tribuit, quod forsitan ex bulla aurea Brabantina adducta (§. CII.) jam antea toto Belgio invaluerat usu. Ita enim verba ejus transactionis se habent: *Sollen erzehlete unsere Lande, und derselben Unterthanen bey allen ihren Freyheiten, Rechten, Gerechtigkeiten, Exemption der Appellation und Jurisdiction gänzlich und ruhiglich gelassen, dawider nicht bedrenget, sondern der Landen Unterthanen und zugehörigem mit unser Kaysersl. Cammer- Gerichts- Mandaten, citation Annehmung der Appellation und andern Processen unbeschweret und unangefochten bleiben.*

## §. CV.

*De privilegio Wirtenbergico.*

*Wirtenbergici* quoque *Duces* utuntur eo jure, ne quis ab eorum Judiciis ad Imperatorem, vel suprema Imperii Judicia adpellet. Sunt, quibus id juris manasse videatur ex privilegio Caroli

V. dato Austriacis Ducibus, tum temporis quoque Wirtenbergici Ducatus possessoribus, præsertim cum in eo Diplomate apud *Limnaeum* P. V. *Jur. Publ.* C. II. diserte provisum sit de Ducatu quoque Wirtenbergico, ut iisdem utatur juribus, quo reliquæ Austriacorum terræ; quod postea cum is Ducatus Ulrico Duci restitueretur, usu servatum manserit. Ac vellem ego quidem ad stipulari huic sententiæ, nisi alia adessent, quæ contrariam magis confirmare viderentur. Nam *politica ordinatio*, quæ confirmata est an. 1555. expressis verbis jus hoc in antiqua & inveterata consuetudine collocat P. I. *Tit. Wenn an fremde Gericht möge adpelliret werden* §. I. Verba apud *Blumium* in *Proc. Cam. Tit. XLVII. Tab. III.* in fine easunt: Wo die Rechtsfertigung und Handlung unter den Unterthanen sich haltet, soll keinen Theil gestattet werden, an ausländische Gericht zu appelliren, sondern sollen sie mit der Appellation bey Ihrem nächsten Ober- oder Fürstlichen Hoff-Gericht, welcher unter denen dem appellirenden Theil gefällig, vermög des Fürstenthums Wirtenbergs iöblichen herkommen

kommen, Freyheit und Landes-Ordnung bleiben. Unde quoque *Besoldus* in antiqua consuetudine jus hoc merito collocat in Tr. de *Appell.* C. II. p. 103. Nescio igitur, an magis amplectenda sit *Knichenii* conjectura, quam primo loco commemoravimus, an potius fidem mereatur Jus hoc provinciale Wirtenbergicum publica auctoritate editum. Quod si id potius fidem meretur, concidit *Knichenii* conjectura. Fieri enim non potuisset, ut ex antiqua consuetudine hoc jus venerit, & tamen ex austriaco quoque privilegio profluxerit. Austriaci enim ab anno 1520. usque ad annum 1534. quo *Ulrico Duci* restitutus est, eum Ducatum possedere. Ordinatio vero allegata Wirtenbergica an. 1555. confirmata jam est. Non poterat igitur antiqua consuetudo adpellari, quæ XXX. circiter annorum spatio constituta sit, atque ita non potuit ex Austriaco privilegio ea consuetudo manare. Ceterum notes quoque hoc velim exemplum privilegii de non adpellando per immemoriam præscriptionem acquisiti.

## §. CVI.

*Privilegium Lotharingicum.*

Ferdinandus I. Rex Romanorum, conventionem cum *Lotharingæ Duce* inita an. 1542. die 26. Aug. concessit ei quoque id juris, ne ab ejus judiciis ad *Cameram* adpellaretur. Verba transactionis, quæ huc pertinent, ea sunt: *Aber sonst sollen sie aller andern Prozesse Mandaten und Jurisdiction des H. Reiches, es seyn erster, oder anderer Instanz geübriget, gemäßiget und frey seyn und mit einigen Processen Mandaten, Oration, Appellation, Annehmung und dergleichen unbeschweret gelassen werden und bleiben.* Forsitan hæc ultima verba antiquam quoque adpellandi ad Regem ex *Lotharingia* desuetudinem innuere videntur. *Transactio ipsa est apud Linneum L. V. Jur. Publ. C. II.*

## §. CVII.

*De privilegio Suecico.*

Pace *Osnabrugæ* composita an. 1648. cum *Archi-Episcopatus Bremensis* *Episcopatusque Verdensis* ambo *Ducatus* fierent, & cum parte *Pomeraniæ* regno *Sueciæ* perpetuo jure, quamvis clientelari nexu ab Imperio sacro Romano,

Ger.

Germanico traderentur, concessum quoque est huic regno in regionibus illis jus de non adpellando, ita tamen, ut commodum quodam in Germania loco supremum tribunal, quod ultimo loco exciperet provocationes (§. IX.) erigeretur.

### §. CVIII.

#### *Privilegium Bavaricum.*

*Bavariae Dux* cum an. 1623. ordini Electorum insertus esset, ob eam ipsam quidem causam reliqua Electorum jura extraordinaria obtinuit, atque ita etiam privilegium de non adpellando. At majoris forsitan securitatis omnisque dubitationis removendæ gratia, concessit ei quoque speciatim hoc privilegium *Ferdinandus III. Imperator* an. 1638.

### §. CIX.

#### *De privilegio Electoris Brunsvicensis ac Luneburgensis.*

*Serenissimo Duce Brunsvico-Luneb. Ernesto Augusto* ejusq; posteris ad Electoralem dignitatem evectis, indulta quoque iis sunt omnia reliquorum Electorum jura ac privilegia, à *Carolo IV.* in Aurea Bulla ipsis quondam impertita. In quibus cum & privilegium de non



adpellando locum obtineat, (§. XCVI.) id quoque sine dubio, ob ipsam dignitatem novam concessam communicatum cum iis est, quamvis id disertis verbis factum non esset. Ac tamen Georgius I. gloriosissimæ memoriæ Rex anno 1716. ab Imperatore hodieque regnante Carolo VI. id impetraret, ut separatim ei hoc jus concederet, quod Diploma est in Dni de Ludolf Jure Camerali, id tamen magis contentionem evitandarum gratia factum est, quam quod necessaria quædam ratio juris id suaserit.

### §. CX.

*De institutis eorum, qui privilegio de non adpell. gaudent.*

Etsi vero ab Electoribus ceterisque Principibus Imperii, quibus id privilegii obvenisse, jam diximus, ad Imperatorem adpellare, non sit, tamen, quoniam æquum est, ut inferiorum Judicum in Rep. sententiæ superiori cuidam Judici examinandæ committantur (§. IX.) solent hi Principes supremum quoddam Tribunal instituere, ad quod adpellari possit ab omnibus inferioribus Judiciis. Ea vocari solent Judicia suppre-

prema Adpellationum vel Revisionum. Sic Elector Moguntinus instituit supremum quoddam Revisionum Tribunal Moguntii, Elector Saxoniae supremam adpellationum curiam Dresdæ, Rex Borussiae, qua Elector Brandenburgicus, Berolini & Magnae Britanniae Rex, qua Elector Brunsvicensis & Luneburgensis, Cellis Luneburgicis, ut reliquorum Principum mentionem non injiciam. Ac Suecis quidem cum ratione habita Germanicarum provinciarum jus de non adpellando concederetur, expresse cautum esse Instrumento Pacis Westphalicae, diximus, quo summam quandam adpellationum curiam commodo in Germania loco stabilirent, (§. CVII.) qui ejusmodi tribunal Wismariae constitutum habent.

### §. CXI.

#### *De Camera Imperii.*

Maximiliano I. Germaniae frenos moderante diu antea agitatum consilium exitum consecutum est optatissimum, instituta Camera quadam Imperii, tanquam supremo Germaniae Judiciio, quod omni Germaniae, sepulto armorum furore, jus diceret. Ad cujus adsessores

M s

con-

constituendos cum simul cum Imperatore omnes Imperii status concurrant, Judicium hoc non à Rege solo pender, verum & à statibus totaque Germaniæ Republica. Etsi vero, docente *Dattio* L. IV. de Pace publ. C. I. primaria ejus stabiliendi ratio fuit, ut ne publica in Germania pax, sacratissimū rerum publ. vinculum diutius impune frangeretur, tamen cum præsertim Judicium istud à statibus quoque penderet, eò facilius permiserunt Imperii Principes iique ipsi, quibus omni dubio excusso jus fuit de non adpellando, ut ab eorum judiciis jam ad hoc supremum in Germania tribunal provocaretur. Atque ea fortassis adest ratio, cur Electores Ecclesiastici cum Palatino ad Camerae Judicium adpellationes primum permiserunt. Quamvis etiam non improbabile videatur, jus Romanum, quod tunc temporis inundavit Germaniam, effecisse, ut ii Principes Electores adpellationes iterum permitterent.

#### §. CXII.

*De orta adpellationum frequentia.*

Eo tempore jam dudum cessaverant judicia, quæ vocata sunt duellica, sive  
Cam-

Campionum , (§. LXXIX.) cessavit quoque jam privata vis, & quod vocant jus manuarium. Sed eodem tempore legum Germanicarum simplicitas cessit Legum Romanarum subtilissimarum multisq; sæpenumero dubiis contortarū agminī quasi irruenti. Inventa est cum hoc jure peregrino, Germanorumque moribus minime adcommodato rabularum copia, enata deinde litium seges, denique inventum est beneficium coram Judice, ad quem adpellaveris, nova deducendi, de quo tot egregia adnotavit Dnus Hugo in libello de abusu adpell. Accessit, quod olim ex Germanorum legibus adpellans, si non vicerit causa, ordinarie nunquam non pecuniæ quandam summam, quam emendam vocarunt, vincenti, multam vero inferiori Judici daret (§. XLV.) At hoc etiam invento Romano jure amplius observatum non est, cum id majoribus difficultatibus involutum esset, & sic facilior venia concederetur adpellanti, quamvis is in adpellatione succubuerit, dummodo nimia in adpellando temeritas non eluceret. Non miranda igitur adpellationum eo tempore

re

re orta frequentia, quarum mole obrutum jam supremum illud Judicium totius Germaniæ malo gemit, gemetque forsitan, dum hæc Imperii nostra, quæ nunc est, compages manebit.

§. CXIII.

*De summa adpellabili.*

Ac primum quidem licuit de minima quantumvis summa ad supremum istud tribunal provocare. Qua ratione cum litium cumulo in immensum prope crescente obrui quasi cœpisset Camera, cautum est *Ordinatione Camerae P. II. Tit. XXVIII.* ne intra L. florenorum summam à cujuscunque status Imperii Judiciis ad supremum Imperii tribunal adpellare quis in posterum auderet, quæ summa ad CL. florenos evecta est *Rec. Imp. de 1570.* postea ad. 1600. ad CCC. florenos per *Rec. Deput. de 1600.* §. Biewol nunc. tandem vero ad CCCC. Joachimicos *Recessu Imperii de an. 1654.* Quæ tamen summa intelligenda tantum est secundum sortem.

§. CXIV.

*De Revisione in Camera.*

Illud quidem ex *Ordinatione Camerae P. III. Tit. LL.* satis constat, adpellari ab

eo

eo Judicio non posse. Sed ea quidem Ordinatio vocabulo adpellationis usa videtur Romano more. Vereor igitur, ut idem omnino adfirmari possit, si tantum ad ea, quæ essentiam adpellationis constituunt, animum attendas. (§. XI.) Possunt enim, qui iniquam hujus Judicii gravemque sibi existimant sententiam, petere à Moguntino Pontifice, Archi-Cancellario Imperii per Germaniam, ut simul cum ordinum delegatis ad visitationem Camerae obeundam, acta denuo revideat. Quod remedium corrigendi iniquitatem hujus Judicii in pronuntiando commissam, *Revisio* adpellatur. Quo facto deponenda tamen est pro arbitrio revidentium certa pecuniæ summa, quæ, si prior sententia confirmata fuerit, fisco Imperatoris devolvatur. Quæ omnia provisum sunt *Ordinatione Camerae* P. III. Tit. L. III. §. 12. & *Rec. Imp. de 1654.* §. 125. seqq. Summa tamen revisibilis saltem 2000. Joachimicos forte excedat, necesse est, quæ non sufficit, si nec in causis hujus pretii à Status cujusdam Judiciis adpellatio permixta sit, uti eodem *Recessu Imperii* §. 27. statutum est. Con-

scri-



scripsit de hac Revisione specialem libellum Banderus Camerae quondam Adfessor. Cum igitur in Revisione adfit superior Judex, Moguntinus nimirum Antistes Ordinumque delegati, quorum auxilium peti potest contra iniquas Camerae sententias, Revisio est species adpellationis, (§. XI.) atque ita si ad hujus essentiam solam respicias, dici vix potest, à Camera plane adpellari non posse.

### §. CXV.

#### *De Senatu Imperii aulico.*

Ac ne id quidem hoc loco silentio præterire possum, adesse etiam in Germania aliud quoddam supremum Judicium, Senatum scilicet Imperii aulicum, qui Germanorum lingua vocatur *Reichs-Hof-Rath*, quo etiam à Judiciis Ordinum Imperii provocare, liberum est. Quod quidem tribunal non primum à Ferdinando I. uti nonnulli existimarunt, stabilitum est, sed potius instauratum & majori juris dicendi potestate instructum. Nam qui Carolum V. & Maximilianum I. antecesserunt Reges, habuerunt semper Judicium quoddam aulicum, uti de Rudolfo I. jam



jam notavimus (§. LXXXV.) idque de Carolo IV. Sigismundo & Friderico III. etiam satis constat. Maximilianus vero tot aliis negotiis itineribusque distractus, Carolus bellorum turbis impeditus, vix habuerunt tantum temporis reliqui, ut de judicio isto constituendo de-nuo cogitarent. Ac vocatum quidem est hoc Judicium, Friderici III. temporibus, interdum quoque Camera Imperialis, das Kayserliche Hof-Cammer-Gericht.

## §. CXVI.

*De Supplicatione in Senatu aulico**Imp.*

A Senatu Imperii aulico adpellare non licet. At licet parti, cui gravis est hujus Judicii sententia, ad Cæsaream Majestatem supplicare, ut quæ in judicio acta sunt, adhibitis eam ob causam aliis, gravitati negotii paribus, neutrique partium addictis, ac pro qualitate rerum etiam ex utraque religione æquali numero Consiliariis & qui concipiendæ & ferendæ priori sententiæ non interfuerint saltem referentium & correferentium partes non sustinuerint revideantur. Verba recitavi *Instrumenti Pacis Osnabrugensis Art. V. §. 54.* §. 117.

## §. CXVII.

*De privilegio Ducum Brunsvicensium.*

In causis, quæ CCCC. Joachimicorum pretium sorte excedant, appellari ad suprema Imperii Tribunalia ab Ordinum judiciis ex regula posse, supra docti. (§. CXIII.) At complures vero tam ex Principum ordine, quam ex Civitatum subfelliis à variis Imperatoribus id obtinuerunt, ut aliquando etiam in majoris pretii causis ad Cameram Imperii provocari non possit. Sic Ferdinandus III. Imperator anno 1648. indulgit hoc privilegium *Serenissimæ Genti Brunsvico-Luneburgensi*, ne in causis, quæ ad possessionem tantum pertinerent, 2000. aureorum florenorum summam sorte non excederent, neque in debitis liquidis provocatio ab iis instituti possit ad Cameram. Quæ summa Joachimicis comparata, 2222 $\frac{2}{5}$ . Joachimis æqualis est. Ea Ferdinandi concessio data de 24. Nov. 1648. adnexa est *Ordinationi Cancellariæ Judicii que provincialis Guelferbytani*, itemque ordinationi Judicii Provincialis Cellensis. Ante hæc tempora Duces Brunsvicenses Guelfertytani quidem ex privilegio de 1562. in causis infra CCC. au-

aureorum, Luneburgenses ex privilegio de an. 1566. in litibus infra CCCC. aureorum Rhenensium summam adpellationes non admifere, quæ diplomata sunt apud *Gylmannum* T. VI. *Symphor.* C. IV. p. 101. quod privilegium postea an. 1578. ad DC. aureos determinatum fuisse, ajunt. Conf. *Gilhausen* in *arb. Judic.* P. III. C. 8. p. 600. & *Dnus de Ludwig* in *Comm. ad A. B.* ex quo hæc desumimus.

## §. CXVIII.

*Privilegium Brandenburgicum.*

*Electorem Brandenburgicum*, seu *Regem Borussie* privilegium à Leopoldo I. consecutum esse, constat, ne ex regionibus ipsius noviter quæsitis, dignitati-que Electorali non conjunctis infra summam 2500. aureorum florenorum, neque in causis possessionem respicientibus, si petitorium reservatum sit, ad Imperii Tribunalia adpellare liceat.

## §. CXIX.

*De privilegio Marchionum Brandenburgensium & Ducum Holsatiae.*

*Marchiones Brandenburgicos* itidem ex Cæsarum concessione jushabent pro-

N

hi-

hibendi, ne in causis, quarum pretium non attingit DCCC. florenorum Rhenensium, sive in ratione ad Joachimicos, 888 $\frac{8}{9}$ . Joachimicorum summam, quispiam ab ipsis provocare audiat. Commemoratur hæc Dnus *Bilderbeckius* im *Teutschen Reichs-Staat*. Quod jus etiam *Holsatiae Duces* ex Maximiliani II. concessione de an. 1570. acceperunt in causis, quæ D. aureorum Rhenensium pretium forte non superarent, quæ concessio est in *Ant. Fabri Staats-Cantzley* P. LIII. p. 579. seqq. Sed *ordinatione*, postea *Judicii Provincialis* à Ferdinando III. an. 1641. confirmata M. aureorum florenorum summa, infra quam adpellare plane non liceat, statuta est P. IV *Tit. I. §. I.* cum jam antea ex privilegio Ferdinandi II. de d. 14. Jul. 1621. ab aulico Principis judicio infra eandem summam adpellare non licuisset.

§. CXX.

*De privilegio Hassiaco & Juliacensi & Mecklenburgico.*

*Hassie Landgravios* itidem privilegio quodam in adpellationibus gaudere, *Casselanos* quidem ex privilegio Ferdinandi III. de d. 26. Aug. 1650. siqua lis  
M.

M. Darmstadiensēs vero in eadem summa privilegium jam à Ferdinando II. an. 1631. accepisse, Ill. Dnus de Ludolf refert. Sed obtinuerunt quoque *Juliacenses Duces* ex Maximiliani II. privilegio de d. 29. May 1566. jus, ut si qua causa DC. florenorum Rhenanorum pretium non excederet, itemque in possessoriiis judiciis ad Imperii Tribunalia non liceat adpellare. At eximium quoque Ducum Mecklenburgicorum Privilegium, ne in causis, quæ 2000. florenorum Rhenensium, sive 1000. aureorum summam non attingant, ad Imperii Tribunalia provocetur, commemorat Ill. Dnus de Ludolf in Catalogo Privil. de non adpell. Indulfit id Ferdinandus an. 1651.

## §. CXXI.

*Privilegia alia.*

Neque desunt reliquis ex Principum ordine privilegia circa adpellationes. Ac Ost-Frisiæ quidem Principes privilegio ad 1000. flor. Rhen. Oldenburgici Comites ad 1000. aur. flor. summam determinato gaudent. Principes vero Schwarzenburgici prohibent, ne in causis momentaneæ possessionis, debitis-

que liquidis & generatim, siqua lis 1000. flor. Rhen. non excedat, ad Imperii Judicia adpelletur. Adfunt demum ex ipso Comitum numero Comites Rutheni, qui in causis 400. aur. flor. Rhen. vel possessionem spectantibus, si petitorium judicium reservetur, itemque Ranzovii Comites, qui in litibus infra 500. aureorum flor. Rhen. summam, adpellationes prohibent. Quæ cuncta refert *Dnus de Ludolf* in Catalogo Privil. de non adpell.

§. CXXII.

*Alia privilegia.*

Subjiciam demum ex Principum Ecclesiasticorum numero *Episcopum Herbipolitanum*, qui Rudolpho II. concedente in causis 1000. aur. flor. Rhen. pretium non attingentibus provocaciones interdicat. Quo jure *Tridentinus* quoque in 400. aur. flor. causis gaudet, *Ludolfo* tradente.

§. CXXIII.

*Privilegia quarundam civitatum.*

Ex civitatum quoque subselliis *Colonia Agrippina* eo privilegio insignita est, ut ne ejus civibus provocare, fas sit ad Imperii Judicia, nisi in causis supra 700.

au-

aureos florenos Rhenenses. Quo jure etiam *Hamburgum* utitur, exceptis commerciorum causis, in quibus provocatio omnis cessat. *Augusta Vindelicorum* idem sibi jus vindicat, nisi plus 600. florenos aureos Rhenenses poscatur, itemque *Norimberga* interdictur civibus provocatio eadem ratione, ita ut ne nullitatis quidem querelæ locus sit in minore summa. Denique *Lubecensibus* conceditur provocatio, si 500 aureis florenis majorem summam judicio persequantur. Desumimus hæc itidem ex *Jll. Dni de Ludolf* Catalogo Privil. de non adpell.

## §. CXXIV.

*De Revisione.*

Et si vero generatim in causis, quæ secundum sortem CCC Joachimicorum summam non excedunt, adpellatio à Procerum Statuumque Imperii judiciis ad superiora Imperii Tribunalia permissa non sit, (§. CXIV.) tamen *Recessu Imperii de an. 1654. §. 113.* aliud quoddam remedium, iniquitatis judicantium tollendæ gratia, salvis Procerum contrariis privilegiis & constitutionibus suppeditatur. Nimirum petente eo, qui sententiam gravem sibi existimat, omnia,

N 3

quæ



quæ in ea causa acta sunt, præcedente inrotulatione, ut ajunt, coram partibus vel eorum Mandatariis â Magistratu traduntur Jureconsultis quibusdam ab omni partium studio alienis revidenda, vel ad academiam quandam omni suspitione vacuam, aliudve Collegium Juridicum transmittuntur, eorumque sententia legibus conformis exigitur. Hoc remedium adpellatur *Revisio*.

§. CXXV.

*De adpellatione in causis criminalibus.*

Illud quidem, quod superest, satis constat, adpellationes apud majores nostros nequaquam in causis atrociorum criminum, sed tantum in civilibus levioribusve delictis locum habuisse. Ita sanxit L. VII. Cap. 129. *In civilibus causis & levioribus criminibus legibus dilatio præstanda est. Homicidæ, adulteri, malefici convicti, si adpellare voluerint, non audiantur.* Citabo etiam verba ex *Jure Provinc. Sax. L. II. Art. 12.* *Wird ein Mann gefangen um Ungericht und vor Gericht bracht, er mag kein Urtheil schelden.* Quam consuetudinem semper etiam in Germania usu viguisse, testatur

tur Imperator Carolus V. in Constitutione Criminali, qua denuo illud jus, quo semper usi fuerant Status Imperii, confirmatum est.

## §. CXXVI.

*Dubium Schilteri removetur.*

Aliud obtinuisse Jure Allemannico existimat *Schilterus Append. Exerc. 49. ad ff. motus c. 138. Jur. Allem. verbis*: Von welcher Hand das Gericht gehet, da mag man ein Urtheil wol hinziehen. Die erste Hand des Gerichts ist der König, die andre Hand des Gerichts, das ist der, dem es der König leihet, die dritte, dem es die andre leihet. Die dritte Hand mag nimmer Gericht fürbaß leihen, da es den Leuten an ihren Leib gehet, oder an ihr Blutvergiessen. Wer es darüber thut, er wird schuldig an allen, den über die vierte Hand richtet. Sed primum his verbis diserte non affirmatur, adpellationes in criminibus capitalibus admittas esse. Quod ideò ob adductum Capitulare eò minus probabile nobis videtur, quoniam hæc Capitularia Regum Francorum præsertim in superiore Germaniæ parte diutissime usu servata sunt, prouti partim quoque

ostendit *Spenerus* in *Jur. Publ. Prud. L. II. C. X. §. 8.* Quid? quod hoc inprimis Capitulare etiam in ipsa Saxonia servatum est. (§. CXXV.) Quod si de adpellationibus tamen intelligi malles, nec dum nostra sententia contentus es, concedo, Rege in urbe quadam vel provincia præsentem, ad ipsum Jure Allemannico adpellari potuisse, neutiquam vero eo absente. Conferas hic quoque, quæ superiori loco (§. XL.) notavimus. Vel si placuerit, ita etiam explicare poteris, ut cognatis ejus, qui iniqua Judicis cujusdam sententia mortem perpetuus fuerat, licuerit de injusta hac sententia apud Regem conqueri, ut Judici poena infligatur, adeoque sententiam hujus Judicis adhuc postinterempti mortem superioris disquisitioni submittere. Licuit enim interfecti cognatis mortem ejus vindicare, atque contra occisorem facinorosam, sive simultatem apertam, uti *Dattius* explicat, exercere, nisi is amabili ratione cum iis transigeret, de quo exstant Capitularia apud eundem *L. I. C. I. de Pace publ.* Id quod procul dubio etiam licuit contra Judicem, cujus sententia injusta quis interfectus fuerat.

Ipsa

Ipsa ceteroquin etiam verba *Juris Allemannici*: Wer es darüber thut, wird schuldig an allen, den über die vierte Hand richtet, indicare videntur id, quod modo adfirmavimus. Quo facto si adpellationes ad concedentem permissæ fuissent, ipse iniquitatem delegati judicis in judicando corrigere potuisset.

§. CXXVII.

*Cur in criminalibus non adpellatum.*

Enimvero videri hoc multis tanquam minus consideratum providumque existimo, quod in causis civilibus levioribusque criminibus adpellationes admitterint Germani, in iis, quæ ipsam hominum vitam respiciunt, prohibuerint, cum capitis humani pretium longissime anteferendum sit quantumvis maximæ pecuniæ summæ. Indaganda igitur est ratio, quæ majores nostros, ut ita existimarent, induxerit. Nimirum præclare intellexerunt sagacissimi Franci nostri, nihil esse, quod ad salutem tranquillitatemque reip. conservandam plus conferat, quam si pœna in delicta legibus statuta, mora nulla interposita, ad executionem perducatur, dum re-

cens adhuc in animis hominum versatur criminis memoria, ne diutius protracto supplicio, alii persuadeant sibi forte nullam huic delicto pœnam irrogatum iri, vel saltem inani spe lætentur, supplicium, quod tam diu differtur, efugendi, mitioremve pœnam sustinendi.

### §. CXXVIII.

#### *Cautela observata.*

At ut ea quoque judicia iniquitate & injustitia vacarent, providerunt iidem majores nostri, ne quis supplicio adficeretur nisi convictus. Conferatur jam supra (§. CXXV.) adductum *Capitulum*. Quem quidem morem hodieque usu servari constat. Quod si quis convictus non esset, suspicio tamen in eum conveniret, hæc solenniter purganda atque hoc facto innocentia uniuscujusque declaranda fuit. Eam ob causam pugnae singulares & Campionum judicia apud majores nostros viguerunt, obtinuit etiam aquæ frigidaë judicium alii-que purgandi & convincendi modi, qui omnium fortassis optime expositi sunt à *Jo. Phil. Dattio* in *Tr. de Pace publ. L. I. C. I.* Qua in re quanquam nimium for-

forſitan forti tributum fuerit, facileque iniquitatis multum admſceri potuerit, ſuperſtitio tamen eorum temporum effecit, ut perſuaderent ſibi maiores noſtri, eos optimos eſſe convincendi modos, qui tribuerentur forti.

§. CXXIX.

*Quando in criminalibus adpellare, licuerit.*

At quamvis in criminalibus cauſis adpellationes ab Ordinum Imperii judiciis ad Superiora, quæ Cæſar & Imperium ſovent, fieri nequeant, tamen jam Capitularibus Regum Francorum cautum eſt, ut ſi nulliter procedat Judex, liceat ad alium Judicem adpellare. Capit. L. VII. c. 178. *Judices obſervare debent, ut liceat litigatori, vitiatam cauſam adpellationis remedio ſublevare. Et adpellatores nec in carcerem redigantur, nec à militibus faciant cuſtodire, ſed agendum negotium ſuum liberi obſervent; nec etiam in ſupplicium deſtinatis adpellandi vox denegatur.* Notes hic velim verba *vitiatam cauſam.* Inde enim illud elucere puto, quod tantum, ſi nulliter proceſſerit Judex, adpellari potuerit, quia ſic cauſa vitiata eſt. Aliter enim ſi hoc Capitu-  
la-

lare interpreteris, pugnaret id cum adducto C. 129. L. VII. Acid quidem *Ordinatione* quoque *Camera* P. II. Tit. XXVIII. §. 5. denuo statutum est, ut si nulliter processerit inferior Judex, quærela ea de re in *Camera Imperii* institui possit, ita ut hæc, si nulliter processum cognoverit, modum *Judici inferiori* procedendi præscribat.

### §. CXXX.

#### *De judiciis Westphalicis.*

Ultimo loco monenda quædam sunt de *Judiciis Westphalicis*, quæ nostro sermone adpellata sunt *Sehm · Gerichte*, & quod maxime accedit vero, à *Carolo M.* originem suam trahunt. Fuerunt judicia, quæ de criminibus capitalibus, inprimis si quæ ad hæresin & apostasiam pertinerent, judicandi potestatem acceperant. De quibus præcipue consulendus est *Dattius* in *Tr. de Pace publ.* L. IV. C. 2.

### §. CXXXI.

#### *De Frigraviis*

Judices in iis *Judiciis* vocati sunt *Frigravii*, qui Comitiam suam jure feudi à *Cæsare* & imperio tenuerunt. Unde & nomine totius Imperii & vice sacra ju-



*judicare* gloriati sunt in *Documento Bæcleriano de Vitechindo M.* uti citatus *Dattius* commemorat L. IV. C. III. pag. 740. Idem quoque adfert literas investituræ à Friderico III. Imperatore Gerhardo Comiti Segnenfi datas, in quibus hæc verba sunt notatu digna: *Dass du an unser Statt von unser und des Heil. Reichs wegen, und als unser und des Heil. Reichs Stadthalter bis auf unsere fernere Geschäfte und Wiederrufung darob sehest.*

## §. CXXXII.

*De eorum Jurisdictione.*

Evenit, ut postea latissime extenderent Jurisdictionem suam, vel quod se Imperii sacra vice judicare gloriarentur (§. CXXXI.) vel quoniam ea judicia singulari antiquitatis & sanctitatis verecundia essent conspicua.

## §. CXXXIII.

*Continuatur.*

Ac *Dattius* quidem refert L. IV. C. IV. p. 758. in causis denegatæ justitiæ, vel juris protracti, Actori liberum semper fuisse, ut reos in foro quodam Westphalico conveniret. Unde factum est,  
ut

ut aliquando actor præstito jurejurando his judiciis renuntiaverit.

§. CXXXIV.

*An ab iis adpellatum sit.*

Cum igitur hæc judicia criminalia essent, in criminalibus vero causis nunquam provocatio concessa antiquitus fuerit (CXXV.) in Judiciis etiam Westphalicis adpellatio permessa non fuit. Patet hoc quoque ex *Reformatione Coloniensi Sigismundi Imperatoris*, ubi *Cap. XVIII.* omnino negatur, adpellari ab his Judiciis potuisse, nisi Scabini in partes discesserint, aliis aliam sententiam adprobantibus, neque inter se de sententia quadam convenerint, wenn zwey Urthel in dem Gericht zweischellig gewiesen oder gescholten worden. In MS. quodam veteri alium quoque casum exprimi Dattius ait: Item, dis sind die zwey Stück, davon man vor einem zu dem andern Gericht appelliren mag. Nämlich: ob das geschehe, daß in dem Gericht ein zweifelhaftige und widerwärtige Zeugniß gezeugt, geweist und gesagt fürkame. Oder ob die Urthel der Freyschöpffen und Richter der heimlichen

chen Acht gespalten, nit einhellig und zugleich in der Umfrag der Urthel stunden, und kein Theil dem andern weichen wolte. Quid sit causa posterior, explicat *Dattius* L. IV. C. II. p. 36. Ceterum id quoque confirmat, quæ supra (§. XXV.) tradidi, querelam nullitatis comprehensam esse adhuc Sigismundi tempore sub voce adpellationis.

### §. CXXXV.

#### *Quo adpellatum.*

Ceterum ex verbis MS. hujus veteris antecedenti §o adductis liquet, etiam iis in causis adpellationes ad Regem factas non esse, sed ad aliud judicium Westphalicum. Id enim indicare videntur verba: *Dies sind die zwey Stück, davon man von einem zu dem andern Gericht appelliren mag.* Conferatur quoque de his Judiciis *Christ. Thomasii Diss. de Judiciis Westphalicis.*

CAPUT

non adpellando præditus est, prohibendi jus habeat, ne ad superiorem Judicem, qui adest, adpellari possit, efficitur inde, ut hic jure aliquo speciali & extraordinario gaudeat. Hinc jus de non adpellando est privilegium favorabile (C. I. §. XC.)

§. IV.

*Etiam in Germania.*

In Germania ab ordinum Imperii Judiciis ex regula ultimo loco adpellari potest ad duo suprema Imperii Tribunalia. Hinc si qui ordinum jus de non adpellando possident, quos quidem antecedente Capite sigillatim percensuimus, id extra ordinem iis competit, idèoque privilegium favorabile est etiam in Germania.

§. V.

*De subditorum obligatione.*

In omni privilegio adest aliorum obligatio. (C. I. §. XCII.) Privilegium igitur de non adpellando cum in jure adpellationes subditorum prohibendi consistat, ii sic obligati sint, necesse est, ne ad superiorem judicem adpellent.

O

§. VI.

## §. VI.

*Quando limitatum vocetur, quando illimitatum.*

Dum â quibusdam Imperii Statibus intra certam tantum pecuniæ summam adpellari non potest, (C. II. §. CXVIII. sqq.) jus hoc de non adpellando interdum limites quosdam accipit, quod propterea vocatur *limitatum*. Qui limites cum plane non adsint in aliis, â quibus plane adpellari nequit (C. II. §. XVI. sqq.) jus hoc sic adpellari solet *illimitatum*.

## §. VII.

*An a majestate adpellari possit.*

Cum majestate majus nihil reperitur in Republica, eo etiam, in quo majestas residet, majus nihil in omni Republica deprehenditur, ideòque nec superior Judex. Hinc ab ejus in Rep. decretis, penes quem imperium est, adpellari ad neminem potest (C. II. §. XI.) Propterea vero haud dixerim, jus de non adpellando majestati competere, cum jus de non adpellando contineat notionem superioris cujusdam Judicis. (§. I.)

## §. VIII.

## §. VIII.

*Sententia Dni de Ludwig.*

Adest Jo. Petrus a Ludwig, qui in *Commentario ad Auream Bullam*, itemque in libello. quem *Germaniam Principem* inscripsit L. III. C. IV. §. 32. p. 185. existimat, Electores Germaniæ jam ante Auream Bullam promulgatam, jus de non adpellando ex ipsa superioritate territoriali habuisse. Cujus sententiæ veritatem quo melius indagemus, exponendum primum nobis est, quid sit superioritas territorialis, tum an Caroli IV. auctoris Aureæ Bullæ tempore ad id culmem jam provecta fuerit ea superioritas, ut propterea jus de non adpellando statibus Imperii fuerit.

## §. IX.

*Quid sit superioritas territorialis.*

*Superioritas territorialis* est suprema potestas, omnia in regione quadam disponendi, quæ ejusdem publicam salutem tranquillitatemque conservant, vel amplificant, Legibus Imperii fundamentalibus limitata.

## §. X.

*Illustratur.*

Majestas cum sit illimitata potestas fa-

lutem tranquillitatemque Reip. tuendi, (C. I. §. XXXVII.) superioritas territorialis eo tantum à majestate differt, quod legibus Imperii fundamentalibus hæc potestas limites quosdam acceperit, ideoque *majestatis ἀναλογία* à Juris Publici Doctoribus dicitur. Poteras etiam idcirco vocare majestatem legibus imperii fundamentalibus limitatam.

### §. XI.

#### *Quæ jura contineat.*

Cum superioritas territorialis sit majestas legibus Imperii fundamentalibus limitata, (§. X.) ex majestatis vero natura & essentia omnia jura majestatica, sive regalia, quæ in Politica exponuntur, largissimo alveo profluant; (C. I. §. XXXVI.) eadem jura quoque ex superioritate territoriali emanant, nisi quorundam jurium exercitium limitatum sit legibus Imperii. Hinc superioritas territorialis omnia jura majestatica complectitur, nisi leges Imperii in quodam jure limites designent.

### §. XII.

#### *Præsertim ex moribus Germanorum.*

Illud quoque patet, cum nos de Germana-



mania sermonem instituamus, superioritatem territorialem complecti ea etiam jura regalia omnia, quæ moribus Germanorum majestati sunt adscripta. (C. I. §. XXXIX) Omnis enim, quæ apud Germanicas gentes exercetur, majestas, ea jura ex istius populi instituto secum conjuncta habet.

## §. XIII.

*Monitum.*

Ea vero limitum positio, quæ in superioritate territoriali occurrit, non impedit, quin præsertim Electores Imperii, quorum potestas minoribus circumdata terminis est, quorum quoque quidam terras possident, regni cujusdam ambitu haud minores, nec opibus sæpe infirmiores, Regibus comparentur. Neminem enim, ut arbitror, fugit, Regum etiam plerorumque in Europa potestatem limitibus non vacare.

## §. XIV.

*Debetur jure hæreditario.*

Ea superioritas territorialis debetur Principibus Imperii jure hæreditario, quatenus ii descendunt ab eo, in quem primum id dignitatis & potentiae collatum

tum fuit, eodem modo atque in regnis hæreditariis nisi quod fœminæ ex regula exclusæ sint. Habenda tamen etiam hic est ratio inprimis pactorum familiarum & consueti in iis regionibus succedendi modi. Unde si jam jus primumgenitorum familiæ cujusdam pactis stabilitum sit, primum quoque genitus tantum succedit. Ita quoque si ea provinciæ consuetudo adsit, fœmina deficientibus masculis succedit.

## §. XV.

*Confirmatur ab Imperatore.*

Solet tamen hæc potestas, quæ jam ipso jure hæreditario competit, adhuc soleniter per investituram quandam à Cæsare confirmari. Quæ investitura & propter eas terras præstanda belli ingruente tempestate servitia id efficiunt, ut feuda adpellentur regiones statuum Imperii, iique terras suas clientelari nexu à Cæsare, vel potius Imperio recognoscere dicantur. Eo vero vinculo clientelari nihil aliud declarant Principes, quam usuros se potestate sua secundum Leges Imperii, & cum Cæsare totoque Imperio Germanico in societate quadam & fœdere permansturos.

## §. XVI

## §. XVI.

*Monitum.*

Illud ceterum ad potestatem & superioritatem in territorio ipsam augendam minuendamve nihil confert, sitne illa Principi à populo suo collata, an ab Imperio & Cæsare solenni quodam ritu per investituram confirmata, quæ jam antea jure debita fuit. Nam etiam à populo tradita hac potestate maneret ejusdem limitatio legibus Imperii fundamentalibus introducta, quoad iste populus eave regio cum toto Germaniæ Imperio eadem compage juncta manet.

## §. XVI.

*De gradibus superioritatis.*

Ceterum quoniam limites, quibus circumdatur superioritas territorialis, vel ampliari, vel restringi possunt, aliterque poni, gradus hoc modo superioritatis territorialis adesse possunt, qui vel intenduntur vel minuntur, limitibus ipsis aliter determinatis. Ac primum quidem illud certum est, legibus Imperii fundamentalibus minores Electorum potestati terminos circumseptos esse, unde certe majori gradu renidet in E-

lectoribus illa superioritas, quam in reliquis Germaniæ Proceribus. Tum etiam cujusque in Germania provinciæ statutis alii limites ei potestati circumferri possunt, prout nimirum Statuum ejus provinciæ consensus in exercitio jurium quorundam regaliū accedere debet. Quod cum in unaquaque fere provincia aliter determinari queat, gradus etiam superioritatis in ejus regionis Principe variare possunt. Maxima vero limitatio adest in plurimorum Principum Ecclesiasticorum potestate, unde profecto minor eorum superioritatis gradus est, quam reliquorum Principum, sed universa divisa est inter ipsos Principes Ecclesiasticos & Capitulum.

#### §. XVIII.

*Gradus ii non semper iidem fuerunt.*

Eodem modo quo jam gradus superioritatis territorialis non iidem sunt, ique vel augeri vel minui possunt, ita neque semper idem gradus hujus superioritatis penes Ordines Imperii fuit. Gradus eos successu temporis adauctos subinde esse, historia Imperii nostri satis docet. Nostrum jam non est, eorum sen-

sententiam refellere, qui jam Conradi I. temporibus plenam superioritatem territorialem Statibus Imperii competiisse, existimant, id quod jam dudum factum est à summis Viris, *Hertiis, Gundlingiis, Speneris*. Tantum de jure metallifodinarum quædam in medium adducam. Jus hoc ex Germanorum sententia nunquam non regale existimatum fuit, quod majestati competeret (C. I. §. XXXIX.) et jam quoque superiori-  
tati territoriali, ex qua id profluat, vindicatur recte. Nihilo tamen secius id olim Ordinibus Imperii non nisi ex speciali Regis concessione, vel uniuscujusque longa seu potius immemoriali possessione competiit. Sic Marchiones Misniæ, Comites Ruthenos itemque Episcopos Mindenses id juris ex Regum speciali concessione & investitura olim exercuisse, constat. Qua concessione cum Bohemus non gauderet, neque in ejus forsitan juris diuturna possessione esset, Albertus I. metallifodinis in Bohemia detectis, id juris negavit Bohemo, sibi-que tanquam Regi vindicavit, cui id ab antiquis inde temporibus soli tribuerant Germani. Sed ne Carolo IV. qui-

dem regnante omnes eo jure regali Principes gaudebant, verum Electoribus id privilegii tributum est in Aurea Bulla, omnium Statuum consensu publicata.

### §. XIX.

#### *De Caroli IV. tempore.*

Ac Caroli IV. quidem tempora si universim cum hodiernis nostris conferas, facile arbitror concedes, nondum tunc attigisse superioritatem territorialem Principum, si generatim spectetur secundum ea jura, quæ tunc ordinarie cum ea conjuncta fuerunt, eum gradum, quem jam attigit. Notum est etiam tironibus Juris Publici Germanici, in celeberrima ista Aurea Bulla Caroli IV. varia Electoribus eximia jura regalia concessa fuisse, inprimis jus metallifodinarum, jus de non adpellando evocandoque. Quod si igitur ea jura jam ex superioritate territoriali penes eos fuisse, adfirmas, cur, quæso speciatim iis privilegii instar concessa sunt? Res inutilis hoc modo videtur acta esse. Nam alioquin omnia reliqua jura regalia, quæ superioritate continentur, ac jam tunc temporis contenta fuerunt, eodem



dem iis modo ab Imperatore speciatim concedenda fuissent.

§. XX.

*An superioritas contineat jus de non adpell.*

Generatim vero difficile est, adfirmare, Jus de non adpellando ex superioritatis territorialis notione manare. Equidem superioritatem territorialem esse majestatis ἀναλογίαν, omniaque jura majestatica complecti, nisi quoddam legibus Imperii speciatim exceptum sit, supra diximus. (§. XI.) Ab eo itidem, in quo majestas relucet, in Republica amplius adpellari posse, propterea negavimus, (§. VII.) quia in civitate non inveniatur major eo, penes quem majestas est. Enimvero terræ Germanicæ non tantum singulæ subjectæ sunt domino territoriali, qui majestatica in iis jura exercet, sed etiam quamvis remotiori & laxiori quadam ratione subjectæ sunt Imperio & Impeatori, ideòq; adest superior Judex, Cæsar & Imperium, quorum nomine suprema Imperii Tribunalia jus dicunt. Hinc cessabit ratio, ob quam a Principe Germaniæ ex regula adpellari non possit. Atque hinc quoque difficile est, Jus de non ad-



adpellando ex superioritatis territorialis natura derivare.

§. XXI.

*De acquisitione hujus privilegii per pactum cum subditis.*

Universos regionis cujusdam cives repræsentant Status provinciæ. Quidquid ii adprobant, id omnes quoque ejus provinciæ cives adprobasse censentur, quidquid ii faciunt, hi fecisse. Cum igitur ex pacto cum civibus inito privilegium adquiri possit, dum ii renuntient juri suo in cujusdam gratiam, quod solum ipsorum commodum respexit, isque hoc accipiat atque hoc modo speciale quoddam jus consequatur (C. I. §. XCIV.) status etiam ejus regionis nomine & vice omnium subditorum juri huic adpellandi renuntiare possunt, ne in posterum à principis sui judiciis ad suprema Imperii Tribunalia adpellent subditi. Princeps id accipit. Atque idcirco ex hac conventionem cum subditis inita speciale jus & privilegium consequitur. Dum itaque prohibere quisque potest, ne violet alter promissionem suam pactumve, dum facit, quod facturum se non esse, promiserat, Princeps

ceps quoque hac ratione prohibere potest, ne adpellent subditi ad Imperii Tribunalia, quoniam aliter promissum violarent suum idque facerent, quod se non facturos, promiserant. Cum igitur jus prohibendi, ne ad superiorem adpelleretur Judicem efficiat jus de non appellando, (§. I.) Princeps hoc modo jus de non appellando accipit.

§. XXII.

*Objectio diluitur.*

Audio te mihi objicientem, quæ à nobis ipsis supra. (C. I. §. LIV.) stabilita sunt, ut nemo scilicet in alterius detrimentum atque incommodum juri suo renunciare possit. Ego vero quod Imperatoris incommodum inde oriatur, haud equidem intelligo. At est enim Cæsar superior in Germania Judex, quam ejus nomine potestatem exercent Imperii suprema tribunalia. Sed manebit etiam postea superior Judex, exercebunt etiam postea ejus nomine & vice suprema Imperii Tribunalia eam potestatem. Manebit igitur superior Judex Cæsar? at quomodo? nisi tu enim id luce clarius demonstres nobis sententia tua concidet cum fragore. Bona ver-

ba quæso & videbis manere Cæsarem superiorem Judicem, servari Jurisdictionem ipsam Imperii Judiciorum. Possunt igitur legum in Germania publicarum observationem tueri, quoties quid committitur contra eas leges ab Ordinibus Imperii, possunt in causis fractæ pacis publicæ evocare subditos eorum Principum, qui non gaudent jure de non evocando, cognoscent etiam de causis civilibus Ordinum & Nobilium Imperii. Libera quoque propterea manet querela de justitia denegata, sive jure protracto. Anne igitur sic manet superior Judex Cæsar? anne retinebunt Jurisdictionem suam Imperii Judicia? Quis neget, Electoribus quoque superiorem esse Judicem Imperatorem? Et tamen is de adpellationibus ab eorum judiciis cognoscere nequit. Taceo finem institutæ à Maximiliano Cameræ primum fuisse, ut pax publica in Germania stabiliretur, (C. II. §. XCII.) dolendumque jam merito esse, ut privatorum civiles causæ ad eam adpellando perductæ, Judicium hoc illustre mole sua fere obruant, totius Reip. Germanicæ malo.

## §. XXIII.

*Citatur Carpzovius.*

Ac deprehendi quidem eundem in modum disferentem *Bened. Carpzovium* in *Diff. de Privil. Elect. & Duc. Sax. de non adpell. C. III. §. 32. n. 23.* agentem de acquisitione hujus privilegii per præscriptionem. *Unicum addo*, inquit, *quod superioritati ac majestati nequaquam officiat hæc præscriptio. Nec enim extreme provocationis concessio inducit exemptionem universalem, nec jus superioritatis tollit, quia semper excepta videtur querela super denegata vel protracta justitia, & vel saltem causæ in prima instantia Imperatori & Cameræ subjectæ scrupulum hunc possunt diluere.* Adduxi hæc tantum eam ob causam, ne paradoxæ plane videatur sententia nostra. Quo igitur melius adhuc convincam lectoris animum, adjiciam sequentibus §is quædam, quæ omnino dubiis vacare efficient sententiam nostram, si quæ forte adhuc resederint in legentis animo.

## §. XXIV.

*Uterior expositio.*

Singulos quidem facultati adpellandi  
re-

renuntiare posse, supra dixi (C. II. §. XV.) idque omni dubio caret. Neque sic incommodum Judici superiori adferri, quisquam adfirmabit. Hinc illud quidem satis clare efficitur, ex universa civium societate sigillatim omnes facultati adpellandi renuntiare posse. Aliter enim quod alteri liceret, non permisum foret alteri, atque ita quibusdam tantum id ex privilegio licere oporteret (C. I. §. LXXXIV.) Finge igitur, singulos cives omnes renuntiassē conventionē quadam cum Principe suo inita facultati adpellandi, atque sic illud saltem certum est, singulos eos omnes ob id pactum suum adpellare amplius ad Cæsarem Imperiique Tribunalia non posse. Anne igitur sic Princeps singulos eos omnes prohibere potest, ne ad Imperii Tribunalia adpellent? Potest. At omnes socii, dummodo jam simul omnes ponantur, efficiunt societatem, de qua quæritur. Ergo hoc modo universa societas renuntiavit haud quidem illicite juri suo adpellandi, quod in ipso tantum favorem proditum fuit. Ac eodem modo semper licet universæ societati, quod singulis omnibus ex ea licet,

cet, nisi salus publica id vetet. At eam quidem id in nostra causa proposita, interdicere, nemo adfirmabit.

## §. XXV.

*Amplior illustratio.*

Tum quoniam de incommodo Cæsaris objicientium sermo est, videndum est, quid sit damnum incommodumque, quid non sit. Damnum esse illud demum malum, quod ex læsione venit, naturalis juris doctores tradunt. Læditur vero alter, dum officiis tuis erga ipsum contrarium quid committis. Quod si ergo damnum ex hac subditorum promissione Cæsari enasci, contendas, ostendas, subditos, dum secundum hanc promissionem suam ad Cæsarem non amplius adpellant, officiis suis erga eundem contrarii quidquam committere, vel saltem sic impediri, ut officia sua erga Cæsarem non eodem modo, uti quidem antea, exequi possint. Hoc igitur proba, aut sententia nostra firma manebit.

## §. XXVI.

*Nova illustratio.*

Atque idem illud est, quod ipsi Impera-

P

ra-



ratoris Confiliarii suaserunt Fridericū  
 Wilhelmi Electoris Brandenburgici Le-  
 gato in aula Cæsarea, cum is privilegi-  
 um de non adpellando à Leopoldo Cæ-  
 sare, quod pertineret ad Magdeburgen-  
 ses, Halberstadienses aliasque noviter  
 adquisitas terras, flagitaret an. 1685. fa-  
 tius nimirum esse, ut Ordines Provin-  
 ciales eò adducerentur, ut ultrò isti ad-  
 pellandi beneficio suo renuntient, uti  
*Samuel Pufendorfius* commemorat L.  
 XIX. *Rer. Brand.* §. I. Ceterum consen-  
 tit cum doctrina nostra *Hertius Diss. de*  
*Superiorit. Territ.* §. 30. itidemque  
 quem jam memoravi, *Carpzovius* in  
 citata *Dissert. de Privil. Elect. & Duc.*  
*Sax. de non adpell.* C. III. §. 33. 34. seqq.  
 qui ex literis Augusti Electoris Saxoniae  
 ad Ferdinandum I. an. 1558. conscriptis  
 probat, Duces quondam Saxoniae, in-  
 primis, ut *Carpzovius* putat, Wilhel-  
 mum III. consensu omnium statuum  
 provincialium constituisse, ne quis sub  
 poena banni adpellare animum induce-  
 ret. Quod & Ferdinandus I. in privi-  
 legio genti Saxonicae dato repetit, atq;  
 hoc ipso facto ejus generis pactum ad-  
 probavit.



## §. XXVII.

*De acquisitione hujus privilegii per tacitam civium renuntiationem.*

Qui factis declarat, velle se sublatum esse jus suum, is tacite ei renuntiat (C. I. §. LX.) Cum igitur universitates & consociationes juri suo tacite renuntiare possint, (C. I. §. LXI.) efficitur inde, ut subditi quoque omnes juri adpellandi suo tacite renuntiare possint, quoniam id possunt expresse (§. XXI. seqq.) Ac quoniam sic privilegium concedere possunt cives, Si de ipsorum commodo vel incommodo tantum agitur (C. I. §. XCIV.) subditi sic quoque Principi suo privilegium de non adpellando constituent.

## §. XXVIII.

*Exemplum.*

Quod si igitur Princeps publico edito caveat, ne amplius subditi à Judi-  
ciis ipsius ad Imperii Tribunalia adpel-  
lent, iique adquiescant, neque amplius  
adpellent ad Cæsarem, neque de ea re  
coram illo conquerantur, admittunt a-  
ctum juri suo contrarium (C. I. §.  
XVIII.) atque hoc facto Principi suo

concedunt privilegium de non adpellando (C. I. §. XCVI.) quoniam is hoc facto prohibendi jus accipit, ne postea adpellent subditi ad Cæsarem (§. I.)

§. XXIX.

*Aliud exemplum de adpellationum  
desuetudine.*

Privilegium concedere cives, qui diuturno quodam temporis spatio vel sæpius data occasione jure suo non utantur, ut sic commodum cui redundet, quod aliòquin ob hujus obligationem redundare non poterat, supra dixi (C. I. §. XCV.) Quamobrem sic quoque privilegium de non adpellando concedent Principi suo subditi.

§. XXX.

*Quid in hoc exemplo considerandum sit.*

Enimvero si ullum difficulter usu applicatur theorema, hoc sane difficillime. Nam primum is demum jure adpellandi usus non est, qui non adpellavit à sententia judicis iniqua & injusta. (C. II. §. XII.) Hinc si non adpellent subditi, propterea quod Judices æquitatem semper in pronuntiando, saltem

ex subjectorum opinione secuti sunt, non renuntiant tacite juri suo adpellandi, quia non adfuit occasio utendi. Tum illud quoque magnopere observandum est, posse contingere, ut unus alterve ex subditis, male forsitan de ea re instructi, adpellandi jure suo usi non sint, quod omnium subditorum consensum haudquaquam involvit. Deinde illud etiam prætermittendum non est, adesse in Germania alia quoque remedia, quibus iniqua Judicum sententia corrigatur, unde sic libertas adest, an adpellare malis, an alia ratione jus tuum obtinere (C. II. §. XVI.) Libertati vero tum demum renuntia-  
tur non utendo, cum sæpius neglexeris alterutro jure uti, quoties non aliud remedium avertendi damni, utilitatisve consequendæ tuæ superfuit, (C. I. §. LXXIX.) v. g. si non aliter damnum ex iniqua Judicis sententia impendens propulsare potuerunt subditi, quam adpellando. Quod si vero ingens temporis spatium seu potius immemorabile effluxerit, quo nunquam â Principis sui judiciis ad suprema Imperii Tribunalia adpellaverint subditi, tum sane

maximus verisimilitudinis gradus adest, eos juri adpellandi suo tacite renuntiassent. Nam primum illud in hac rerum serie, quæ imperfectionibus exempta non est, vix continget, ut omnes Judices alicujus regionis Principi inprimis opibus valenti subiectæ omnibus semper causis legibus convenienter pronuntient, utpote quarum adplicatio multum sæpissime difficultatis excitat, quantumvis omni etiam subtilitate careant leges. Saltem partes litigantes iniquam sæpissime putabunt sententiam æquam vel ignorantia legum, vel adfectu quodam cæco ductæ. Atque ea ratione si immemorialis temporis ratio habeatur, consensus omnium etiam civium facilius patebit. Quin & cessabit hoc modo, quod tertio loco monuimus. Non enim semper leuterando supplicandove propellitur incommodum ex iniqua Judicis inferiori sententia imminens, sed ad eam causam sæpius opus est adpellationis remedio. Solet quoque prætereà ad adpellandum facilius esse litigantium animus, quam ad supplicandum vel leuterandum, quoniam nimirum persuadent sibi, Judicem,

cem, quem experti sunt, ut putant, semel iniquum, eum quoque postea se præbiturum, nec correcturum esse, quam pronuntiavit ipse sententiam. Cum igitur maximus verisimilitudinis gradus, qui in hac causa adest, veritati conferatur in rebus facti, renuntiaverunt hoc modo cives juri suo adpellandi, quo immemoriali tempore usi non sunt, atque sic privilegium de non adpellando in Principem suum contulerunt. Ac ea quidem ratione Duces Wirtenbergicos jus de non adpellando adquisivisse, supra exposui. (C. II. §. CV.) Tametsi quoque Camera Imperii eam præscriptionem non sufficere ad privilegii hujus acquisitionem, in causa quadam speciali pronunciaverit, uti *Rosenthal de Feud. C. V. Concl. 16. in not. lit. a* refert, id tamen jus in aliis causis non constituit. Potius communis Germaniæ usus fert, ut immemoriali tempore omnia jura vel adquirantur, vel amittantur. (C. I. §. CXII.)

## §. XXXI.

*Monitum.*

Contingit aliquando, ut aliarum quoque regionum civibus cum nostris in-

tercedat lis judiciis nostris agitata. Ii quidem cum sic omnibus provinciæ nostræ legibus, consuetudinibus & statutis teneantur, quantum ex iis ad hæc liti-um genera pertinet, nec eos quidem sic adpellare posse, existimaverim, si vel expresse, vel tacite à civibus nostris adpellandi juri renuntiatum fuerit.

§. XXXII.

*Quando hoc privilegium a summo Imperante concedendum.*

Privilegia à summo Imperante concedi posse, imo concedenda esse, quoties ipsi cives commoditatibus suis renuntiare recusent, docui. (C.I. §. XCVII.) Quod in primis ei licere, exposui, cum incertum sic tantum lucrum, incerta commoditas iis adimatur, resque cum publica salute consentiat. (C.I. §. XCVIII.) Cum igitur maxime sit incertum adpellationis auxilium indeque obtinenda commoditas, idque omnino publicæ saluti consentaneum sæpius sit, privilegium etiam de non adpellando à summo Imperante concedi potest, si cives ipsi adpellandi juri suo renuntiare tergiverentur.

## §. XXXIII

*An & quomodo ab Imperatore  
concedi possit.*

In Germania Imperator salva superioritate Ordinum territoriali, exceptisque iis, quæ pacta & inprimis Capitulationes aliter determinarunt, seu potius, quantum ei possessio vindicat, supremus Imperans est. Ergo non tantum inde à vetustissimis temporibus Reges largiti sunt varia de non adpellando privilegia, verum & hodiernum ea concedere possunt, cum id neque superioritatem Principum territorialem imminuat, neque consuetudine, neque pactis aliter determinatum sit. In *Capitulatione* tamen novissima *Carolina* provisum, ne in ejus generis privilegiis concedendis nimis facilis sit Imperator, sed potius paterno more agat. Verba §. 18. ea sunt. In Ertheilung aber der jetzt gemeldten Privilegiorum de non adpellando, non evocando, Electionis fori und dergleichen, welche zu Ausschließ- und Beschränkung des H. Reichs Jurisdiction, oder der Stände ältern Privilegien, oder sonst zum Präjudiz eines Tertii ausrinnen können,

P 5

sol-



sollen und wollen Wir die Nothdurfft Väterlich beobachten. Comparantur nimirum Parentibus Reges, subditi filiis. Parentes igitur cum ad salutem felicitatemque filiorum omnia referant, Reges quoque si paterno more imparent, ad salutem subditorum, non suam, exigunt omnia. Patet itaque obligatum esse his Capitulationis verbis Imperatorem, ut antequam privilegia de non adpellando concedat, disquirat inprimis, an id ad salutem subditorum pertineat, eosque paterno more audiat, neque iis invitis adpellandi jus suum adimat, nisi id ad ipsorum salutem felicitatemque maxime pertinere cognoverit.

#### §. XXXIV.

*An tacite ab eo concedi possit.*

Jus de non adpellando est privilegium. (§. III.) Quod cum à summo Imperante tacite quoque concedi possit, (C. I. §. CII.) jus de non adpellando etiam tacite ab eodem concedi potest.

#### §. XXXV.

*Exemplum.*

Quod quo pacto fieri possit, præsertim in Germania, videbimus. Nimirum

rum Cæsar, vel ejus nomine suprema Imperii judicia adpellationes ab Ordinum in Germania judiciis interpositas recipiendi discutiendique jus habent. Quod si igitur quidam ex Imperii statibus contradixerit Cæsari, ne recipiat provocationem, isque adquiescat neque eam recipiat, dum sic actum contrarium juri suo admittit, tacite privilegium ei, qui contradixit, concedit. (C.I. §. CIII.) Quod si aliis causis impeditus fuit, quo minus jure suo usus sit Imperator, tum renuntiasse statim juri suo & privilegium concessisse, dici vix potest. (C. I. §. LXVI.) Unde hoc facto multum refert, ut temporis aliquod spatium effluerit post factam contradictionem. Quod jam multo magis necessarium est, quo Imperator interea disquirere potuerit, an id subditorum salutis consentiat. (§. XXXIII.)

§. XXXVI.

*Aliud exemplum.*

Eodem modo si Imperator cognoverit, quendam ex Ordinum numero prohibere sibi subjectos, ne amplius ad ipsum vel suprema Imperii judicia adpellent,

lent, neque eum prohibeat, tacite sane hoc facto privilegium de non adpellando ei concedit (C.I. §. CIV.) Quoniam vero Imperatori disquirendi tempus esse debet, an id subditorum felicitati congruat, isque impedimentis solutus esse debet, meritò ob eam causam temporis spatium accedat, oportet.

§. XXXVII.

*Jus de non adpell. adheret  
dignitati.*

Principes Electores aliosque nonnullos privilegio de non adpellando instructos esse, superiori Capite docui. Gaudent vero Electores Imperii eo jure propterea quod sunt ii, penes quos est Romanorum Regem eligendi potestas, gaudet Sueciæ Rex idcirco, quod est Dux Pomeraniæ, Princeps Rugiæ & Dominus Wismariæ. Quamvis igitur ante Caroli IV. aliorumque Regum concessionem specialem id juris non fundatum fuerit in Electorali dignitate, ideòq; facultas adpellari non possit (C.I. §. XIII.) attamen postquam Carolus IV. id Electoribus omnibus, Ferdinandus III. Regi Sueciæ, qua Duci Pomeraniæ, concessit, ratio jam ejus juris exercen-  
di

di continetur in Electorali dignitate, in Ducis Pomeraniæ quoque dignitate. Possumus itaque libere adfirmare, jus de non adpellando adhærere dignitatibus iis. Hinc in quibus terris Electores considerandi sunt, uti Electores Imperii, Regesve Sueciæ, uti Pomeraniæ Duces, in iis exercent jus de non adpellando. Non repugnabo etiam, si dicas, datum esse id privilegii à Carolo IV. in omnibus iis terris, quas tum possederunt.

§. XXXVIII.

*An in provinciis noviter acquisitis  
exerceatur.*

Cum igitur in provinciis noviter acquisitis non considerandi sint ut Electores, sed pro ea dignitate, quæ cum hac terra conjuncta est, privilegium hoc ad provincias noviter acquisitas non pertinet. Alia ratione ita etiam argumentum duces, quoniam à Carolo IV. privilegium hoc Electoribus tantum in iis terris indultum sit, quas tum possedere, extendi id non posse ad postea acquisitas terras, quia privilegium ultra voluntatem concedentis extendendum non sit. (C. I. §. CXVI.)

## §. XXXIX.

*De usu Germaniæ.*

Congruit id quoque usui & observantiæ Imperii nostri. Electores enim privilegium hoc non exercere, constat, in terris, quæ ab Electoralibus separatam rationem habent, nisi speciatim id quoque concessum fuerit. Sic Elector Brandenburgicus non exercet id juris in reliquis provinciis suis, in quibus ut Elector non reputatur. Eodem modo Magnæ Britanniæ Rex in Germania possidet Ducatum Lauenburgicum. Sed cum in ea provincia non spectetur esse Elector Brunsvicensis, sed Dux Lauenburgicus, jus quoque de non adpellando in ea regione haud exercet.

## §. XL.

*Dignitas Electoralis adhæret terris.*

Dixi itaque, adhærere jus de non adpellando ex concessione Imperatorum dignitati Electorali (§. XXXVII.) Jam provehamur amplius. Ostendam enim nunc, dignitatem Electoralem ita conjunctam esse cum terris antiquitus cum eadem connexis, ut ab iis separari amplius nequeat, sed potius simul cum terris ipsis ad legitimos quoscunque pol-

possessores transeat. Atque hac in re ut partibus meis fungar, verba ipsa *Aureæ Bullæ*, C. XX. princ. tota huc transcribam, utpote quæ omnem rem luce quidem clarius exponunt. Atque ea ita se habent: *Præsenti Edicto Imperiali perpetuo valituro sancimus, unumquemque Principatum prædictorum cum jure & voce Electoris ac officio ceterisque omnibus dignitatibus, juribus & pertinentiis ad ipsum spectantibus ita perseverare & esse debere unitum perpetuis temporibus indivisibiliter & conjunctum, quod Possessor Principatus cujuslibet, etiam juris, vocis, officii, dignitatis & pertinentiarum omnium ad illum spectantium quæta debeat ac libera possessione gaudere, ac Princeps Elector reputari.*

#### §. XLI.

*Dignitates reliquæ terris coherent.*

Eadem plane ratione dignitates Ducum aliæque ita cohærent terris suis in Germania, ut hæ quidem separari ab iis nequeant, sed potius simul cum iis honorum titulis ad legitimos quoscunque possessores transeant. Hinc *Friedericus I. Imperator in Diplomate Henrico*

rico Austriaco dato ait: *Marchionatum Austrie & dictam Marchiam supra Anasum commutavimus in Ducatum.* In Diplomate Friderici II. Ottoni Duci Brunsvicensi & Luneburgensi primo dato apud Meibomium, Maderum, Leibnitium ita se habent verba: *Præterea--castrum de Luneburch, de quo nemini tenebatur, & civitatem Brunsvic univimus & creavimus inde in Ducatum.*

### §. XLII.

*Jus de non adpellando est privilegium reale.*

Cum igitur jus de non adpellando adhæreat dignitati Electorali vel alii (§. XXXVII. hæc vero cohæreat determinatis quibusdam terris (§. XL, XLI.) jus etiam de non adpellando eodem modo, uti ipsa dignitas, determinatis quibusdam terris cohæret, quæ scilicet ad dignitatem eam pertinent, ideoque privilegium est reale (§. III. C. I. §. CXXIX.)

### §. XLIII.

*Dubium Bergeri.*

Dubium contra eam sententiam movet *Fridericus Ludovicus N. D. de Berger*  
in



in Differtatione de *non cessibili qualitate juris de non adpellando*, quam *Ani-madversionibus suis ad Cocceji Prudentiam Juris Publici* subjunxit. Existimat isenim, magis esse, ut privilegium personale sit, atque ad familiam certam simul adstrictum, quæ vocantur mixta. (C.I. §.CXX.) Citat propterea privilegium Friderici I. Henrico Austriaco Duci concessum, quo id privilegii ad familiam Henrici Ducis tantum restrictum esse videatur. Id enim innuere verba: *ob singularem favorem, quo erga dilectissimum Patrum nostrum Henricum Austriae Ducem, nec non erga terram Austriae afficimur*. Magis id quoque innuere ejusdem diplomatis verba: *ita tamen, quod ab ejusdem sanguinis stipite non recedat*. Sed licebit obis pace ipsius in hoc argumentum ejus paulo adcuratius inquirere. Sic enim fiet, ut quanquam jam antea, solidissima, ut existimamus, ratione theorema nostrum demonstratum sit, tamen majori lectorum animus fiducia convincatur, si dubia quoque cuncta fuerint remota.

## §. XLIV.

*Responsio.*

Concefferim igitur primum, senten-  
Q tiam

tiam nostram valituram non esse, si expressis verbis in Imperatoria concessione privilegium istud ad familiam quandam restringatur, quod in Austriacorum privilegio factum esse, persuasit sibi *Dnus de Berger*. Nam etsi Electorales quoque dignitates ex regula cohæreant semper determinatis quibusdam terris Electoralibus, (§. XL.) nihil tamen secius cum erigerentur octavus nonusque Electoratus, quamvis ii terris quibusdam simul connecterentur, cautum est, ut, familiis, cui ii concessi sunt, extinctis, Electoratus quoque extinguerentur, neque tum amplius cum iis terris conjuncti essent. Atque ea ratione dubium non est, quin familiis iis extinctis, Electorales quoque dignitates evanescant, neque amplius iis regionibus cohæreant. Summum enim in Rep. Imperantem, si privilegium concedat, jus tibi datum limitatione quadam circumscribere posse, quæ alioquin in isto jure communiter non adfit, facile quidem per se patet. Nihilominus tamen cum hoc, quod de octavo & nono Electoratu adduxi, ad reliquos Aurea Bulla confirmatos extendendum non

non fit, neque privilegii de non adpellando concessio extra ordinem ad familiam quandam restricta regulam constituere, atque ad alia de non adpellando privilegia, de quibus id diserte provisum non est, proferri potest. Cum enim Princeps in literis concessionis jus, quod concedit, non limitaverit, notio ejus juris communis sequenda est (C. I. §. XC. CXXXIII.)

## §. XLV.

*Continuatur.*

Tum etiam illud, ut arbitror, probe notandum veniet, quod Friderici I. temporibus Archi-Officia nondum ita cohæserunt terris quibusdam certis ac definitis, atque ea quidem nunc cohærent. Ut quædam exempla hujus rei in medium adferam, constat, Friderico I. regnante Archi-officium Trutseti, quem Latio sermone Dapiferum vocant, a Ducatu Sueviæ, quocum hucusque connexum fuerat, separatum esse, traditumque Comiti Palatino. Eodem modo cum Baviariæ Ducatus restitueretur Henrico Leoni, isque jam propter Saxoniam Archiofficialium in numero esset, transtulit Imperator Archi Pin-

cernæ officium, quod penes Bavariæ Ducem fuerat, ad Ottocarum Bohemiæ Regem sine ullis terris, quod fieri non potuisset, si dignitates eæ jam tum ita cohæsisissent regionibus quibusdam determinatis, a quibus disjungi nequeant (§. XL.) Hodiernis itaque temporibus id non licere, patet, cum Archi-officia ea, a quibus eligendi Romanorum Regem facultas pendet, terris quibusdam certis cohæreant. Comites Palatinos de Rheno tenuisse olim propter munus suum feuda prope Aquisgranum in Ducatu Juliacensi, ex *Tölneri Historia Palatina* constat. Eo vero tempore recesserunt Comites Palatini in eas terras, a quibus nunc Archi-Palatini Comitum officium pendet, eas, quas prope Aquisgranum possederant, Comiti tum Juliacensi inprimis, clientelari feudi nexu concesserunt. Quod profecto fieri non potuisset, si jam tunc temporis cohæsisset Palatini Comitum dignitas iis terris, quibus nunc indissolubili quodam vinculo cohæret. Notum quoque est, Fridericum I. creasse Ladislaum Bohemiæ Regem, qui hucusque Dux fuerat. Ea tamen dignitas non conjuncta tum fuit

fuit cum terris ipsis Bohemicis, quod demum factum est Philippo regnante ejus filio. Omitto, quæ de Henrico Leone Ducatu Saxoniae iniquum in modum spoliato notare possem, nimirum quod Saxoniae Ducis dignitas postea Bernhardo Ascaniae Comiti collati sit sine feudis iis, quæ antiquitus Duces Saxoniae propter hoc, quod gesserunt, munus tenuerant, utpote quæ cesserunt Electori Colonienfi. Quod cum hodie mutatum prorsus sit, non licet de iis temporibus argumentum proferre ad hæc nostra.

### §. XLVI.

#### *Uterior dubiorum solutio.*

Neque etiam verba ipsa: *ob singularem favorem, quo erga delectissimum Patrum nostrum Henricum Austriae Ducem afficimur*, id nobis indicare videntur, ut propterea privilegium Austriacum, multo minus reliqua de non appellando privilegia existimentur personalia potius, quam realia. Ratio enim nulla sufficiens adest, ob quam privilegia gratiosa (C. I. §. CXIII.) realia simul esse nequeant. Taceo, quod ejus generis verba in plerisque tantum non privilegiis

â Germanorum Regibus concessis inveniantur. Omitto quod sic quoque ipsa Ducis dignitas ad familiam tantum Henrici Ducis restricta debuerit esse, quod nec ipse *Dnus de Berger* adfirmabit.

§. XLVII.

*Amplior responsio.*

Atque ita putabam primum, dubiis *Dni de Berger* responderi posse. Postea evolvi ipsum diploma Friderici Cæsaris, quod est apud Cuspinianum & Limnæum. Examinavi verba alia â *Bergero* citata, quæ quidem huc integra transcribam: *Inter Duces Austriæ qui senior (primumgenitus) fuerit, dominium habeat dictæ terræ. Ad cujus etiam seniore filium jure hereditario deducatur: ita tamen, quod (ut) ab ejusdem sanguinis stipite non recedat, nec ducatus Austriæ ullo unquam tempore divisionis aliquis recipiat sectionem.* Uterque paragraphus hic citatus, ut mihi quidem videtur, non loquitur de Jure de non adpellando, sed tantum de successione in Ducatu Austriaco, ut nimirum primumgenitus filius atque ex ejus posteris rursus primum genitus dominium ejus terræ habeat, ita tamen ut primum-



mumgenito sine filiis decedente, ejusve linea extincta, reliqui agnati ab eodem sanguinis stipite progerminantes nequaquam tum excludantur à successione. Ac ita intelligenda quidem mihi videntur verba: *ab ejusdem sanguinis stipite non recedat.* Carolus V. in Diplomate Germanico, quo Austriacorum jura confirmavit, quod est apud Limnæum, ita vertit: Der ältist unter den Herzogen soll die Herrschafft des Landes haben, und nach ihm sein ältister Sohn, erblich, doch also daß er von dem Stammen des Bluts nicht käm, und daß diß Herzogthum nimmermehr getheilet soll werden. Ex qua versione Germanica denuo elucet, quæ hic scripta existunt, tantum de successione intelligenda esse.

#### §. XLVIII.

*Jus de non adpellando cedi potest.*

Jus igitur de non adpellando est privilegium reale. (§. XL. sqq.) At quoniam privilegium reale simul cum ipsis terris ad omnes possessores transit, iisque cedi potest, (C. I. §. CXXX.) Jus quoque de non adpellando simul cum regionibus, quibus cohæret, aliis cedi potest.



## §. XLIX

*Quando libere cedi possit.*

Quoties igitur regio ipsa, cui hoc privilegium cohæret, in alios transferri potest libere, toties etiam Jus de non adpellando cum ea regione connexum libere in alium transferri, eique cedi potest cum terris ipsis.

## §. L.

*De translatione feudorum in Germania.*

Germanorum moribus atque institutis ea servatur ratio, ut omnes terræ regales à Cæsare & Imperio feudi jure accipiantur. (§. XV.) Qua ratione confirmatur Principi superioritas jam antea ex jure hæreditario (§. XIV.) vel ex pacto cum Imperatore inito, atque inprimis ex simultanea investitura debita. Quoties igitur in eum transferenda terra regalis (voco autem terram regalem eam, quacum dignitas connexa est, ex qua superioritas territorialis pendet,) cui neque ex jure hæreditario, neque ex pacto cum Imperatore debetur, is non potest necessario jure investituram quasi jam antea sibi debitam, ab Imperatore postulare, & cum feuda in Germa-

mania sine investitura possideri legitime nequeant, tales etiam terræ ab eo legitime possideri, vel perpetuo in eum jure transferri nequeunt, nisi novum cum Imperatore pactum vel ejus consensus, quod idem est, accedat. Nemo igitur ex regula in Germania feudum regale sine Imperatoris consensu acquirere potest.

## §. LI.

*Quando non libere cedi possit jus de non adpell.*

Cum igitur Jus de non adpellando adhæreat terris, (§. XLII.) ex vero sine Imperatoris consensu in Germania transferri non possint in eum, cui non debentur ex jure hæreditario, vel contractu, si regulam spectes, (§. L.) colligitur inde, nec Jus de non adpellando, quod regioni isti cohæret, ad alium, cui non debebatur regio ista transire posse. Atque hoc modo vera est sententia *Dni de Berger*, quam exposuit in citata *Dissertatione de non cessibili qualit. Jur. de non adpell.*

## §. LII.

*De privilegio Electorum.*

Veruntamen Principes Electores Im-

Q

pe-

perii ab ea regula sunt exempti. Statuit enim *Aurea Bulla Tit. X.* ut iis etiam sine consensu Imperatoris regales terras comparare liceat, ita, ut is propterea investituram iis denegare prorsus nequeat. Quod privilegium octavo quoque & nono Electori competit idcirco, quoniam omnia reliquorum Electorum jura simul cum ipsa Electorali dignitate acceperunt.

### §. LIII.

*Electoribus jus de non adpell. libere cedi potest.*

Cum igitur Jus de non adpellando toties libere simul cum terris ipsis in alios transferatur, quoties ipsæ terræ regales libere transferri in alium possunt, (§. XLIX.) sequitur, ut Electoribus etiam Jus de non adpellando simul cum regione, cui id cohæret, libere sine accedente Cæsaris consensu cedi possit,

### §. LIV.

*Exemplum.*

Ut exemplo hoc declarem, quis dubitet, Ducatibus Bremensi Verdenſique in Regem Magnæ Britanniae, qua Electorem Brunsvicensē ac Luneburgensem translatis, pace cum Suecis inita,  
Jus

Jus etiam de non adpellando simul in eum translatum esse, sine accedente Imperatoris consensu, propterea quod nonus Elector omnia reliquorum Electorum jura consecutus sit.

§. LV.

*De pignoris possessore.*

Ceterum facili quoque negotio intelligitur, dummodo Germanorum mores in oppignoratis territoriis respicias, prout eos exposuit *Nic. Hier. Gundlingius* in *Dissertatione de Jure oppignorati territorii*, etiam oppignorato territorio Jus de non adpellando in pignoris possessorem transire. Jus enim de non adpellando reale est, quod regionibus terrisque ipsis cohæret. (§. XLII.) Quæ omnia cum in quemcunque possessorem transeant libere, quoties libere transferri possunt ipsæ terræ (§. XLIX.) satis, ut arbitror, clare hinc perspicitur, privilegium hoc etiam in pignoris possessorem transire libere, eodem modo atque ipsa oppignoratio libere fieri potest. Sic Magnæ Britanniae Rex, qua Elector Brunsvicensis, Comitatum Delmenhorstanum possidet, pignoris nexu à Danis sibi traditum, unde ex isto Comitatu jam

jam non amplius ad Regem Daniæ, sed Hannoveram ad Cancellariam, quam vocant, provocatur, inhibita provocatione ulteriori, si causa, ipsa eam non admittat.

§. LVI.

*Alia ratio cur privilegium hoc cedi possit.*

Alia quoque præterea ratio accedit, ob quam cedi posse Jus de non adpellando adfirmes. Regula nimirum in legibus & jure satis fundata est, id omne, quod præscriptibile sit, esse quoque cessibile. Cum vero supra demonstratum sit. (§. XXX. sqq.) Privilegium de non adpellando præscriptione immemoriali adquiri posse, sequitur, id quoque cum terris ipsis, quibus adhæret, cessione adquiri posse.

§. LVII.

*Jus de non adpell. continet querelam nullitatis.*

Querela nullitatis non tantum est adpellationis species, (§. XXIII.) verum & Germanis ante Jus Romanum inventum semper sub eadem adpellationis voce comprehensa fuit. (§. XXV.) Cum igitur in privilegiis interpretandis sequenda sit communis vocis notio, (C.I.



§. CXXXIII.) eaque notio, quæ semel legibus Germaniæ publicis introducta sit, retineri semper soleat, sequitur privilegium de non adpellando excludere quoque nullitatis querelam. Hinc si à statuum Judiciis adpellari ad suprema Imperii Tribunalia non possit, nec querela tum nullitatis locum habebit. Atque hoc loco præcipue notatu digna mihi videntur verba privilegii Cæsarei, Serenissimæ Familiæ Electorali Brunsvico-Luneburgensi concessi. Als haben wir bemeldetes Privilegium de non adpellando allermildest verliehen und mitgetheilet: thun das, theilen mit und verleihen dasselbe also von Römischer Kayserslicher Macht und Volkommenheit nach Ziel und Maß der guldnen Bull hiemit wesentlich in Krafft dieses Briefes und meinen, setzen ordnen und wollen, daß hinführo bey keinem Bey-oder End-Urtheil, Erkenntniß, Decret und Abschieden von Ihro Liebden, als Churfürsten zu Braunschweig und Lüneburg, oder der dasigen Hofgericht gesprochen in allen Sachen durch jemand keine Appellation Provocation oder Reduction - Statt haben soll. Da auch darüber durch jemandes von Ihro

ro

ro Liebden oder der Chur-Braunschweigischen Hof-Gericht Erkenntniß, Urtheil, Decret oder Abschied Appellation, Supplication, Reduction oder Berufung beschehen 2c.

### §. LVIII.

#### *De praxi Germaniae.*

Atque eum in Camera quoque Imperii morem observari, ut, si summa, de qua lis agitur, adpellationem à statu-um Judiciis non admittat, nec querela nullitatis recipiatur, testis est *Gamsius ad Rec. Imp. de 1654. §. 116. (122.)* Quod quidem *Dnus de Ludolf* in Jure Camerali de communi 400. Joachimicorum summa explicat, atque in reliquis causis querelam nullitatis coram Camera nunquam non institui posse, adfirmat. At quoniam contrariam sententiam §. LVII. defendimus, ii quidem Imperii status, qui id fieri, concedunt, suo juri renuntiant, aliis vero, qui id nondum admiserunt, nihil inde incommodi enascetur.

### §. LIX.

*An Camera Imp. jus de non adpell. habeat.*

Ceterum cum Revisio, quæ contra Cameræ Imperii iniquas sententias competit, species adpellationis sit, (C. II. §. CXV.)

Ca-



Cameram Imperialem Jus de non adpellando habere, dici vix potest.

§. LX.

*De renuntiatione hujus privilegii.*

Restat jam, ut, quibus modis hoc de non adpellando privilegium tolli possit, videamus. Quoniam igitur unusquisque juri suo per privilegium adquisito renuntiare potest, (C. I. §. CXXXIX.) licebit etiam privilegio de non adpellando renuntiare.

§. LXI.

*De renuntiatione tacita.*

In privilegio de non adpellando obligati sunt subditi, ne ad superiorem Judicem adpellent. (§. V.) Quod si ergo adpellant, faciunt, quod ipsorum obligationi contrarium est. Pone igitur, Principem non ignorantem neque impeditum pati, ut ab ipsius Judiciis ad suprema Imperii Tribunalia provocetur. Admittit is sic actum juri suo contrarium. (C. I. §. LXII.) taciteque ita privilegio suo de non adpellando renuntiat. (C. I. §. CXLV.)

§. LXII.

*Monitum.*

Germaniæ non tantum mos est, verum etiam id jam injungi solet iis, quibus Jus de non adpellando conceditur, ut supremum quoddam tribunal habeant, quo adpellationes

nes

nes dirigantur. (C. II. §. CVII.) Quod si igitur status provinciales tantum Principi suo sumtum suppeditare nolint, ut is ejusmodi supremum Judicium instituat, isque interea adpellationes ad Imperii judicia permittat, impeditur Princeps, quo minus jure suo utatur ideoque juri suo de non adpellando haud renuntiat.

## §. LXIII.

*De Electoribus Trevirensi & Colonienfi.*

Quamobrem neque Elector Trevirensis neque torte Colonienfis renuntiavit privilegio suo de non adpellando, quoniam statibus Provincialibus sumtus negantibus, provocationum supremum Tribunal instituere nequeunt, atque adeò quo minus privilegium suum exercere possint, impediuntur.

## §. LXIV.

*De querela de justitia denegata.*

Quoniam denique à Principum Electorum judiciis quamvis adpellatio denegetur, querela tamen de justitia denegata permissa est, (C. II. §. XCVII.) ea vero locum habeat, si Judex officio suo desit, legumque observantiam non tueatur, nec causam ad ejus judicium perlatum examinare, neque sententiam omnino pronuntiare velit, (C. II. §. XXVIII.) facile est intellectu, quibus causis querela de justitia denegata contra status Imperii coram supremis Imperii Tribunalibus institui possit.

**T A N T U M.**

ANT 1349104





9892



